

ମାର୍କ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର **ମାର୍କ ରାସ୍ତାମାନି ଜିସୁ କ୍ରିସ୍ତସ୍ତି** **ନେଗିକାବୁର୍** **ଇୟା ବଇ ବିସୟତାନ୍ ଏସ ମାଟା**

ଜିସୁ କ୍ରିସ୍ତସ୍ତି ଜିବନ୍ ବିସୟତାନ୍ ଖେର୍ସିମାନି ପୁନି ନିୟମ୍ତି ନାଲ୍ଗି ବଇଙ୍ଗା ମାଣ୍ଡୁ ମାର୍କ ରାସ୍ତାମାନି ସୁସମାଚାର ଆଜିନାଡ଼ ଉଣ୍ଡି । ଆୟାଞ୍ଜିକୁଦିଙ୍ଗ ସୁସମାଚାର ଇନ୍ନାର୍, ଆମାତାନି ଅର୍ତ୍ତ “ନେଗିକାବୁର୍” । ଆୟାଞ୍ଜି ଜିସୁଦି ସାତି ଖେନ୍କା ମାଥୁର, ମାର୍କ, ଲୁକ ମାରି ଯୋହନତି ମାଣ୍ଡୁ ରାସାତାମାନାଡ଼ । ନାଲ୍ଗି ସୁସମାଚାର ମାଣ୍ଡୁ ମାର୍କ ରାସ୍ତାମାନି ସୁସମାଚାର ଆଜିନାଡ଼ ଖିଜୁ ମାଣ୍ଡୁ ଇସିକା । ଇକାବା ବିସ୍ବାସ କିଆନାଡ଼ ଜେ, ଇକା ସୁସମାଚାର ମାଣ୍ଡୁ ଖିଜୁଦି ଆଗ୍ତି, ଖ୍ରୀଷ୍ଟାଞ୍ଚ ୨୫-୭୦ ନିସୋ ବାର୍ସକ୍ ଲୋଇ ରାସାତାମାନାଡ଼ । ବାଇବଲ୍‌ତି ପଣ୍ଡିତକୁ ବିସ୍ବାସ କିନାର୍ ଜେ, ରୋମ୍‌ତୁ ମାନି କ୍ରିସ୍ତାନ୍ ଲୋକାଙ୍ଗ୍ ଖେଡ଼ିକା କିନି ଉଣ୍ଡିଙ୍ଗ ଇକା ରୋମ୍‌ତୁ ରାସାତାମାନାଡ଼ ।

ମାର୍କ, ଏନ୍‌କି ଯୋହନ ମାର୍କ ଦର୍ତ୍ତାନ୍ ଖେଙ୍ଗାତାମାନାନ୍, ଖାନ୍ ପାଉଲ୍ ମାରି ବର୍ଣ୍ଣବାସତି ତଡ଼୍ ମାର୍‌ଆନ୍, ମାତର୍ ଏସ୍ତିଞ୍ଜାଲେ ଖାନ୍ ଖାରିଙ୍ଗ୍ ପ୍ରଚାର୍ କିଦେଙ୍ଗ୍ ସନି ସାର୍‌ଦୁ ଡିସ୍‌ତା ଖାତାନ୍, ନାସ୍ତିଞ୍ଜାଲେ ଖାନି ଦର୍ ମାର୍‌ଗିତା ସରାଆଡ଼ ପ୍ରେରିତ ୧୩:୧୩ । ଖେନ୍‌କା ମାର୍କ ମାରିଡେସି ବର୍ଣ୍ଣବାସତିଞ୍ଜାଲେ ସେବା ପାଣିଦୁ ସର୍‌ଆନ୍ ପ୍ରେରିତ ୧୫:୩୭-୩୯ । ମାର୍କ ବା ପିତରୁତି ଅରେନ୍ ନିଜେଦି ତଡ଼୍ତି ଖାଜା ଖେଙ୍ଗାତା ମାର୍‌ଆନ୍ ୧ ପିତର ୫:୧୩ । ଜଦିବା ମାର୍କ ଅରେନ୍ ଜିସୁଦି ଜିବନ୍‌ତି ସୁଡ଼ୁଟି ସାକି ସିଲେତାନ୍, ଆତିଙ୍ଗ୍‌ବା ବାଇବଲ୍ ପଣ୍ଡିତକୁ ବିସ୍ବାସ କିନାର୍ ଜେ, ଖାନ୍ ପିତରୁତି ସାକି ଖେନ୍‌ଜି ନିଜେଦି ସୁସମାଚାର ରାସାତାମାନାନ୍ । ସୁସମାଚାରୁତୁ ମାର୍କ ସିସ୍ତର୍ ବିସୟ ମାରି ଖିଜ୍‌ନି ଦିନ୍‌ତି ବିସୟତାନ୍ ଜିସୁଦି ସିକିୟା ମୁସକୁ ସୁଡ଼ୁଟି

ରାସ୍ତାମାନାନ୍ ।

ମାର୍କ ଇୟା ବଇଦୁ ଜିସୁ କ୍ରିସ୍ତଦିଙ୍କ ଅରେନ୍ ଦାର୍ମ୍ବ ଗତିମୁରୁଲି ମାରି ମାପୁରୁଦି ବଦାଦିଙ୍କ ମାନାଜି କିନି ଉଣ୍ଡିଙ୍କ ଝିକୁଝାଲେ ତିଆର୍ ଆନି ମାନି ଲାଡ଼ତି ମାରିନ୍ ଝାଜା ଝେରତା ମାନାନ୍, ଆୟା ଉଣ୍ଡିଙ୍କ ଝାନ୍ ଜିସୁଦି କାବାଆନି ପାଣି ବିସୟତାନ୍ ରାସନାନ୍ । ସାରାସାରି ଝାନ୍ ସାରା ଦୁନିଆଦୁ ସୁସମାଚାର ପ୍ରଚାର କିନି ପେରି ଆଦେସ୍ତି ଝାଲେ ଇୟା ସୁସମାଚାର ରାସ୍ତାତାନିଙ୍କ ବନ୍ଧୁ କିନାନ୍ ।

ଇୟା ବଇଦୁ ମାନି ମୁକିୟ ବିସୟ

୧. ତୁବନ୍ ସିନି ଜୋହନ ମାରି ଜିସୁଦି ତୁବନ୍ । ୧:୧-୧୩
୨. ଗାଲିଲିଦୁ ଜିସୁଦି ସେବାକିନି ପାଣି । ୧:୧୪; ୯:୫୦
୩. ଜିରୁସାଲମ୍ ତୁ ଜିସୁ ସନିକା ମାରି ମନ୍ଦିରୁତୁ ଡଗୁନିକା । ୧୦:୧; ୧୨:୪୪
୪. ଝାନି ଦିନ୍ତି ବିସୟତାନ୍ ଝାଜିନି ଦିନ୍ତି ମାଟା । ୧୩:୧-୩୭
୫. ଜିସୁଦି ସାନିକା, ଡେସି ନିଙ୍କା, ମାରି ପେରି ଆଦେସ୍ । ୧୪:୧-୧୬:୨୦

ଏରତୁ ତୁବନ୍ ସିନି ଜୋହନତି ପ୍ରଚାର

(ମାତିଉ ୩:୧-୧୨; ଲୁକ ୩:୧-୧୮; ଜୋହନ ୧:୯-୨୮)

^୧ ଇକା ଆଜିନାଡ଼ ମାପୁରୁ ମାରିସି ଜିସୁ କ୍ରିସ୍ତଦି ନେଗି କାରୁର୍ ଆରାମ୍ ।

^୨ ଜିସାୟ ବାବବାଦି^{*} ବଇଦୁ ଏଣ୍ଡେସ୍ ରାସାତାମାନାଡ଼,
“ସୁଡ଼ୁ, ମାପୁରୁ ଇର୍ହାନ୍,” ମାପ୍ ମା ଦୁଡ଼ତିଙ୍କ ମି ଆଗ୍ତି ପୋକ୍ନାପ୍,
ଝାନ୍ ମି ସାରି ରସନାନ୍ ।

^୩ ମରୁରୁମିଦୁ ପେରିଝେୟୁଦାନ୍ ଆଉଲିଆଜିମାନି ଅରେନ୍ ଝାନି ବଲ୍,
ପ୍ରବୁଦି ସାରି ରସଆ,
ଝାନି ସାରି ସାଡ଼କୁ କିଆ ।

^୪ ଆବେଟ୍କୁ ଏରତୁ ତୁବନ୍ ସିନି ଜୋହନ ବାଲିଭୁମିଦୁ ସର୍ହାନ୍ନୋ
ଝେରତାନ୍, ମାରି ତୁବନ୍ ସିତାନ୍ । ଝାଣ୍ଡୁ ପ୍ରଚାର କିଜି ଲୋକାଙ୍କ

^{*} ୧:୨ ଏନ୍ ମାପୁରୁଦି ମାଟା ମାପୁରୁଦି ମାଣାନ୍ ଲୋକାଙ୍କ ଝେରନାନ୍ ।

ଇନ୍ଦ୍ରେଙ୍କ ଆସ୍ତାନ୍, “ପାପ୍ତାନ୍ ମନ୍ତିଙ୍କ ଡେପ୍ତୁ, ମାରି ହୁବନ୍ ଅଥୁ ଆବେର୍ ମାପୁରୁ ମି ପାପ୍ତକେମା କିନାନ୍ ।”

୫ ଆବେର୍ ଯିହୁଦା ରାଜି ମାରି ଜିରୁସାଲମ୍ତି ଝିନ୍ତୁ ଲୋକୁ ସତାରୋ ଯୋହନତି ଲାକ୍ତୁ ଝାଦେଙ୍କ ଆସ୍ତାର ମାରି ନିଜେ ନିଜେଦି ପାପ୍ ମାନାଜି ଝାନି ମାଣ୍ଡକୁ ଜର୍ଦ୍ଦନ ଗାଡାଦୁ ହୁବନ୍ ଅତାର ।

୬ ଜୋହନ ଉର୍ ବୁର୍ବୁସାଦାନ୍ ତିଆର୍ ଆତି ଆଙ୍କ୍ ଆରାଜି ମାର୍ଆନ୍ ମାରି ଝାନି ଜୁକିଦି ସାରିବେଡ୍ତି ତଲ୍ତି ନାସ୍ ତରାଜିମାର୍ହାନ୍, ମାରି ମାଡ୍ମାଉ ନି ଗରନ୍ ପୁକି ତିନ୍ତିମାର୍ଆନ୍ ।

୭ ଝାଣ୍ଡୁ ଆଉଲି ଆଜି ଇଣ୍ଡେଙ୍କ୍ ଆସ୍ତାନ୍, “ଏନ୍କି ନା ମାଣ୍ଡକୁ ନାଣ୍ଡ ବପୁମାନାନ୍, ଆକାନ୍ ନା ଝେନ୍କା ଝାଜିନାନ୍; ନାନ୍ତୁ ପାଡ୍ଡ ଜୁତେଙ୍କ୍ତି ଗାଟି ବା କୁଡ୍ତେଙ୍କ୍ ଜଗ୍ ସିଲେ ।

୮ ନାନ୍ତୁ ମିଙ୍କ୍ ଏର୍ତୁ ହୁବନ୍ ସିଜିନା, ମାତର୍ ଝାନ୍ ମିଙ୍କ୍ ପବିତ୍ର ଆମ୍ବାଦୁ ହୁବନ୍ ସିନାନ୍ ।”

ଜିସୁଦି ହୁବନ୍ ମାରି ପରିକା

(ମାତିଉ ୩:୧୩; ୪:୧୧; ଲୁକ ୩:୨୧-୨୨; ୪:୧-୧୩)

୯ ନାସ୍ତିଝାଲେ ଜିସୁ ଗାଲିଲି ରାଜିଦି ନାଜରିତ ଦର୍ତ୍ତି ନାଟାଣ୍ଡକୁ ଝାଜି ଜର୍ଦ୍ଦନ ଗାଡାଦୁ ଜୋହନମାନ୍ତୁ ଝାନ୍ ହୁବନ୍ ଅତାନ୍ ।

୧୦ ଜିସୁ ଏର୍ତାନ୍ ସହସି ଝାନିଝାଲେ ବାଦଡ୍ ରେଆତି ମାନିଝାଜା ମାରି ପବିତ୍ର ଆମ୍ବା ପାର୍ଝାଦି ଝାଜା ଝାଜି ଝାନି ମୁସ୍କୁ ରେତାନିକା ଝାନ୍ ସୁଡ୍ତାନ୍,

୧୧ ✠ନାସ୍ତିଝାଲେ ବାଦଡ୍ତାନ୍ ଉଣ୍ଡି ବଲ୍ ଝେଙ୍କ୍ ତାଡ୍, “ନିନ୍ତୁ ମା ଲାଡ୍ତି ମାରିନ୍, ନିବାନ୍ ମାପୁ ନାଣ୍ଡ ଝେଡ୍ତିକା ।”

୧୨ ଆୟାଦାପ୍ତେ ପବିତ୍ର ଆମ୍ବା ଜିସୁଙ୍କୁ ଉଣ୍ଡି ସିମ୍ବା ବାଡିଦୁ ଅତାଡ୍ ।

୧୩ ଜିସୁ ସିମ୍ବା ବାଡିଦୁ ସାଲିସ୍ ଦିନ୍ ତେବାଜି; ସୟତାନ୍ତି ମାଣାନ୍ ପରିକା କିଆୟାଆତାନ୍; ଜିସୁ ବନ୍ତି ଜାତୁଙ୍ଗାଝାଲେ ମାର୍ଆନ୍, ମାତର୍ ମୁସ୍କୁପୁରତି ଦୁଡ୍କୁ ଝାଜି ଝାନି ସେବାକିଜିମାରେଏ ।

✠ ୧:୧୧ ମାତିଉ ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨.

ଜିସୁ ନାଲ୍‌ଏର୍ ମିନ୍‌କୁ ଆସନ୍ତି ଲୋକାଙ୍ଗ କୁକ୍‌ତାନ୍
(ମାତିଉ ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଯୋହନ ଜଇଲ୍‌ତୁ ସର୍‌ହି ଖେନ୍‌କା ଜିସୁ ଗାଲିଲି ରାଜିଦୁ
ଝାତାନ୍ ନୋ ମାପୁରୁଦି ନେଗି କାବୁର୍ ପ୍ରତାର୍ କିଦେଙ୍ଗ୍ ଆସ୍‌ତାନ୍ ।

୧୫ ଜିସୁ ଖେରତେଙ୍ଗ୍ ଆସ୍‌ତାନ୍, “ଦିନ୍ ଲାକ୍‌ତୁ ଝାତାଡ୍‌ନି, ମାପୁରୁଦି
ରାଜି ଇଗା ଝାଜିନାଡ୍ ! ପାପ୍‌ତାନ୍ ମନ୍‌ତିଙ୍ଗ୍ ଡେପ୍‌ତୁ ମାରି ମାପୁରୁଦି
ନେଗିକାବୁର୍‌ତୁ ବିସ୍‌ବାସ୍ କିଦୁ ।”

୧୬ ଜିସୁ ଗାଲିଲିଦି ସାମ୍‌ଦୁର୍ ପାଡ଼ି ସିଜି ସନିଝାଲେ ସିମୋନ୍ ପିତର
ମାରି ଆନ୍ଦ୍ରିୟ ତଡ୍ ରିଏରିଙ୍ଗ୍ ସାମ୍‌ଦୁର୍‌ତୁ ମିନ୍‌କୁ ଜାଡ଼ି ପକ୍‌ନିକା
ସୁଡ଼ତାନ୍, ଇରିଙ୍ଗ୍ ଝାର୍ ମିନ୍‌କୁ ଆସ୍‌ନିକାର୍ ମାର୍‌ଆର୍ ।

୧୭ ଜିସୁ ଝାରିଙ୍ଗ୍ ଇର୍‌ଆନ୍, ନା ଝାଲେ ରାଦୁ, ନାନ୍ ମିଙ୍ଗ୍
ଲୋକାଙ୍ଗ୍ ମାପୁରୁ ଲାକ୍‌ତୁ ତାନିକା ଅଜାକିନା ।

୧୮ ଆବେର୍ ଝାର୍ ଆୟାଦାପ୍ରେ ଜାଡ଼ି ଡିସ୍‌ତାରୋ ଜିସୁଝାଲେ ଝାଲେ
ସର୍‌ଆର୍ ।

୧୯ ମାରି, ଜିସୁ ଅଡ୍‌ପ୍ ଆଗ୍‌ଡ଼ି ସର୍‌ଆନ୍‌ନୋ ଜେବଦିଦି ରିଏର୍
ମାରିସିର୍ ଜାକୁବ ନି ଝାନି ତଡାନ୍ ଜୋହନତିଙ୍ଗ୍ ଝାରି ଡଙ୍ଗାଦୁ ଜାଡ଼ି
ମଦାକିନିକା ସୁଡ଼ତାନ୍ ।

୨୦ ଜିସୁ ଝାରିଙ୍ଗ୍ ସୁଡ଼ଜି ଦାପ୍ରେ ଝାନି ଲାକ୍‌ତୁ କୁକ୍‌ତାନ୍, ଝାର୍
ଝାରି ବୁବାସି ଜେବଦିଙ୍ଗ୍ ବୁଡିକିନି ଲୋକାଝାଲେ ଡଙ୍ଗାଦୁ ଡିସ୍‌ତାରୋ
ଜିସୁଝାଲେ ଝାଲେ ସର୍‌ଆର୍ ।

ଜିସୁ ଅରେନ୍ ଦୁବା ଆସ୍‌ତି ଲୋକ୍‌ତିଙ୍ଗ୍ ନେଗେଶ୍ଟୁ କିତାନ୍
(ଲୁକ ୪:୩୧-୩୭)

୨୧ ଜିସୁ ମାରି ସିସୁର୍ କପର୍‌ନାହୁମ୍ ଇନି ଗାଡ଼ତୁ ସର୍‌ଆର୍,
ଆୟାଦାପ୍ରେ ଜିସୁ ରୋମାନି ନାଣ୍ଡିଙ୍ଗ୍ ଜିହୁଦିରି ପାର୍‌ତନା କିନି ଇଲୁ
ଲୋଇ ସର୍‌ଆନ୍‌ନୋ ସିକିୟା ସିଦେଙ୍ଗ୍ ଆସ୍‌ତାନ୍ ।

୨୨ ☆ଝାନି ସିକିୟା ଖେନ୍‌ଜି ଲୋକ୍‌ଡର୍ କାବାଆଡାର୍; ଇରିଙ୍ଗ୍ ଜିସୁ
ସାସ୍ତାରି ଝାଜା ସିକିୟା ସିଏନ୍‌ଶ୍ଟା ଅରେନ୍ ଅଦିକାର୍ ପଇତି ଲୋକ୍‌ତି
ଝାଜା ସିକିୟା ସିଜି ମାର୍‌ଆନ୍ ।

୨୩ ନାସ୍ତିଞ୍ଚାଲେ ଅରେନ୍ ଦୁବା କାସ୍ତି ଲୋକୁ ପାରତନା କିନି ଇଲୁ ଲୋଇ ମାରାନ୍ ନୋ ଆଉଲି ଆଜି ଇରଥାନ୍ ।

୨୪ “ଏ ନାଜରିତ୍ତୟ ଜିସୁ, ନିଞ୍ଚାଲେ ମା ଇନି ପାଣି ମାନାଡ଼ ? ନିନ୍ନେ ମାଙ୍ଗ୍ ଝିସ୍ତେଙ୍ଗ୍ ଖାତି ? ନିନ୍ନୁ ଏନ୍ ଆକା ନାନ୍ ନେସ୍ନା, ନିନ୍ନୁ ମାପୁରୁତି ମାଣକୁ ଖାତିମାନି ପବିତ୍ର ଲୋକୁ ।”

୨୫ ଜିସୁ ତାନିଙ୍ଗ୍ ଆଦରିସ୍ କିଜି ଇର୍ହାନ୍, “ଆଲ୍‌ଜ ମାନ୍‌ଆ, ଇୟା ଝେନିମାଣକୁ ସସି ସାଙ୍ଗ୍‌ଆ ।”

୨୬ ତାନେ ଝେନ୍‌କା ଆୟା ତାଗ୍‌ଇଆମ୍‌ ଖାନିଙ୍ଗ୍ ଦୁକ୍ତା ପକ୍ତା ଦୋ ନାଣ୍ଡ ପେରି ଝେୟୁଦାନ୍ ଆଉଲି ଆଜି ଖାନି ମାଣକୁ ସତା ସରଥାଡ଼ ।

୨୭ ଆବେ ମାରୁଇ ଲୋକ୍‌ତର୍ କାବାଆତା ସରଥାର୍‌ନୋ ଖାରି ଖାରି ଲୋଇ ଖାର୍‌ଗିଜି ସାତାର୍, “ଇକା ଇନିକା ? ଇକା ତୋ ଉଣ୍ଡି ଅଦିକାର୍ ମାନି ପୁନି ସିକିୟା, ଖାନ୍ ତାଗ୍‌ଇ ଆମ୍‌ଆଙ୍ଗ୍ ବା ଆଦେସ୍ ସିନାନ୍, ମାରି ତାଗ୍‌ଇ ଆଡ଼ମେଙ୍ଗ୍ ଖାନି ଆଦେସ୍ ମାନାନେ ।”

୨୮ ଆୟାଝେନ୍‌କା ଜିସୁଦି ବିସୟ୍‌ତୁ ମାଟା ଦାପେ ଦାପେ ଗାଲିଲି ରାଜିଦୁ ଝିଜୁ ତରିନ୍ ଝେଙ୍ଗ୍ ତାସରଥାଡ଼ ।

ଜିସୁ ନାଣ୍ଡ ଲୋକାଙ୍ଗ୍ ନେଗେଣ୍ଡୁ କିତାନ୍

(ମାତିଉ ୮:୧୪-୧୭; ଲୁକ ୪:୩୮-୪୧)

୨୯ ତାନେ ଝେନ୍‌କା ଜିସୁ ମାରି ସିସୁର୍ ପାରତନା କିନି ଇଲୁଦାନ୍ ସତାରୋ ଯାକୁବ ନି ଜୋହନ ଖାଲେ ଆୟାଦାପ୍ରେ ସିମୋନ୍ ମାରି ଆନ୍ଦିୟରି ଇଲ୍‌ତୁ ସରଥାର୍ ।

୩୦ ସିମୋନ୍‌କା ମିମ୍‌ସି ନବ୍‌ତି ଉଣ୍ଡିଙ୍ଗ୍ ନିଙ୍ଗ୍‌ଦେଙ୍ଗ୍ ଆବ୍‌ଏଜି ମାର୍‌ଥାଡ଼, ମାରି ସିସୁର୍ ଆୟାଦାପ୍ରେ ତାନେ ମାଟା ଜିସୁଙ୍ଗ୍ ଝେର୍‌ତାର୍ ।

୩୧ ଆବେର୍ ଜିସୁ ଲାକ୍‌ତୁ ସରଥାନ୍‌ନୋ ତାନି କିୟୁ ଆସ୍‌ତାନ୍‌ନୋ ତାନେଙ୍ଗ୍ ନିକ୍‌ତାନ୍, ଆବେର୍ ତାନିଙ୍ଗ୍ ନବ୍ ଡିସ୍‌ତାଡ଼, ମାରି ଖାଦ୍ ନେଗେଣ୍ଡୁ ଆତାଦୋ ଜିସୁ ମାରି ସିସୁରି ଉଣ୍ଡିଙ୍ଗ୍ ଖାଦି ସେବା ତିଆର୍ କିଦେଙ୍ଗ୍ ଆସ୍‌ତାଡ଼ ।

୩୨ ଝେଡାସହ ଝେନ୍‌କା ଲୋକ୍‌ତର୍ ଜିସୁ ଲାକ୍‌ତୁ ଝିଜୁ ରକମ୍‌ତି ରୋଗ୍ ମାରି ଦୁବା କାସ୍ତି ଲୋକାଙ୍ଗ୍ ତାତେଙ୍ଗ୍ ଆସ୍‌ତାର୍ ।

୩୩ ଆୟା ଗାଡ଼ି ଲୋକୁ ଓଢ଼େରେ ଖାଜି ଆୟା ଇଲୁ ସେରଲା ଲାକଡ଼ୁ ଉଣ୍ଡାତାର ।

୩୪ ଜିସୁ ନାନା ରକମ୍ଭି ରୋଗ ଲୋକାଙ୍କ ନେଗେଣ୍ଡୁ କିତାନ୍ ମାରି ଏସ ଦୁବା କାସ୍ତି ଲୋକାଙ୍କ ଡ଼ିସିସ୍ କିତାନ୍, ମାରି ଖାନଡ଼ୁ ଦୁବେଆଙ୍କ ଖାରଗିଦେଙ୍କ୍ ସିଏତାନ୍, ଇରିଙ୍କ୍ ଦୁବେଙ୍କ୍ ଡ଼ର ଜିସୁଙ୍କୁ ନେସସି ମାରହେ ।

ଗାଲିଲି ରାଜିଦୁ ଜିସୁ ନେଗିକାରୁର୍ ପ୍ରଚାର କିତାନ୍
(ଲୁକ ୪:୪୨-୪୪)

୩୫ ମାରନାଣ୍ଡିଙ୍କ୍ ଖେଡ଼ା ସନି ଆଗଡ଼ି ସାଲ୍ଦି ସିକାଟି ମାନବୁ ମାନବୁନେ ଜିସୁ ନିଂଇତା ସତା ସରଆନ୍ ମାରି ଉଣ୍ଡି ସିମ୍ରା ବାଡ଼ିଦୁ ସରଆନ୍ନୋ ଆବେ ପାରତନା କିଦେଙ୍କ୍ ଆସତାନ୍ ।

୩୬ ସିମୋନ୍ ମାରି ଖାନି ତଡ଼ ଲୋକୁ ଜିସୁଙ୍କୁ ପଇଦେଙ୍କ୍ ଆସତାର,

୩୭ ଏସ୍ତିଝାଲେ ଜିସୁଙ୍କୁ ଖାର ସୁଡ଼ତୁର୍ ଖାନିଙ୍କ୍ ଇର୍ହାର, “ଓଢ଼େରେ ନିଂଇ ପଇଜି ଅସିନାର ।”

୩୮ ମାତର୍ ଜିସୁ ଖାରିଙ୍କ୍ ଇର୍ଆନ୍, “ରାଦୁ, ମାଡ଼ୁ ଇୟା ଲାକଡ଼ୁ ମାନି ନାରକାଙ୍କ୍ ସିନାର । ନାନ୍ ଆବେବା ପ୍ରଚାର କିନା, ଇରିଙ୍କ୍ ଆୟା ଉଣ୍ଡିଙ୍କ୍ ନାନୁ ସତା ଖାତାମାନା ।”

୩୯ ଆୟାଝେନ୍‌କା ଜିସୁ ଗାଲିଲି ରାଜିଦି ଓଢ଼ୁ ନାରକାଙ୍କ୍ ବୁଲାଜି ବୁଲାଜି ଖାରି ଓଢ଼ୁ ପାରତନାକିନି ଇଲ୍‌କାଙ୍କ୍ ପ୍ରଚାର କିତାନ୍ ମାରି ଦୁବେଙ୍କ୍ ଆସତି ଲୋକାଙ୍କ୍ ଡ଼ିସିସିତାନ୍ ।

ଜିସୁ ଅରେନ୍ କୁସ୍ତ ରୋଗିଙ୍କ୍ ନେଗେଣ୍ଡୁ କିତାନ୍
(ମାତିଉ ୮:୧-୪; ଲୁକ ୫:୧୨-୧୬)

୪୦ ଜିସୁଦି ଲାକଡ଼ୁ ଅରେନ୍ କୁସ୍ତରୋଗ ଆଡି ମାରିକାନ୍ ଖାତାନ୍ ନୋ ଖାନି ଆଗଡ଼ି ମେଣ୍ଡେଙ୍କ୍ ଗର୍ କିତାନ୍ନୋ ଇର୍ଆନ୍, “ନିନ୍ ଜଦି ବଦା କିନି, ନାଙ୍କ୍ ନେଗେଣ୍ଡୁ କିଦେଙ୍କ୍ ଆଟ୍‌ନି ।”

୪୧ ଜିସୁ ଦୟା ତରତାନ୍ନୋ କିୟୁ ପେରଜି ଖାନିଙ୍କ୍ ମୁର୍ସି ଇର୍ହାନ୍, ନାନ୍ ବଦା କିଜିନା, “ନିନ୍ ନେଗେଣ୍ଡୁ ଆଆ ।”

† ୧:୪୦ କୁସ୍ତ ରୋଗି ଉଣ୍ଡିଙ୍କ୍ ଅରେନ୍ ଯିହୁଦି ଲୋକୁ ମାପୁରୁତି ପୁଜା କିଦେଙ୍କ୍ ଆଟ୍‌ଏଜି ମାରଆନ୍, ଇରିଙ୍କ୍ କୁସ୍ତ ରୋଗିଙ୍କ୍ ଜିହୁଦି ଲୋକୁ ତାଗିଇକା ଇଜି ଅଡ଼ବିଜି ମାରଆର୍ ।

୪୨ ଆୟାଦାପ୍ତେନେ କୁସ୍ତରୋଗ୍ ଖାନି ମାଣାନ ଡିସ୍ତା ସରଥାଡ୍ ମାରି ଖାଣ୍ଡୁ ନେଗେଣ୍ଡୁ ଆତାନ ।

୪୩ ଇୟା ଖେନ୍‌କା ଜିସୁ ଖାନିଙ୍ ଆଟ୍‌ଖାଦାନ ଆଦେସ୍ ସିଜି ଆୟାଦାପ୍ତେ ପୋକ୍‌ସି ଇର୍‌ଆନ୍,

୪୪ “ଜାଗାତା, ଏଙ୍‌ବା ଇନିକା ଇନ୍‌ମା, ମାତର ସାଙ୍‌ଆ, ଜାଜକରିମାନୁ ନିଜେଦିଙ୍ ତରଆ; ନିନ୍ ଜେ ନେଗେଣ୍ଡୁ କିଆଇଆତିମାନି ଇକା ଲୋକାମାନୁ ସାକି ସିଦେଙ୍ ଇଜି ମୋସାଦି ସିତିମାନି ନିୟମ୍‌ତାନ୍ ପୁଜା ସିଆ ।”

୪୫ ମାତର ଆକାନ ସତା ସରଥାନ୍ ନୋ ଇୟା ମାଟା ଖିଜୁ ତରିନ୍ ଇଜି ବୁଲାତାନ୍ ଜେ, ଜିସୁ ମାରି ପ୍ରଚାର୍ କିଦେଙ୍ ତରାଜି ଏମେ ନାର୍‌ତୁବା ସନ୍‌ଡେଙ୍ ଆଟ୍‌ଏତାନ୍, ମାତର ଜିସୁ ଆଡ୍‌ରେ ସିମ୍ବା ବାଡିଦୁ ମାନ୍‌ଜି ମାର୍‌ଆନ୍; ମାରି ଖିଜୁ ତରିଣ୍ତି ଲୋକୁ ଜିସୁ ଲାକ୍‌ତୁ ଖାଦେଙ୍ ଆସ୍‌ତାର୍ ।

୨

ଜିସୁ ଅରେନ୍ କିକୁକାଲ୍‌କୁ ଖାର୍‌ତି ରୋଗ୍ ଲୋକତିଙ୍ ନେଗେଣ୍ଡୁ କିତାନ୍

(ମାତିଡ ୯:୧-୮; ଲୁକ ୫:୧୭-୨୬)

୧ ଏସୋ ଦିନ୍ ସରିଇ ଖେନ୍‌କା ଜିସୁ କପରନାହୁମ୍ ନାର୍‌ତୁ, ଏମେ ଇଣ୍ଡୁ ତେବାଜି ମାରାଆନ୍ ଆୟା ଇଣ୍ଡୁ ମାରିଡେସି ଖାତାନ୍ । ଜିସୁ ଆୟା ଇଲ୍‌ତୁ ମାନାନ୍ ଇଜି ଲୋକାମାନୁ କାବୁର୍ ସରଥାଡ୍ ।

୨ ଆବେ ନିସା ଲୋକୁ ଉଣ୍ଡାତାର୍ ଜେ, ସେରଲା ଲାକ୍‌ତୁବା ଅଡ୍‌ପ ବାଡି ସିଲେତାଡ୍, ମାରି ଜିସୁ ଖାରିମାନୁ ବାକ୍ୟ ଖେର୍‌ଡେଙ୍ ଆସ୍‌ତାନ୍ ।

୩ ଇୟାଖାଲେ ଲୋକୁ ଅରେନ୍ ପକିୟାଗାତି ରୋଗ୍ ଲୋକତିଙ୍ ନାଲ୍‌ଏରିଙ୍ ପିଣ୍ଡିସ୍ କିବିସ୍ କିତାରୋ ଜିସୁ ଲାକ୍‌ତୁ ଆସ୍‌ତା ଖାତାର୍,

୪ ମାତର ନାଣ୍ଡ ଲୋକୁ ମାର୍‌ଆର୍‌ଆକା ଜିସୁ ଲାକ୍‌ତୁ ତାଡ୍‌ଡେଙ୍ ଆଟ୍‌ଏତାର୍, ଆଦେଙ୍ ଜିସୁ ଏମେ ବାଡିଦୁ ମାର୍‌ଆନ୍, ଆୟା ବାଡିଦି ରେକାମ୍ କୁଡ୍‌ତା ପକ୍‌ତାର୍, ମାରି ଆକା ରୁକ୍‌ତାରୋ, ଆମା କାଟେଲ୍‌ତୁ କିକୁକାଲ୍‌କୁ ଖାର୍‌ତି ରୋଗ୍ ଲୋକୁ ତରିତା ମାର୍‌ଆନ୍, ଆୟା ମିସ୍‌ଡେ ଜିସୁ ଆଗ୍‌ଡି ରେପ୍‌ତାର୍ ।

୫ ଆୟା ଲୋକାଦି ବିସ୍ବାସ ସ୍ବତନ୍ତ୍ର ଜିସୁ କିକ୍ବକାଲକୁ ଖାରତି ରୋଗିଦିଙ୍କୁ ଇରୁଆନ୍, “ଏ ମାରିନ୍, ନି ପାପୁଞ୍ଜି କେମା ଆତାମାନାଡ଼ ।”

୬ ମାତର୍ ସାସ୍ତିର୍ ମାଣକୁ ଏସଲୋକ୍ ଆୟା ବାଡ଼ିଦୁ ବାସ୍ତାରୋ ଖାରିଖାରି ମନ୍ ଲୋଇ ଇକା ଅଡ଼ବିଜି ମାର୍ଆର୍,

୭ “ଇକାନ୍ ଏୟା ଇୟାଖାଜା ଇଜିନାନ୍ ? ଖାନ୍ ମାପୁରୁଙ୍କୁ ନିଦା କିଜିନାନ୍ ! ମାପୁରୁଙ୍କୁ ଡ଼ିସ୍ତିଙ୍କୁ ମାରି ଏନ୍ ପାପୁକେମା କିଦେଙ୍କୁ ଆଟ୍ଟନାନ୍ ?”

୮ ଖାର୍ ଖାରି ମୋନ୍ତୁ ଇୟାଖାଜା ଖାରଗ୍ଜିସାଜିନାର୍, ଇଜି ଜିସୁ ଜିବନ୍ତୁ ଆୟାଦାପ୍ରେନେ ନେସ୍ତାନନୋ ଖାରିଙ୍କୁ ଇରୁଆନ୍, ମିର୍ ନିଜେ ନିଜେଦି ମନ୍ତୁ ଏୟା ଇୟାଖାଜା ମାଟା ଖାରଗ୍ଜି ସାଜିନିଦେର୍ ?

୯ ଇୟା କିକ୍ବକାଲକୁ ଖାରତି ରୋଗିଦିଙ୍କୁ “ନି ପାପୁକେମା ଆତାଡ଼, ଇଜି ଇନିକା ଉସାସ୍,” ନୋ “ନିଙ୍କୁଆ, ଚାଟି ଆସ୍ସି, ସାଙ୍କୁଆ ଇଜି ଇନିକା ଉସାସ୍ ?”

୧୦ ମାତର୍ ସାରାଦୁନିଆଦୁ ପାପୁକେମା କିଦେଙ୍କୁ ମନ୍ସପୁତ୍ରଦିଙ୍କୁ ଜେ ଅଦିକାର ମାନାଡ଼, ଇକା ନାନ୍ କିଦେଙ୍କୁ ଆଟ୍ଟନା । ଇୟାଉଣ୍ଡିଙ୍କୁ ଜିସୁ ଆୟା କିକ୍ବକାଲକୁ ଖାରତି ରୋଗ୍ ଲୋକ୍ଦିଙ୍କୁ ଇରୁଆନ୍,

୧୧ “ନାନ୍ ନିଈ ଇଜିନା, ନିଙ୍କୁଆ, ନି ଚାଟି ଆସ୍ସି, ମି ଇଣ୍ଡୁସାଙ୍କୁଆ ।”

୧୨ ଆବେର୍ ଖାନ୍ ନିଈତାନ୍, ଆୟାଦାପ୍ରେ କାଟେଲ୍ ଆସ୍ସି, ଝିଜେରି ଆଗ୍ଡି ସତା ସର୍ଆନ୍; ଆବେନ୍ ଝିଜେରେ କାବାଆତାରୋ ମାପୁରୁଙ୍କୁ ଦନ୍ୟବାଦ୍ କିଜି କିଜି ଇର୍ହାର୍, “ମାପ୍ ଇୟାଖାଜା ପାଣି ଏସାଙ୍କୁବା ସ୍ବତ୍ସୁପ୍ ମାର୍ହାପ୍ ।”

ଲେବି ଇନି ଅରେନ୍ ଲୋକ୍ତିଙ୍କୁ ଜିସୁ କୁକ୍ତାନ୍

(ମାଡ଼ିଉ ୯:୯-୧୩; ଲୁକ ୫:୨୭-୩୨)

୧୩ ଜିସୁ ମାରିଡ଼େସି ଗାଲିଲି ସାମ୍ବୁର୍ ପାଡ଼ି ସର୍ଆନ୍, ମାରି ନାଣ୍ଡଲୋକ୍ ଖାନି ଲାକ୍ତୁ ଖାତାର୍ ଆକା, ଖାନ୍ ଖାରିଙ୍କୁ ଶିକ୍ଷା ସିଦେଙ୍କୁ ଆସ୍ତାନ୍ ।

୧୪ ମାରି, ଜିସୁ ସଲ୍ପୁ ସଲ୍ପୁ ଆଲ୍ଫିତି ମାରିନ୍ ଲେବିଙ୍କୁ ନିଜେଦି ସିସ୍ତୁ ଲସ୍ନି ବାଡ଼ିଦୁ ବାସ୍ତି ମାର୍ଇକା ସ୍ବତ୍ତୁନ୍ । ଖାନ୍ ଖାନିଙ୍କୁ

ଇରଥାନ, “ନା ଝେନ୍‌କା ରାଆ ।” ଆବେଟ୍‌ ଖାନ୍ ନିଂଇତାନନୋ ଜିସୁ ଝେନ୍‌କା ସରଥାନ ।

୧୫ ଇୟା ଝେନ୍‌କା ଜିସୁ ଲେବି ଇଲ୍‌ତୁ ଉଣ୍‌ରେଙ୍‌ ବାସନିଝାଲେ ଏସୋ ସିସ୍‌ଟୁ ଲସନି ଲୋକୁ ମାରି ପାପି ଲୋକ୍‌ତର ଜିସୁ ମାରି ଖାନି ସିସ୍‌ରିଝାଲେ ଉଣ୍‌ରେଙ୍‌ ବାସତାର୍‌; ଇରିଙ୍‌ ଖାର ନାଣ୍‌ ଲୋକୁ ମାରଥାର୍‌, ମାରି ଖାର ଜିସୁଝାଲେ ବୁଲାଇମାରଥାର୍‌ ।

୧୬ ଜିସୁ ପାପିଲୋକା ଖାଲେ ମାରି ସିସ୍‌ଟୁ ଲସନି ଲୋକାଝାଲେ ଉଣ୍‌ଜି ମାରଥାନ, ଇକା ସୁଡ଼ୁତାର ପାରୁସି ଦଳତି ଶାସ୍ତ୍ରାର ଖାନି ସିସ୍‌ରିଙ୍‌ ଇଣ୍‌ରେଙ୍‌ ଆସତାର୍‌, “ଇକା ଇନିକା ? ଖାନ୍ ସିସ୍‌ଟୁ ଲସନି ଲୋକାଝାଲେ ମାରି ପାପିଲୋକା ଖାଲେ ଅର୍‌ସେ ଉଣାନ !”

୧୭ ଆୟା ମାଟା ଝେନ୍‌ଜି ଜିସୁ ଇରଥାନ, “ନେଟି ଲୋକାଦି ଉଣ୍‌ଜି ତାକ୍‌ତର୍‌ତି ଦର୍‌କାର ସିଲେଡ଼, ମାତର ନବ୍‌ ଲୋକା ଉଣ୍‌ଜି ତାକ୍‌ତର୍‌ତି ଦର୍‌କାର ମାନାଡ଼; ନାନ୍ ଦାର୍‌ମୁ ଲୋକାଙ୍‌ କୁକ୍‌ତେଙ୍‌ ରେଏ, ମାତର ପାପି ଲୋକାଙ୍‌ କୁକ୍‌ତେଙ୍‌ ଇଜି ଖାତାମାନା ।”

ଉପାସ୍‌ ତେବାନି ବିସୟ

(ମାତିଉ ୯:୧୪-୧୭; ଲୁକ ୫:୩୩-୩୯)

୧୮ ତୁବନ୍ ସିନି ଯୋହନତି ସିସ୍‌ଟୁ ମାରି ପାରୁସିର ଉପାସ୍‌ କିଜିମାରଥାର୍‌ । ଆବେଟ୍‌ ଏସ ଲୋକୁ ଖାତାରୋ ଜିସୁଙ୍‌ ଇର୍‌ହାର୍‌, “ତୁବନ୍ ସିନି ଯୋହନତି ସିସ୍‌ଟୁ ମାରି ପାରୁସିର ସିସ୍‌ଟୁ ଉପାସ୍‌ କିନାର୍‌, ମାତର ମି ସିସ୍‌ଟୁ ଉପାସ୍‌ ଏନ୍‌ କିଏର୍‌ ?”

୧୯ ଜିସୁ ଖାରିଙ୍‌ ଇରଥାନ, “କାନ୍ୟାମୁରୁଲିରି ଖାଲେ ମୁରୁଲୀ ମାନିଝାଲେ ଖାର ଉପାସ୍‌ କିନାର ନୋ ? ମୁରୁଲି ଆମାସାଦି ଖାରିଝାଲେ ମାନାନ୍‌, ଆୟା ସାଦି ଖାର ଉପାସ୍‌ କିଦେଙ୍‌ ଆଟ୍‌ଏର୍‌ ।

୨୦ ମାତର ଦିନ୍‌ ଖାନାଡ଼, ଏସ୍‌ିଝାଲେ ଖାରିମାଣାନ୍‌ ମୁରୁଲିଙ୍‌ ଅନାର୍‌, ମାରି ଆୟାଝାଲେ ଆୟାନାଣ୍‌ଜି ଖାର ଉପାସ୍‌ କିନାର୍‌ ।

୨୧ “ଏନ୍‌ ପୁନି ଖାତିଦି ଇସି ଅଟିଦିଙ୍‌ ଅସି ପାଡ଼ିଇ ଖାତିଦୁ ଗୁଡ଼ଏନ୍‌; ଇରିଙ୍‌ ଗୁଡ଼ତିଙ୍‌ ଆୟା ପୁନି ଖାତିଦି ଅଟି ପାଡ଼ିଇ ଖାତିଦିଙ୍‌ ନାଣ୍‌ କିଜିସ୍‌କିନାଡ଼ ମାରି ନାଣ୍‌ ପେରିକା କିଜିନାଡ଼ ।

୨୨ ମାରି, ଏନ୍‌ ପୁନି ଅଙ୍‌ର ରସ୍‌ତିଙ୍‌ ପାଡ଼ିଇ ତଲ୍‌ ମଣିଦୁ ଇଡ଼ଏନ୍‌; ଜଦି ଇଟ୍‌ତିଙ୍‌ ଆକା ତଲ୍‌ ମଣିଦିଙ୍‌ ପାଡ଼ିସ୍‌ କିନାଡ଼, ଆବେଟ୍‌

ଅଙ୍ଗୁରରସ ନି ତଳମଣି ରୁଣ୍ଡିବା ସେଏଣୁ ଆନେ । ମାତର ପୁନି ଅଙ୍ଗୁର
ରସତିଙ୍କ ପୁନି ତଳ ମଣିଦୁ ଇଡ଼ନିକା ମାନାଡ଼ ।”

ରମ୍ଭା ଦିନିତି ବିସୟତାନ ପ୍ରସ୍ତ
(ମାତିଉ ୧୨:୧-୮; ଲୁକ ୬:୧-୫)

୨୩ ଅରଲେନ୍ ରମ୍ଭାଦିନିଦୁ ଜିସୁ ପାସି କିଡ଼ିଇ ନାଡ଼ମି ସିଜି ସଲସି
ମାରଆନ୍, ମାରି ଖାନି ସିସୁର ଖାନିଖାଲେ ସଲପୁ ସଲପୁ ପାସି
ସେରେନକୁ ତେଡ଼ତେଙ୍ଗ ଆସିତାର ।

୨୪ ଆବେଟ ପାରୁସିର ଜିସୁଙ୍କୁ ଇର୍ହାର, “ସୁଡୁଆ, ରମ୍ଭାଦିନିଦୁ
ଆମାକାକି କିଦେଙ୍ଗ ନିୟମ୍ ସିଲେଡ଼, ମି ସିସୁର ଇନିଦାନିଙ୍ଗ ଆକା
କିଜିନାର ?”

୨୫ ଜିସୁ ଖାରିଙ୍ଗ ଇର୍ହାନ, ଏସିଖାଲେ ଦାଉଦଦିଙ୍ଗ ଖାଦି ସିଲେତାଡ଼
ଆୟାଖାଲେ ଖାନ ମାରି ଖାନି ତଡ଼ତି ଲୋକୁ ବାଙ୍ଗା ଆତାର,
ନାସତିଖାଲେ ଖାନ ଇନିକା କିତାମାରଆନ୍, ମିର ଆକା ଏସାଙ୍ଗ ବା
ପଡ଼ାଇଦେର ନୋ ?

୨୬ ଅବିୟାଥର ଝିଜେରିଙ୍ଗ ପେରି ଜାଜକରି ଦିନିଦୁ ଦାଉଦ
ଏଣ୍ଡେସ କିଜି ମାପୁରୁତି ଇଲୁଡ଼ୁ ଡ଼ୁରୁତାନନୋ, ଆମା ପୁଜାସିତି ରୁଟି
ଯାଜକରିଙ୍ଗ ଡ଼ିସତିଙ୍ଗ ଏନ୍‌ବା ତିଣ୍ଡେଙ୍ଗ ନିୟମ୍ ସିଲେଡ଼, ଆକା
ତିରାଆ ମାରଆନ୍, ମାରି ଖାନି ତଡ଼ ଲୋକାଙ୍ଗ ବା ସିତା ମାରଆନ୍ ।

୨୭ ଜିସୁ ପାରୁସିରିଙ୍ଗ ଇର୍ହାନ, ରମ୍ଭାଦିନି ଲୋକା ସାହାଜ୍ୟ
ଉଣ୍ଡିଙ୍ଗ ତିଆର ଆତାମାନାଡ଼, ମାତର ଲୋକତିଙ୍ଗ ବଜୁ ଉଣ୍ଡିଙ୍ଗ
ରମ୍ଭାଦିନି ଆଏଡ଼ ।

୨୮ ଆଦେଙ୍ଗ ମନୁସ୍ୟପୁତ୍ର ଜେ ନାନ୍, ରମ୍ଭାଦିନିଦି ପ୍ରବୁ ଆନା ।

୩

ଜିସୁ ଅରେନ୍ କିୟୁ ଖାରତି ସହ ଲୋକତିଙ୍ଗ ନେଗେଣୁ କିତାନ୍
(ମାତିଉ ୧୨:୯-୧୪; ଲୁକ ୬:୬-୧୧)

୧ ଜିସୁ ମାରିଡ଼େସି ପାରତନା କିନି ଇଲୁଡୁ ସରଆନ୍ । ଆବେ
ଅରେନ୍ ଲୋକୁ ମାରଆନ୍, ଖାନି ଉଣି କିୟୁ ଖାରତା ମାରଆଡ଼ ।

୨ ମାରି, ଜିସୁ ରମ୍ଭା ଦିନିଦୁ ଆୟା ଲୋକତିଙ୍ଗ ନେଗେଣୁ
କିନାନନୋ ସିଲେ, ଇକା ସୁଡ଼ୁଦେଙ୍ଗ ଇଜି ଖାର ଖାନି ମୁସକୁ କାଣୁକୁ

ସୁତୁକ୍ତିମାର୍ଥାର୍, ଏଣେସକି ଖାର୍ ଖାନି ବିରୁଦ୍ଧତାନ୍ ଦୋସ୍ କିଦେଙ୍ଗ୍ ଆର୍ଦ୍ଧନାର୍ ।

୩ ଆମା ଖାନିଦି କିୟ୍ ଖାର୍ତା ସୋର୍ଥା ମାର୍ଥାଡ୍, ଖାନିଙ୍ଗ୍ ଜିସୁ ଇରଥାନ, “ରାଆ, ନାଣ୍ମି ନିଲ୍ଥା ।”

୪ ମାରି, ଜିସୁ ଖାରିଙ୍ଗ୍ ଇରଥାନ, “ରମ୍ମି ନାଣ୍ମିଙ୍ଗ୍ ଇନି ପାଣି କିନିକା ନିୟ୍ମ୍ ମାନାଡ୍ ? ନେଗେଣ୍ଟୁ କିଦେଙ୍ଗ୍ ନୋ ସେଏଣ୍ଟୁ କିଦେଙ୍ଗ୍ ? ଅରେନ୍ ଲୋକତି ଜିବନ୍ ରକିୟା କିନିକା ନୋ ସାପିସ୍ନିକା ?” ମାତର୍ ଲୋକତିର୍ ଆଲେତା ସିରଥାର୍ ।

୫ ଆବେଟ୍ ଜିସୁ ଲୋକା ଜିବନ୍ ଆର୍ଖାଆକା ଦୁଃକ୍ ଆଜି ରିସାଦାନ୍ ସାରିବେଡ୍ଡି ଖାରିଙ୍ଗ୍ ସୁତୁକ୍ତି କିୟ୍ ଖାର୍ତି ମାର୍ତ୍ତ ଲୋକତିଙ୍ଗ୍ ଇରଥାନ, “ନି କିୟ୍ ପେର୍ଥା ।” ଖାନ୍ ଖାନି କିୟ୍ ପେର୍ତାନ୍, ମାରି ଖାନି କିୟ୍ ନେଗେଣ୍ଟୁ ଆତାସର୍ଥାଡ୍ ।

୬ ଇକା ସୁତୁକ୍ତାର୍ ନୋ ପାରୁସିର୍ ପାର୍ତନା ଇଲ୍ତାନ୍ ସହସି ସରଥାର୍ ନୋ ଜିସୁଙ୍ଗ୍ ସାୟା ମାର୍ଗା ତାକ୍ତେଙ୍ଗ୍ ଇଜି ଖାନି ବିରୁଦ୍ଧତାନ୍ ଆୟାଦାପ୍ରେ ହେରୋଦ ରାଜା ଦଲ୍ତି ନେତାରିଖାଲେ ଖାର୍ଗିଜି ସାତାର୍ ।

ସାମ୍ବୁର୍ ପାଡି ଲୋକୁ ଉଣ୍ଡାନିକା

୭ ଜିସୁ ଖାନି ସିସୁରିଖାଲେ ମିସାତାନ୍ ନୋ ଗାଲିଲି ସାମ୍ବୁର୍ ପାଡି ସର୍ଥାନ । ମାରି ଗାଲିଲି ଗାଡ୍ତାନ୍ ନାଣ୍ଟ ଲୋକୁ ସତା ରୋ ଖାନି ଖାଲେ ବୁଲାତାର୍; ମାରି ଜିହୁଦା,

୮ ଜିରୁସାଲମ୍, ଇଦୋମ୍, ଜର୍ଦ୍ଦନ ଗାଡ୍ଡି ଆୟା ପାଡ୍ଡା ମାନିକାର୍, ମାରି ସୋର ନି ସିଦନ୍ତି ସାରିବେଡ୍ଡିଦାନ୍ ଲୋକୁ ଝିଜେରେ ଖାନି ପାଣିଦିମାଟା ଖେର୍ଥାର୍ତୋ ଖାନି ଲାକ୍ତୁ ଖାତାର୍ ।

୯ ଆବେ ନାଣ୍ଟ ଲୋକ୍ ଉଣ୍ଡାତାର୍ଥାକା, ଲୋକୁ ଝିଜେରେ ଖାନି ଲାକ୍ତୁ ଖାଜ ମାର୍ସି ସାଏର୍, ଆୟାଉଣ୍ଟି ଖାନ୍ ଖାନି ସିସୁରିଙ୍ଗ୍ ଖାନି ଉଣ୍ଟିଙ୍ଗ୍ ଉଣ୍ଟି_ ଇସ୍ମି ତଙ୍ଗା ଲାକ୍ତୁ ଇଡ୍ଦେଙ୍ଗ୍ ଇରଥାନ;

୧୦ ଇରିଙ୍ଗ୍ ଜିସୁ ଏସ ରୋଗ୍ତୁ ମାର୍ତ୍ତ ଲୋକାଙ୍ଗ୍ ନେଗେଣ୍ଟୁ କିତାନ୍ଥାକା, ମାରି ରୋଗ୍ତୁ ମାନି ଝିଜେରେ ଖାନିଙ୍ଗ୍ ମୁର୍ତେଙ୍ଗ୍ ଇଜି ଖାନି ମୁସକୁ ମାର୍ସି ସାଜି ମାର୍ଥାର୍ ।

୧୧ ମାରି, ତାଗଇଆମ୍ବା ଆସ୍ତିମାରଇ ଲୋକୁ ଜିସୁଙ୍କୁ ସୁତୁଜିମାରଆର୍, ଖାର ଜିସୁ ଆଗତି ଆରଜି ଆଉଲି ଆଜି ଇନଜିମାରଆର୍, “ନିନୁନେ ମାପୁରୁଦି ମାରିସି ।”

୧୨ ଆବେର୍ ଖାନ୍ ଏନ୍ ଆକା ଏଙ୍ଗବା ଇନଇ ଉଣ୍ଡିଙ୍ଗ୍ ଖାନ୍ ତାଗଇ ଆମେଆଙ୍ଗ୍ ଆର୍ଖାଦାନ୍ ଆଦେସ୍ ସିତାନ୍ ।

ଜିସୁ ବାର ଲୋକାଙ୍ଗ୍ ସିସୁର କିତାନ୍

(ମାତିଉ ୧୦:୧-୪; ଲୁକ ୬:୧୨-୧୬)

୧୩ ଆୟାଞ୍ଜେନକା ଜିସୁ ଗରନ୍ ମୁସକୁ ସର୍ଆନନୋ, ଖାଣ୍ଟୁ ଏମେ ଲୋକତିଙ୍ଗ୍ ବଦା କିତାନ୍ ଆୟା ଲୋକତିଙ୍ଗ୍ ଖାନ୍ ଲାକଡୁ କୁକିତାନ୍ ମାରି ଖାର ଖାନ୍ବାନ୍ ଖାତାର ।

୧୪ ଜିସୁ ବାର ଲୋକ ସିସୁରିଙ୍ଗ୍ ବାସକିତାନ୍, ଏଣ୍ଡେସ୍ ଖାରୁ ଖାନ୍‌ଖାଲେ ତେବାନାର୍, ମାରି “ଖାନ୍ ଖାରିଙ୍ଗ୍ ନେଗିକାବୁରୁ ପ୍ରତାର୍ କିଦେଙ୍ଗ୍ ପୋକିତାନ୍,”

୧୫ ମାରି ଖାର ଦୁବେଆଙ୍ଗ୍ ପେରଦେଙ୍ଗ୍ ଅତିକାର ପଇତାର୍ ।

୧୬ ଜିସୁ ଇୟା ବାର ଲୋକାଙ୍ଗ୍ ବାସକିତାନ୍ ସିମୋନ୍, ଜିସୁ ଆମାଖାନ୍‌ଜି କି ମାରି ଉଣ୍ଡି ଦର୍ ପିତର୍ ଇଜି ସିତାନ୍;

୧୭ ଜେବଦୀଦି ରିଏର୍ ମାରିସିର୍ ଯାକୁବ ମାରି ଖାନ୍ ତଡାନ୍ ଯୋହନ୍, ଆମାଖାରିଙ୍ଗ୍ ଖାନ୍ ବିନେରିଗୋସ୍, ବା ମିର୍ସି ଆଉଲି ଆନି ବାଦଡୁତି ମାରିସିର୍ ଇଜି ଦର୍ ସିତାନ୍;

୧୮ ଆନ୍ଦ୍ରିୟ, ପିଲିପ୍, ବାର୍ତଲମି, ମାତିଉ, ଥୋମା, ଆଲପିଦି ମାରିସି ଯାକୁବ, ଅଦୀୟ, କିଣାନିୟ ସିମୋନ୍, ଏନ୍ ଇସାଏଲ୍‌ତିଙ୍ଗ୍ ଡିସିସ୍ କିଦେଙ୍ଗ୍ ବଦାକିଜି ମାରଇ ଯିହୁଦି ଲୋକାମାଣ୍‌କୁ ଅରେନ୍ ମାରଆନ୍ ।

୧୯ ମାରି ଇସ୍ତାରିୟୋତିୟ ଜିହୁଦା, ଆମାକାନ୍ କି ଖେନକା ଜିସୁଙ୍କୁ ସାବୁରି କିୟୁଦୁ ଆସ୍ତିସ୍ କିତାନ୍ ।

ଜିସୁ ମାରି ବାଲ୍‌ଜିବୁଲ୍

(ମାତିଉ ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ଇୟା ଖେନକା ଜିସୁ ଏସିଖାଲେ ଇନ୍‌ଡୁ ଡେସି ଖାତାନ୍, ଆବେ ନିସା ଲୋକୁ ଉଣ୍ଡାତା ମାରଆର୍ ଯେ, ଜିସୁ ମାରି ଖାନ୍ ସିସୁର୍ ଖାଦି ଉଣ୍ଡେଙ୍ଗ୍ ବା ଆର୍‌ଏତାର୍ ।

୨୧ ଏସିଝାଲେ ଜିସୁରି ଇନ୍ଦ୍ରଣି ଲୋକୁ ଇକା ଝେରୁଆର୍ ଆୟାଝାଲେ ଝାର ଜିସୁକୁଁ ଦେସି କୁକ୍ସ ଅତେଙ୍ଗ୍ ସରଆର୍, ଇରିଙ୍ଗ୍ “ଝାନି ତାଲା ପାଣି ସିଏଜିନାଡ଼ ଇଜି ଲୋକୁ ଝାରଜିସାନିକା ଝେରୁଆର୍ ।”

୨୨ ☆ମାରି, ଜିରୁସାଲାମ୍‌ତାନ୍ ଝାତି ଏସୋ ସାସ୍ତ୍ରିର୍ ଇର୍ହାର୍, “ଝେନିଙ୍ଗ୍ ଦୁବେଆଣି ପେରିକାଡ଼ ବାଲ୍‌ଜିରୁଲ୍ ବୁଡ଼ତା ମାନାଡ଼, ତାନେ ସାଲ୍‌ଜିଦାନ୍ ଦୁବେଙ୍ଗ୍ ଡିସିସ୍‌ନାନ୍ ।”

୨୩ ଜିସୁ ଝାରିଙ୍ଗ୍ ଲାକ୍‌ତୁ କୁକ୍‌ତାନ୍ ମାରି ଉଣ୍ଡି କାତା ଝେରୁସି ବୁଜା କିତାନ୍, “ସୟତାନ୍ ଏଣ୍ଡେସ ଶୟତାନ୍‌ତିଙ୍ଗ୍ ପେରଦେଙ୍ଗ୍ ଆଟ୍‌ନାଡ଼ ?”

୨୪ ନିଜେଦି ଦେସ୍ ଜଦି ନିଜେ ନିଜେରି ଦଳ ଲୋଇ ଜୁଦ୍ କିନାର୍, ଆୟା ରାଜି ତିର୍ ତେବାଦେଙ୍ଗ୍ ଆଟ୍‌ଏଡ଼ ।

୨୫ ମାରି, ଉଣ୍ଡି ଇଲ୍‌ତି ଲୋକୁ ଜଦି ବାଗ୍ ବାଗ୍ ଆଜି ନିଜେ ନିଜେରି ଲୋଇରି ବିରୁଦ୍‌ତାନ୍ ନିଂଇତିଙ୍ଗ୍, ଆୟା ଇଲ୍ଲୁ ତିର୍ ତେବାଦେଙ୍ଗ୍ ଆଟ୍‌ଏଡ଼ ।

୨୬ ଆୟାଝାଜା, ଜଦି ଶୟତାନ୍‌ତି ରାଜି ବାଗ୍ ବାଗ୍ ଆଜି ନିଜେଦି ବିରୁଦ୍‌ତାନ୍ ନିଂଇତାଡ଼ନି, ଆୟାକା ତିର୍ ତେବାଏଡ଼, ମାତର୍ ତାନି ସାନିକା ଝାତାଡ଼ନି ।

୨୭ “ମାତର୍ ଅରେନ୍ ବପୁମାନି ଲୋକ୍‌ତି ଇନ୍ଦ୍ର ଏନ୍‌ବା ଡ୍ରଗ୍‌ଜି ଆଗ୍‌ଡ଼ି ଝାନିଙ୍ଗ୍ ତରଏତିଙ୍ଗ୍, ଝାନି ସାମାନ୍‌ପତ୍ର ତଂଆ କିଜ ଅତେଙ୍ଗ୍ ଆଟ୍‌ଏନ୍; ଝାନିଙ୍ଗ୍ ଆଗ୍‌ଡ଼ି ତରତିଙ୍ଗ୍ ଗାଦେ ଝାନ୍ ଝାନି ଇଲ୍ଲୁ ଲୋଇ ତଂଆ କିନାନ୍ ।

୨୮ “ନାନ୍ ମିଙ୍ଗ୍ ସଡ଼ ଇଜିନା, ଲୋକ୍‌ତି ଝିଜୁ ପାପ୍ ମାରି ଝାର୍ ଏସା ନିଯାମାଟା ଇନ୍‌ଜି ମାପୁରୁଙ୍ଗ୍ ନିଯା କିନାର୍, ଆୟାଝିଜୁ କେମା ଆନାଡ଼;

୨୯ ☆ମାତର୍ ଏନ୍ ପବିତ୍ରଆମ୍‌ଦି ବିରୁଦ୍‌ତାନ୍ ନିଯା ମାଟା ଇନାନ୍, ଝାନିଙ୍ଗ୍ ମାପୁରୁ ଏସାଙ୍ଗ୍ ବା କେମା କିଏନ୍, ଆୟା ଲୋକୁ ଝିଜୁଦିନ୍‌ଡ଼ି ଉଣ୍ଡିଙ୍ଗ୍ ଶାସ୍ତି ପଇନାନ୍ ।”

୩୦ “ଜିସୁକୁଁ ତାଗଇଆମ୍‌ ଆସ୍ତା ମାନାଡ଼” ଇଜି ଏସୋ ସାସ୍ତ୍ରିର୍ ଇର୍ହାର୍ ଆକା, ଜିସୁ ଇୟା ମାଟା ଇନ୍‌ଜି ଝାରିଙ୍ଗ୍ ବୁଝା କିତାନ୍ ।

ଜିସୁସ୍ ଆଇସି ମାରି ତଡ଼ାନକୁ
(ମାତିଉ ୧୭:୪୭-୫୦; ଲୁକ ୮:୧୯-୨୧)

୩୧ ନାସ୍ତିଖାଲେ ଜିସୁସ୍ ଯାୟା ନି ତଡ଼ାନକୁ ଖାତାରୋ ଆଡ଼ରେ ନିହାଁ
ରୋ ଜିସୁସ୍ କୁକ୍ତେଙ୍ଗ କାବୁର୍ ପୋକ୍ତାର ।

୩୨ ଆବେଟ୍ ଖାନି ସାରିବେଡ଼ତି ବାସ୍ତି ମାର୍ଜ ଲୋକୁ ଖାନିଙ୍ଗ୍
ଇହାର୍, “ସୁଡ଼ଥା, ମି ଯାୟା ନି ତଡ଼ାନକୁ ମାରି ତାଙ୍ଗ୍ ଆଡ଼ରେ
ତେବାତେ ନୋ ନିଙ୍ଗ୍ ପଇଜିନେ ।”

୩୩ ମାତର ଜିସୁ ଖାରିଙ୍ଗ୍ ଇରଥାନ, “ନା ଯାୟା ନି ତଡ଼ାନକୁ ଏର୍
?”

୩୪ ଜିସୁ ଖାନି ସାରିବେଡ଼ତି ବାସ୍ତି ମାର୍ଜ ଲୋକାଙ୍ଗ୍ ସୁଡ଼ୁ
ଇରଥାନ, “ସୁଡ଼ୁ, ଇକାର୍ ଆଜିନାର୍ ନା ଯାୟା ନି ନା ତଡ଼ାନକୁ ।

୩୫ ଏନ୍ଥାପିନ୍ ମାପୁରୁଦି ମାଟା ମାନାନାନ୍, ଖାନ ନା ତଡ଼ାନ,
ତାଙ୍ଗ୍ ମାରି ଯାୟା ।”

୪

ଝିତୁ ଝିତ୍ତିନି ଲୋକ୍ତି କାତା
(ମାତିଉ ୧୩:୧-୯; ଲୁକ ୮:୪-୮)

୧ ଜିସୁ ଗାଲିଲି ସାମ୍ବୁର୍ ପାଡ଼ି ମାରିଡେସି ଶିକ୍ଷା ସିଦେଙ୍ଗ୍ ଆରାମ୍
କିତାନ୍, ଖାନି ଲାକ୍ତୁ ନାଣ୍ଟ ଲୋକୁ ଉଣ୍ଡାତାର୍ ଆକା, ଖାନ ସାମ୍ବୁର୍ତୁ
ମାର୍ଜ ଉନ୍ତୁ ତଙ୍ଗାଦୁ ସଲ୍ସି ବାସ୍ତାନ୍ ମାରି ଲୋକୁ ଝିଜେରେ
ସାମ୍ବୁର୍ ପାଡ଼ି ତେବାତାର ।

୨ ଜିସୁ କାତାଦାଣ୍ଟ ଏସୋ ସିକିୟା ସିନିଖାଲେନେ ଖାନ ଖାରିଙ୍ଗ୍
ଇରଥାନ,

୩ “ଝେଣ୍ଟୁ ଅରେନ୍ ଝିତୁ ଝିତ୍ତିନିକାନ୍ ଝିତ୍ତେଙ୍ଗ୍ ସତାନ୍ ।

୪ ଖାନ କିଡ଼ିଇଦୁ ଝିତୁ ଝିତ୍ତିନିଖାଲେ ଏସ ଝିତୁ ସାରି ପାଡ଼କାଦୁ
ଆର୍ତେ ଆକା ପଟିଙ୍ଗ୍ ଖାଜି ଆୟାଝିତୁ ଝିତୁ ତିରଏ ।

୫ ମାରି ଏସ ଝିତୁ ଉଣା ସିକାଲାମାନି ପିଡ଼ିପି ବୁନିଦୁ ଆର୍ତାଡ଼ ।
ମାରି ନାଣ୍ଟ ସିକାଲା ସିଲେତାଡ଼ ଆକା ଝିତୁ ଦାପ୍ରେ ନେରିତାଡ଼ ।

୬ ମାତର ଝେଡ଼ା ସତାଡ଼ ଆକା ଗାଜା ଝେଡ଼ା ସରଥାଡ଼ ମାରି ଝେଲା
ଲୋଇ ସାର୍ଏତା ମାର୍ଥାଡ଼ ଆକା ଖାର୍ତା ସରଥାଡ଼ ।

୭ ମାରି ଏସୋ ଝିତୁ ସାମକା ଦୁପା ଲୋଇ ଆରତାଡ଼, ମାରି ସାମମାରାକ ପିରିତେନୋ ତାମେ ମୁସକୁ ତିଗାତେ ମାରି ଆୟା ମାରାତୁ ଉଣ୍ଡିବା ପାଡ଼ୁ ଆସଏତାଡ଼ ।

୮ ମାତର୍ ଏସୋ ଝିତୁ ନେଗି ବୁମିଦୁ ଆରତାଡ଼, ଆୟା ବାଡ଼ିଦୁ ଗାଜା ଆଜି ପିରିତାବୋ ତିରିସ୍ ଗୁଣ୍ଡୁ, ସାଟେ ଗୁଣ୍ଡୁ ମାରି ସୟେ ଗୁଣ୍ଡୁ ସାନ୍ଦି ପାଡ଼ୁ ଆସଏତାଡ଼ ।”

୯ ଆବେ ଜିସୁ ଇର୍ଆନ୍, “ଆମାଞ୍ଜାନିଙ୍ଗ୍ ଝେନ୍‌ଡ୍ରେଙ୍ଗ୍ ଗିତଣିଙ୍ଗ୍‌ମାନେ, ଞାନ୍ ଝେନିନ୍ ।”

କାତାଦି ଉଦେସ୍

(ମାତିଉ ୧୩:୧୦-୧୭; ଲୁକ ୮:୯-୧୦)

୧୦ ଜିସୁ ଅରେନ୍‌ନେ ମାନିଞ୍ଜାଲେ ବାର ଲୋକୁ ଶିଶୁର୍ ମାରି ଝାରିଞ୍ଜାଲେ ମାନିଲୋକ ଜିସୁମାନୁ ଞାଜି ଝେନ୍‌ବାତାର୍ “ନିନ୍ଦୁ ଏନ୍ଦା କାତାଦାନ୍ ମାଟା ଝେର୍‌ସିନି ?”

୧୧ ଆବେର୍ ଜିସୁ ଝାରିଙ୍ଗ୍ ଇର୍ଆନ୍, ମାପୁରୁଦି ରାଜିଦି ମାର୍‌ଗିତି ମାଟା ବୁଜାଦେଙ୍ଗ୍ ଉଣ୍ଡିଙ୍ଗ୍ ମିଙ୍ଗ୍ ବସୁ ପୁଟ୍‌ତାମାନାଡ଼, ମାତର୍ ଆୟା ଆଡ୍ରେଣି ଲୋକାଙ୍ଗ୍ ଇୟାଞ୍ଜି ବିସୟ କାତାଦାନ୍ ଝେର୍‌ଡେଙ୍ଗ୍ ଆଜିନାଡ଼ ।

୧୨ ଆୟା ଉଣ୍ଡିଙ୍ଗ୍

ଞାର୍ ଝେନ୍‌ଜି ଝେନ୍‌ଜି ନେସ୍‌ଡେଙ୍ଗ୍ ଆର୍‌ଏର୍,

ମାରି ଝେନ୍‌ବୁ ଝେନ୍‌ବୁ ବୁଜାଏର୍,

ଜଦି ନେସ୍‌ନାର୍ ମାରି ବୁଜାନାର୍ ମାରି ମାପୁରୁତି ଲାକ୍‌ତୁ ଡେସିଞ୍ଜାନାର୍

ମାରି ଝାରିଙ୍ଗ୍ କେମା କିନାନ୍ ।

ଜିସୁ ଝିଡ଼ ଝିଡ଼ି ଅର୍ତ୍ତ ବୁଝାକିତାନ୍

(ମାତିଉ ୧୩:୧୮-୨୩; ଲୁକ ୮:୧୧-୧୫)

୧୩ ଜିସୁ ମାରି ସିସୁରିଙ୍ଗ୍ ଇର୍ଆନ୍, “ଇୟା କାତା ମିର୍‌ବା ବୁଝାଦେଙ୍ଗ୍ ଆର୍‌ଜଜିନିଦେର୍ ? ଆଇ ଝିଜୁ କାତା ଏଣ୍ଡେସ୍ ବୁଝାନିଦେର୍ ?

୧୪ ଝିଡ଼ିକାନ୍ ଝିଡ଼ି ଅର୍ତ୍ତାଡ଼ ମାପୁରୁତି ବାକ୍ୟ ଝିଡ଼ିନାନ୍ ।

୧୫ ଆମାକାର ମାପୁରୁଦି ବାକ୍ୟ ଖେନାର, ମାତର ଖେରୁହି ଦାପ୍ତେନେ ଶୟତାନ ଖାନାତ୍ ନୋ ଖାରିମାନୁ ଓଡ଼ାତିମାନି ବାକ୍ୟଦିଙ୍ଗ୍ ତଂଆ କିନା ଅନାତ୍, ଖାରୁ ସାରଦୁ ବାକ୍ୟ ଓଡ଼ାତି ବୁମିଦି ଖାଜା ।

୧୬ ଆୟାଖାଜା, ଏରକି ବାକ୍ୟ ଖେରଇଦାପ୍ତେ ଖେଡ଼ିକାଦାନ ଆକା ଖାରି ମନ୍ ଲୋଇ ଇଡ଼ନାର୍,

୧୭ ମାତର ଖାରିମାନୁ ଖେଲା ସାଗ୍‌ଏଡ଼ଆକା ସାଣେକ୍‌ନେ ତିର୍ ତେବାନାର୍, ଖେନ୍‌କା ବାକ୍ୟ ଉଣ୍ଡିଙ୍ଗ୍ ଦୁଃକ୍ ମାରି ନିଦା ମାଟା ଖାତିଙ୍ଗ୍ ଆୟାଦାପ୍ତେ ବିସବାସ୍ ଡିସ୍‌ନାର୍, ଖାରୁ ପିଡ଼ିପି ବୁମିଦୁ ଆରତିମାନି ଓଡ଼ତି ଓଡ଼ୁଦି ଖାଜା ।

୧୮ ମାରି ଆମାକାରକି ବାକ୍ୟ ଖେନ୍‌ନାର୍, ମାତର ଦୁନିଆଦି ସିନ୍ତା, ତାରୁଙ୍ଗ୍ ଟାକେଙ୍ଗ୍‌ଣି ମାୟା ମାରି ଆଇ ଓଡ଼ୁ ବିସୟତୁ ଆସା ମନ୍‌ତୁ ଡଗୁନାଦ ବାକ୍ୟଦିଙ୍ଗ୍ ତିଗାନାତ୍ ମାରି ଆକା ପାଡ଼ୁ ସିଲିକା ଆନାତ୍ । ଖାର୍ ସାମ୍ ମାରକା ଲୋଇ ଆରତି ଓଡ଼ୁ ଖାଜା ।

୧୯ ମାତର ଦୁନିଆଦି ସିନ୍ତା, ଦନ୍‌ଲବ୍ ମାରି ଆଇ ଆସା ଖାରି ମନ୍‌ତିଙ୍ଗ୍ ତିର୍ଜିମାନିଙ୍ଗ୍ ଆୟା ମାଟା ଖାରିମାନୁ ପିର୍‌ଏଡ଼ ।

୨୦ ମାରି, ଆମାକାର କି ବାକ୍ୟ ଖେନାରୋ ଆକା ମନ୍ ଲୋଇ ଇଡ଼ନାର୍, ଖାର୍ ଏନ୍ ତିରିସ୍ ଗୁଣ୍ଡୁ, ସାଟେ ଗୁଣ୍ଡୁ ମାରି ସହେ ଗୁଣ୍ଡୁ ପାଡ଼ୁ ଆସ୍‌ନାର୍ ଆୟା ଲୋକୁ ନେଗି ବୁମିଦୁ ଓଡ଼ତି ଓଡ଼ୁଦି ଖାଜା ।”

ଅତି ଆଡ଼ଗି ଦିଆ (ଲୁକ ୮:୧୭-୧୮)

୨୧ ☆ଜିସୁ, ମାରିଡେସି ଖାରିଙ୍ଗ୍ ଇର୍‌ଆନ୍, “ଏନ୍ ଏସକାଙ୍ଗ୍ ଇନିକା ଦିଝା କାସିସକିଜି ଅତି ଆଡ଼ଗି କି ଖାଟେଲ୍ ଆଡ଼ଗି ଇଡ଼ନାନ୍ ? ଆକା ଲୋକୁ ଦିଝା କାସିସକିଜି ଦିଆ ଇଡ଼ନି ବାଡ଼ିଦୁ ଇଡ଼‌ଏର୍ ନୋ ?”

୨୨ ☆ଇରିଙ୍ଗ୍ ତରଇ ଇସାବ୍‌ତାନ୍ ଏମେକାବା ମାର୍‌ଗ୍‌ଏଡ଼; ଆମାକା ମାର୍‌ଗିତା ମାନାତ୍, ଆକା ତର୍‌ଦେଙ୍ଗ୍ ଇଜିନେ ମାର୍‌ଗିତା ମାନାତ୍ ।

୨୩ ଜଦି “ଆମାଖାନିଙ୍ଗ୍ ଖେନ୍‌ଡ୍ରେଙ୍ଗ୍ ଗିତଣିଙ୍ଗ୍‌ମାନେ, ଖାନ୍ ଖେନିନ୍ ।”

୨୪ ☆ଜିସୁ ଖାରିଙ୍ଗ ଇର୍ଆନ୍, “ଇନିକା ଝେନ୍‌ଜିନିଦେର୍, ଆୟା ଉଣ୍ଡିଙ୍ଗ ଜାଗାରତା । ମିର୍ ଏଣ୍ଡେସ୍ କିଜି ଆଇ ଲୋକତିଙ୍ଗ ଲେକିସ୍ କିଜି ସିନିଦେର୍, ଆୟାଝାଜା ପ୍ରବୁ ମିଙ୍ଗ ନାଣ୍ଡ ଲେକିସ୍ କିଜି ସିନାନ୍ ।

୨୫ ☆ଏମେ ଲୋକତିଙ୍ଗି ମାନାଡ଼, ଝାନିଙ୍ଗ ପୁଟ୍‌ନାଡ଼; ମାରି ଆମାଝାନିଙ୍ଗି ସିଲେଡ଼, ଝାନିବାନ୍ନୁ ଆମାକା ମାନାଡ଼, ଆକାବା ମାପୁରୁ ଝାନିମାଣ୍ଡୁ ଅନାନ୍ ।”

ଝିତୁ ଗାଜା ଆଜି ପିର୍‌ନି କାତା

୨୬ ଜିସୁ ମାରିଡେସି ଇର୍ଆନ୍, “ମାପୁରୁଡି ରାଜି ଇୟାଝାଜା । ଅରେନ୍ ଲୋକୁ ନିଜେଦି ବୁମିଦୁ ଝିତୁ ଝିଡ଼ନାନ୍;

୨୭ ଝାଣ୍ଡୁରୁ ନାଡ଼ା ସୁଜ୍‌ନାନ୍ ମାରି ଝେଡେ ନିଂନାନ୍, ମାରି ଆୟା ଝିତୁ ଏଣ୍ଡେସ୍ ଗାଜା ଆତାଦୋ ପିର୍‌ତାଡ଼, ଆକା ଝାନ୍ ନେସ୍‌ଏପ୍ ।

୨୮ ବୁମି ନିଜେ ପାଡ଼ୁ ତାପିସ୍‌କିନାଡ଼, ଆଗଡ଼ି ଆକୁ, ଝେନ୍‌କା ସେରେନ୍, ତାନି ଝେନ୍‌କା ସେରେନ୍‌ତୁ ବର୍‌ ପାଡ଼କୁ ।

୨୯ ଆବେଟ୍ ସେରେନ୍ ପାଣ୍ଡିତି ଦାପ୍ରେ ଝାନ୍ ଡେରେଙ୍ଗ୍ କୁଲିଙ୍ଗ୍ ଆଡେ ଇଜି କଏର୍‌ଙ୍ଗ୍ ଆସ୍‌ନା ସନାନ୍ ।

ସାର୍‌ସୁ ପାଡ଼ୁ କାତା

(ମାଡିଉ ୧୩:୩୧-୩୨; ଲୁକ ୧୩:୧୮-୧୯)

୩୦ “ଜିସୁ ମାରି ଇର୍ଆନ୍, ମାଡୁ ମାପୁରୁଦି ରାଜିଦିଙ୍ଗ୍ ଆମାତାନିଝାଲେ ତୁସ୍‌ନାଟ୍ ?” ବା ଇକା ଏମେ କାତା ଝେର୍‌ସି ଆକା ବୁଝାକିନାଟ୍ ?

୩୧ ମାପୁରୁଦି ରାଜି ଆକା ଉଣ୍ଡି_ ସାର୍‌ସୁ ପାଡ଼ୁ ଝାଜା; ବୁମିଦୁ ଝିଡ଼ତିଝାଲେ ଆକା ଦୁନିଆଦି ଝିତୁ ପାଡ଼କାଣ୍ଡ ଇସିକାଡ଼,

୩୨ ମାଡ଼ର୍ ଝିଡ଼ତି ଝେନ୍‌କା ଆକା ପିର୍‌ଜି ନିଂଇନାଦ ଝିଜୁ କୁସେଙ୍ଗ୍ ମାଣ୍ଡକୁ ପେରିକାଡ଼ ଆନାଡ଼, ମାରି ତାନି କମେଙ୍ଗ୍ ଇୟାଝାଜା ପେରିକେଙ୍ଗ୍ ଆନେ ଯେ, ବାଦଡ଼ି ପଟିଙ୍ଗ୍ ମାରାତି ସିଡ଼ଡ଼ିଦୁ ଡେବାଦେଙ୍ଗ୍ ଆଟ୍‌ନେ ।

☆ ୪:୨୪ ମାଡିଉ ୭:୨; ଲୁକ ୭:୩୮.

☆ ୪:୨୫ ମାଡିଉ ୧୩:୧୨; ୨୫:୨୯; ଲୁକ ୧୯:୨୭.

୩୩ ଜିସୁ ଇୟାଞ୍ଜା ନାଣ୍ଡ କାତାଦାନ ଲୋକା ବୁଜାନି ଶକ୍ତି
ଇସାବତାନ ଖାରିମାନୁ ବାକ୍ୟ ଖେରସି ମାର୍ଥାନ,

୩୪ ଜିସୁ କାତା ଇନ୍‌ଏଣ୍ଡା ଇନିକାବା ଲୋକାଙ୍ଗ ଇନ୍‌ଏଜି ମାର୍ଥାନ
। ମାତର୍ ଜିସୁ ଆଇ ଲୋକୁ ସିଲିଖାଲେ ଖାନି ସିସୁରିଙ୍ଗ୍ ଝିଜୁମାଟା
ବୁଝାକିଜି ମାର୍ଥାନ ।

ଜିସୁ ଗାଲିପିରୁ ଖାନିତାନିଙ୍ଗ୍ ତେବାକିତାନ
(ମାତିଉ ୮:୨୩-୨୭; ଲୁକ ୮:୨୨-୨୫)

୩୫ ଆୟା ନାଣ୍ଡିଙ୍ଗ୍ ମିଲିମିଲିକା ଜିସୁ ସିସୁରିଙ୍ଗ୍ ଇର୍ଥାନ, “ରାଦୁ,
ସାମ୍ବୁରୁତୁ ଆୟା ପାଡ଼ି ସନାଟ୍ ।”

୩୬ ଆବେଟ୍ ଖାନି ସିସୁର ଲୋକାଙ୍ଗ୍ ଡିସ୍‌ତାରୋ, ଜିସୁ ଆଗଡ଼ି ଆମା
ଡଙ୍ଗାଦୁ ବାସ୍ତା ମାର୍ଥାନ ଆବେ ଖାର ଏକ୍‌ତାର ମାରି ଜିସୁଙ୍ଗ୍ ଅର୍ସେ
ଅତାର, ମାରି ଆବେ ଆଇ ଡଙ୍ଗାଗେଙ୍ଗ୍ ବା ମାର୍‌ହେ ।

୩୭ ଆୟାଝେନ୍‌କା ସାମ୍ବୁରୁତୁ ଉଣ୍ଡି ଗାଲିପିରୁ ଖାତାଡ଼, ମାରି
ଉଲ୍‌କା ଏର୍ ଆଟ୍‌ତେଆକା ଡଙ୍ଗାଦୁ ଏରୁ ପୁରୁନ୍ ଆଦେଙ୍ଗ୍
ଆରାମ୍‌ଆଡେ ।

୩୮ ଜିସୁ ଜାହାଜ୍‌ଦି ଲୋଇ ଉନ୍‌ଡ୍ର ବାକ୍‌ରାଦି ଝେନ୍‌କା ତରନ୍
ସର୍ଥାନନୋ ତାଲା ଟାଟ୍‌ନି ପିଡା ତାଲାଆଡ଼ଗି ଇଟ୍‌ଟାନନୋ
ଗୁଜ୍‌ଜିମାର୍ଥାନ; ସିସୁର୍ ଜିସୁଙ୍ଗ୍ ନିକ୍‌ସି ଇର୍ହାର, “ଏ ଗୁରୁ, ମାପ୍
ସାତାପ୍, ନିନ୍ ଇନିକା ଅଡ଼୍‌ବିଇ ନୋ ?”

୩୯ ଆବେଟ୍ ଜିସୁ ନିଂଇତାନନୋ ଗାଲିପିଙ୍ଗ୍ ଆଦ୍‌ରିସ୍ କିଜି
ଉଲ୍‌କାଏର୍‌ଡିଙ୍ଗ୍ ଇର୍ଥାନ, “ଡିର୍ ଆଆ” ତେବାଆ । ଆବେଟ୍ ଗାଲି
ଡଣାଆତାଡ଼ ମାରି ଝିଜୁ ତିର୍‌ଆତାଡ଼ ।

୪୦ ଆୟାଝେନ୍‌କା ଜିସୁ ସିସୁରିଙ୍ଗ୍ ଇର୍ଥାନ, “ମିର୍ ଇନ୍‌ଦାନିଙ୍ଗ୍
ନିସା ତିଲାଜିନିଦେର୍ ? ଇକା ଇନିକା ! ଇୟାସାନ୍‌ଦି ମି ବିସ୍‌ବାସ୍
ସିଲେଡ଼ ନୋ ?”

୪୧ ଆବେଟ୍‌କୁ ସିସୁର୍ ନାଣ୍ଡ ତିଲାତାରୋ ଖାରି ଖାରି ଲୋଇ
ଖାରଗିଜି ସାତାର, “ଇୟା ଲୋକ୍ ଏନ୍ ଜେ, ଗାଲି ନି ଏରୁ ବା ଖାନି
ମାଟା ମାନାନେ ?”



ଜିସୁ ଅରେନ୍ ଦୁବାକାସ୍ତି ଲୋକ୍ତିଙ୍ଗ ନେଗେଶୁ କିତାନ୍

(ମାତିଡ ୮:୨୮-୩୪; ଲୁକ ୮:୨୭-୩୯)

୧ ଝେନ୍‌କା ଜିସୁ ମାରି ଖାନି ସିସୁର୍ ଗାଲିଲି ସାମ୍ବୁର୍ ଆୟାପାଡିଦି ଗରାସିୟରି ସାନ୍ତିଦୁ ସର୍ଆର୍ ।

୨ ଜିସୁ ଡଙ୍ଗାଦାନ୍ ରେଡି ଦାପ୍ରେ ଅରେନ୍ ଦୁବା ଆମ୍ବା କାସ୍ତି ଲୋକୁ ଦୁକି ଲୋଇରାନ୍ ସତାନ୍‌ନୋ ଜିସୁଙ୍ଗୁ ବେଟ୍‌ଆତାନ୍ ।

୩ ଖାଣ୍ଡୁ ଦୁକିଦୁ ତେବାଜି ମାର୍‌ଆନ୍, ଖାନିଙ୍ଗ ଏନ୍‌ବା ସିକ୍‌ଣିଦାନ୍ ତର୍‌ତେଙ୍ଗୁ ଆର୍‌ଏଜିମାର୍‌ହାର୍ ।

୪ ଖାନ୍ ଏସାଦେବେଙ୍ଗୁ ମେଟିଙ୍ଗୁ ନି ଶିକ୍‌ଣିଦାନ୍ ତର୍‌ରାଈ ଆତାମାର୍‌ଆନ୍, ମାତର୍‌ ଖାନ୍ ସିକ୍‌ଣି ତେଡଜି ପକ୍‌ସି ମାର୍‌ଆନ୍ ମାରି ମେଟିଙ୍ଗୁ କଣ୍ଡ କଣ୍ଡ କିଜି ରୁକ୍‌ସି ମାର୍‌ଆନ୍ ମାରି ଖାନିଙ୍ଗ ତର୍‌ସୋ ଇଡ୍‌ଦେଙ୍ଗୁ ଏ ବପୁବା ସିଲେତାଡ୍ ।

୫ ଖାଣ୍ଡୁ ଝେଡେ ନାଡା ଓଡୁ ଖାଲେ ଦୁକିଗୁଟା ମାରି ଗରନ୍‌କାଙ୍ଗ ତେବାଜି ଆଉଲି ଆଜିମାର୍‌ହାନ୍, ମାରି କାଲ୍‌କାଣ୍ ନିଜେଦି ମେନ୍‌ଲ୍‌ତିଙ୍ଗୁ ଚିଡା କାବ୍ରା କିଜି କତାଜି ମାର୍‌ଆନ୍ ।

୬ ଖାନ୍ ଆକରାନ୍ ଜିସୁଙ୍ଗୁ ସୁଡ଼ୁଦାନ୍‌ନୋ ଉରୁକ୍‌ସି ଖାଜି ଖାନି ଆଗ୍‌ଡି ଆର୍‌ତାନ୍,

୭ ମାରି ନାଣ୍ଡ ଆଉଲି ଆଜି ଇର୍‌ଆନ୍, ଏ ଓଜେରିଙ୍ଗୁ ମୁସ୍‌କୁ ମାନି ମାପୁରୁଦି ମାରିସି ଜିସୁ, ନି ଖାଲେ ନା ଇନିକା ମାନାଡ୍ ? ନିଙ୍ଗୁ ମାପୁରୁଦି ଦର୍‌ତାନ୍ ମାଡିସ୍ କିଜିନା, ନାଙ୍ଗୁ କାସ୍‌ସିମା ।

୮ ଇରିଙ୍ଗୁ ଜିସୁ ଖାନିଙ୍ଗ ଇର୍‌ଆ ମାର୍‌ଆନ୍, “ଏରେ ତାଗ୍‌ଇଆମ୍ବା, ଇୟା ଲୋକ୍‌ତିମାଣ୍‌କୁ ସହସ ସାଙ୍ଗୁଆ ।”

୯ ମାରି, ଜିସୁ ଖାନିଙ୍ଗ ଝେନ୍‌ବାତାନ୍, ନି ଦର୍‌ ଇନିକା ? ଖାନ୍ ଜିସୁଙ୍ଗୁ ଇର୍‌ଆନ୍, ନା ଦର୍‌ ବାହିନି, ଇରିଙ୍ଗୁ ମାପୁ ନାଣ୍ଡ ।

୧୦ ମାରି, ଜିସୁ ଏଣ୍ଡେସ୍ ଖାନିକାଙ୍ଗ ଆୟା ସାନ୍ତିଦାନ୍ ଆଡ୍‌ରେ ପୋକ୍‌ଏନ୍, ଆୟା ଉଣ୍ଡିଙ୍ଗ ଆୟା ଦୁବା ଆସ୍‌ତିକାନ୍ ଖାନିଙ୍ଗ ନାଣ୍ଡ ମାଡିସ୍‌କିତାନ୍ ।

୧୧ ଆୟା ଲାକ୍‌ତୁରି ଗରନ୍‌ ଆଡ୍‌ଗି ଉଣ୍ଡି ପେରି ପାନ୍‌ଣ୍ଡିଙ୍ଗୁ ମାନ୍‌ସା ସାରାଜିମାର୍‌ଏ ।

୧୭ ମାରି, ତାଗ୍‌ର ଆଡ଼ମେଇଁ ଜିସୁଙ୍କୁ ମାଡ଼ିବ କିନ୍ତି ଇର୍ବ, “ଆୟା ପାନ୍‌ଡ୍ରାଙ୍ଗ୍‌ଆ ଲୋଇ ଡ଼ଗୁଦେଇଁ ଇଜି ମାଙ୍ଗ୍‌ ଖାନିକା ମାନୁ ପୋକ୍‌ଆ ।”

୧୮ ଜିସୁ ଖାନିକାଙ୍ଗ୍‌ ଆଦେସ୍‌ ସିତାନ୍‌ ଆକା, ତାଗ୍‌ର ଆଡ଼ମେଇଁ ସତେନୋ ପାନ୍‌ଡ୍ରାଙ୍ଗ୍‌ ଲୋଇ ଡ଼ଗୁଦେ; ଆୟା ପାନ୍‌ଡ୍ରା ମାନ୍‌ ଉରୁକ୍‌ସି ସର୍‌ହେନୋ ଟିପୁଦାନ୍‌ ଉରୁକ୍‌ସି ସଲ୍‌ସି ସାମ୍‌ଦୁର୍‌ଡ଼ୁ ଆର୍‌ଜି ମୁଡ଼ଗୁଡେ ସାତେ । ପାନ୍‌ଡ୍ରାଙ୍ଗ୍‌ ଇସାବ୍‌ ଦୁଇ ହଜାର ମାର୍‌ହେ ।

୧୯ ପାନ୍‌ଡ୍ରାଆଙ୍ଗ୍‌ ସାଆରା କିନି ଲୋକୁ ଉରୁକ୍‌ସି ସର୍‌ଆର୍‌ରୋ ଗାଡ଼କାଙ୍ଗ୍‌ ନି ନାରକାଙ୍ଗ୍‌ ଆୟା ମାଟା ଝେର୍‌ଡାର୍‌; ଆବେଟ୍‌ ଲୋକୁ ଇନିକା ଆତାମାନାଡ଼ ଇଜି ସୁଡ଼ଗୁ ଖାତାର ।

୨୦ ମାରି, ଲୋକୁ ଜିସୁ ଲାକ୍‌ଡ଼ୁ ଖାତାରୋ ଆୟା ଆମାଖାନିଙ୍ଗ୍‌ କି ବାହିନି ଦୁବା ଆସ୍‌ତା ମାର୍‌ଆଡ଼, ଖାନିଙ୍ଗ୍‌ ନେଗି ଖାତି ପିଡ଼ଗ୍‌ଜୋ ନେଗି ମୋନ୍‌ତାନ୍‌ ବାସ୍‌ତି ମାର୍‌ଇକା ସୁଡ଼ଗୁରୋ ଡିଲାତାର ।

୨୧ ଆମାକାର୍‌ ସୁଡ଼ଗୁ ମାର୍‌ଆର୍‌, ଖାର୍‌ ଆୟା ଦୁବାକାସ୍ତି ଖାନିଙ୍ଗ୍‌ ଇନିକା ଆତାମାର୍‌ଆଡ଼, ଆକା ନି ପାନ୍‌ଡ୍ରାଙ୍ଗ୍‌ ବିସୟତାନ୍‌ ଖାରିମାନୁ ଝେର୍‌ଡାର୍‌ ।

୨୨ ଆବେଟ୍‌ ଖାର୍‌ ଖାରି ରାଜିଦାନ୍‌ ଡିସ୍‌ସି ସନ୍‌ଡ୍ରେଙ୍ଗ୍‌ ଜିସୁଙ୍କୁ ମାଡ଼ିସ୍‌କିତାର ।

୨୩ ଝେନ୍‌କା ଜିସୁ ଡଙ୍ଗାଦୁ ଏକ୍‌ନିଖାଲେ, ଆମାଖାନିଙ୍ଗ୍‌ ଆଗ୍‌ଡି ଦୁବା କାସ୍ତା ମାର୍‌ଆଡ଼, ଖାନ୍‌ ଜିସୁଖାଲେ ସନ୍‌ଡ୍ରେଙ୍ଗ୍‌ ଇଜି ରିଜା ମୁଜା ଇର୍‌ଆନ୍‌ ।

୨୪ ମାତର୍‌ ଜିସୁ ଖାନିଖାଲେ ସନ୍‌ଡ୍ରେଙ୍ଗ୍‌ ସାରି ସିଏଣ୍ଡା ଖାନିଙ୍ଗ୍‌ ଇର୍‌ଆନ୍‌, “ମି ଇନ୍‌ଡ୍ର, ମାରି ମି ନିଜେଦି ଲୋକାମାନୁ ସାଙ୍ଗ୍‌ଆ, ପ୍ରବୁ ନି ଉଣ୍ଡିଙ୍ଗ୍‌ ଆମା ଆମା କାର୍‌ମୁ କିତାମାନାନ୍‌ ମାରି ନି ଉଣ୍ଡିଙ୍ଗ୍‌ ଏମେ ଦୟା ଡର୍‌ତା ମାନାନ୍‌, ଆୟାଞ୍ଜି ଡିଜେରିଙ୍ଗ୍‌ ଇନ୍‌ଆଁ ।”

୨୫ ଆବେଟ୍‌ ଖାଣ୍ଡୁ ସର୍‌ଆନ୍‌, ଜିସୁ ଖାନିଙ୍ଗ୍‌ ଆମା ଆମା ପାଣି କିତାମାର୍‌ହାନ୍‌, ଦଶଗୋଟା ଗାଡ଼କୁ ଦେକାପଲି ଇଜିମାନି ଦଶଗୋଟା ଗାଡ଼କାଙ୍ଗ୍‌ ରାଜିଦୁ ପ୍ରଚାର୍‌ କିଦେଙ୍ଗ୍‌ ଆସ୍‌ତାନ୍‌; ଆବେଟ୍‌ ଡିଜେରେ କାବାଆତାର ।

ଜିସୁ ଜାଇରସ୍‌ଫି ସାତି ଆଇଲିଦିଙ୍ଗ୍ ନିକ୍ତାନ୍ ମାରି ଅରେଡ୍
ଆଇମାଦିଙ୍ଗ୍ ନେଗେଣ୍ଡୁ କିତାନ୍

(ମାତିଉ ୯:୧୮-୨୬; ଲୁକ ୮:୪୦-୫୬)

୨୧ ଜିସୁ ତଙ୍ଗାନ୍ ନାତାନ୍ନୋ ମାରିଡେସି ସାମ୍ବୁର୍ ଆୟାପାଡି
ସରଆନ୍ । ଖାନ୍ ସାମ୍ବୁର୍ ପାଡିମାନିଖାଲେ ନାଣ୍ଡ ଲୋକୁ ଖାନି
ଲାକ୍‌ତୁ ଉଣ୍ଡାତାର୍; ମାରି ଜିସୁ ସାମ୍ବୁର୍ ପାଡି ତେବାତାନ୍ ।

୨୨ ନାସ୍ତିଖାଲେ ପାର୍ତନା ଇଲୁଦି ପେରିକାନ୍ ଜାଇରସ୍ ଦରତି
ଅରେନ୍ ଲୋକୁ ଖାନି ଜିସୁଙ୍କୁ ସୁଡ଼ତାନ୍ନୋ ଖାନି ଆଗ୍ତି ପାଡ଼ଗ୍‌ଜି
ମାଡିସ୍‌କିତାନ୍,

୨୩ ମାରି ଜିସୁଙ୍କୁ ନାଣ୍ଡ ମାଡିସ୍ କିଜି ଇରଆନ୍, “ନା ଗାଡି
ସାତାମାନାଡ଼; ନା ଗାଡି ଏଣ୍ଡେସ୍ ନେଗେନ୍ ଆନାଡ଼ନୋ ଜିନାଡ଼, ଆୟା
ଉଣ୍ଡିଙ୍ଗ୍ ନିନ୍ନୁ ଖାଜ ତାନି ମୁସ୍‌କୁ ନି କିମ୍ପୁ ଇତିଆ ।”

୨୪ ଆବେଟ୍ ଜିସୁ ଖାନିଖାଲେ ସରଆନ୍, ମାରି ଲୋକୁ ଖିଜେରେ
ଖାନି ଖାଲେଖାଲେ ସନ୍‌ଡେଙ୍ଗ୍ ଆସ୍‌ତାର୍, ଖାର୍ ଖାନି ମୁସ୍‌କୁ ମାର୍‌ସି
ସାଜି ମାର୍‌ଆର୍ ।

୨୫ ନାସ୍ତିଖାଲେ ବାର ବାରସେକ୍ ସାନ୍ଦି ସୁଡ଼ୁକ୍ ଆନି ରୋଗ୍ ଆସ୍‌ତି
ଆଇମା ମାରାଆଡ଼,

୨୬ ଆମାକାଡ଼ କି ନାଣ୍ଡ ଦୁକ୍ ବଗାଜି ତାକ୍‌ତରକା ମାଣ୍‌କୁ ସେବା
କିଆଇଆଜି ତାନେ ଖିଜୁ ତାରୁଙ୍କୁ ଖିସ୍‌ତା ମାର୍‌ଆଡ଼, ମାତର୍
ଏମେକାବା ନେଗେଣ୍ଡୁ ଆଏଣ୍ଡା ନାଣ୍ଡନେ ରୋଗ୍ ଆଜିମାର୍‌ହାଡ଼,

୨୭ ଖାଦୁ ଜିସୁ ବିସ୍‌ୟତାନ୍ ଖେର୍‌ଆଦୋ ନାଣ୍ଡ ଲୋକୁ ଲୋଇରାନ୍
ଖେନ୍‌କା ସାରି ଖାତାଦୋ ଖାନି ଖାତି ଜାଲିଦିଙ୍ଗ୍ ମୁର୍‌ତାଡ଼, ଇରିଙ୍ଗ୍
ଖାଦ୍ ଇଜିମାର୍‌ଆଡ଼,

୨୮ “ନାନ୍ନୁ ଜିସୁ ଖାତି ମୁର୍‌ତିଙ୍ଗ୍ ନେଗେନ୍ ଆନା ।”

୨୯ ଆୟା ଆଇମା ଖାନି ଖାତି ମୁର୍‌ତି ଦାପ୍ରେ ତାନି ସୁଡ଼ୁକ୍ ଆନି
ରୋଗ୍ ଡିସ୍‌ତାଡ଼, ମାରି ଆୟା ଆଇମା ନାନ୍ ନେଗେନ୍ ଆତା ଇଜି,
ମେନ୍‌ଲ୍‌ତୁ ନେସ୍‌ତେଙ୍ଗ୍ ଆର୍‌ତାଡ଼ ।

୩୦ ଆୟାଖେନ୍‌କା ଜିସୁ ଖାନି ଲୋଇରାନ୍ ସାଲ୍‌ସି ସହସି ସନିକା
ନେସ୍‌ତାନ୍ନୋ ଲୋକୁ ଗହଳି ତରିଣ୍ଡୁ ମାର୍‌ତାନ୍ନୋ ଖେନ୍‌ବାତାନ୍,
ଏନ୍ ନା ଖାତି ମୁର୍‌ତାନ୍ ?

୩୧ ଖାନି ସିସୁର ଇର୍ହାର, “ନିନ୍ତୋ ସୁଡ଼ଜିନି, ଲୋକ୍ତର ନି ସାରିବେଡ଼ତି ମାଟ୍ସି ସାଜିନାର, ମାରି ନିନ୍ ଇଜିନି, ଏନ୍ ନାଂଇ ମୁଟ୍ତାନ?”

୩୨ ମାତର୍ ଏନ୍ ନାଂଇ ମୁଟ୍ତାନ, ନେସ୍ତେଙ୍ଗ୍ ଉଣ୍ଡିଙ୍ଗ୍ ଖାନ୍ ସାରିବେଡ଼ତି ସୁଡ଼ଦେଙ୍ଗ୍ଆସ୍ତାନ ।

୩୩ ଖିନ୍ ତାନେଙ୍ଗ୍ ଇନିକା ଆତାଡ଼ଆକା ନେସ୍ତାଦୋ ଆୟା ଆଇମା ତିଲାଜି ତିରଗ୍ଜି ତିରଗ୍ଜି ଖାତାଦୋ ଜିସୁ କାଲ୍‌କା ଆଡ଼ଗି ମେଣ୍ଡେଙ୍ଗ୍ ଗଟ୍‌କିଜି ଖିନ୍ ସଡ଼ ମାଟା ଖେର୍ତାଡ଼ ।

୩୪ ଜିସୁ ତାନିଙ୍ଗ୍ ଇର୍ଆନ୍, ଗାଡ଼ି, ନି ବିସ୍‌ବାସ୍ ନିଙ୍ଗ୍ ନେଗେନ୍ କିତାମାନାଡ଼; ସାନ୍ତିଦାନ୍ ସାଙ୍ଗ୍ଆ ମାରି ନି ରୋଗ୍‌ତାନ୍ ନେଗେନ୍ ଆଜ ମାନଆ ।

୩୫ ଜିସୁ ଇୟା ମାଟା ଇନିଖାଲେ, ପାର୍ତନା ଇଲ୍‌ତୁ ଅଦିକାର୍ ମାନି ଜାଇରସ୍‌ତି ଇନ୍‌ଡ଼ଣାନ୍ ଏସୋଲୋକ୍ ଖାତା ରୋ ଖାନିଙ୍ଗ୍ ଇର୍ହାର, “ନି ଗାଡ଼ି ସାତାସରାଡ଼ଲେ, ଗୁରୁଙ୍ଗ୍ ଏନ୍ୟା ମାରି କାସୁ ସିଜିନିଦେର୍ ?”

୩୬ ଜିସୁ ଆୟାମାଟା ଖେର୍ଆନ୍‌ନୋ ଖେନ୍‌ଇ ଖାଜା ଆତାନ୍‌ନୋ ପାର୍ତନା ଇଲ୍‌ତୁ ଅଦିକାର୍ ମାନି ଯାଇରସ୍‌ତିଙ୍ଗ୍ ଇର୍ଆନ୍, “ତିଲାମା, ବିସ୍‌ବାସ୍ କିଆ ।”

୩୭ ତାନେ ଖେନ୍‌କା ଜିସୁ ଯାଇରସ୍‌ତି ଇଲ୍‌ତୁ ସନ୍‌ଡ଼େଙ୍ଗ୍ ଇଜି ଯାକୁବ୍, ଖାନି ତଡ଼ାନ୍ ଯୋହନ ମାରି ପିତର୍‌ତିଙ୍ଗ୍ ଡ଼ିସ୍‌ତିଙ୍ଗ୍ ମାରି ଏଙ୍ଗ୍‌ବା ଖାନିଖାଲେ ଇଲ୍‌ ଲୋଇ ଅଏତାନ୍ ।

୩୮ ଖାର୍ ଯାଇରସ୍‌ତି ଇଲ୍‌ତୁ ଖାତାର୍ ରୋ, ଖାନ୍ ଆଉଲି ଆନିକା ମାରି ଲୋକୁ ନାଣ୍ଟ ବର୍‌କୁକ୍‌ସି ଆଡ଼୍‌ବାନିକା ମାରି ଦୁଃକ୍‌ତାନ୍ ଆଡ଼୍‌ବାନିକା ସୁଡ଼ତୁନ୍,

୩୯ ଜିସୁ ଇଲ୍‌ ଲୋଇ ସର୍‌ଆନ୍ ନୋ ଲୋକାଙ୍ଗ୍ ଇର୍ଆନ୍, “ଏନ୍ୟା ଆଉଲି ମାରି ଆଡ଼୍‌ବାଜିନିଦେର୍ ? ଗାଡ଼ି ସାଏଡ଼, ମାତର୍ ଖାତୁ ସୁସ୍‌ତାମାନାଡ଼ । ଆବେଟ୍ ଖାର୍ ଖିଜେରେ ଜିସୁଙ୍ଗ୍ ସେମାର୍ କିତାର୍ ।”

୪୦ ଜିସୁ ଖିନ୍ ଲୋକାଙ୍ଗ୍ ଆଡ଼ରେ ପୋକ୍‌ତାନ୍ ନୋ ଆଇଲିଦି ବୁବାସି ନି ଆଇସିଙ୍ଗ୍ ମାରି ଖାନି ମୁଏର୍ ଶିଶୁର୍‌ରିଙ୍ଗ୍ ଖାନିଖାଲେ ଆସ୍‌ତାନ୍‌ନୋ ଆଇଲି ଆମା ବାଡ଼ିଦୁ ଡ଼ରିତା ମାର୍‌ଆଡ଼, ଆବେ ସର୍‌ଆର୍‌ରୋ ଡ଼ରିତାର୍ ।

୪୧ ଜିସୁ ଆଇଲିଦି କିମ୍ଭୁ ଆସସି ଇରୁଆନ୍, “ଟାଲିଆକୁମ୍,” ଇରିଙ୍ଗ୍
“ଏ ଆଇଲି, ନାନ୍ ନିଂଇ ଇଜିନା ନିଙ୍ଗ୍ ଆ ।”

୪୨ ଆୟାଦାପ୍ରେ ଆଇଲି ନିଂଇତାଦୋ ବୁଲାଦେଙ୍ଗ୍ ଆସ୍ତାତ୍;
ନାସ୍ତିଝାଲେ ଆଇଲିଦିଙ୍ଗ୍ ବାର ବାସ୍ତେକ୍ ଆତାମାରୁଆତ୍ । ଆବେଟ୍
ଇୟା ମାଟା ଝେରୁଆର୍ ଝିଜେରେ ନାଶ୍ତି କାବାତାସରୁଆର୍ ।

୪୩ ମାରି, ଇୟା ମାଟା ଏଣ୍ଡେସ୍ ଏନ୍‌ବା ନେସ୍‌ଏର୍, ଆୟା ଉଣ୍ଡିଙ୍ଗ୍
ଜିସୁ ଝାରିଙ୍ଗ୍ ଆର୍‌ଝାଦାନ୍ ମାଟା ଝେରୁତାନ୍, ମାରି ଆଇଲିଦିଙ୍ଗ୍
ଇନ୍କାବା ଉଟ୍‌ପିସ୍କିଦେଙ୍ଗ୍ ଇଜି ଝାରିଙ୍ଗ୍ ଇରୁଆନ୍ ।



ନାଜରିତ୍ତି ଲୋକୁ ଜିସୁଙ୍ଗ୍ ମାନ୍‌ଏତାର୍
(ମାତିତ ୧୩:୫୩-୫୮; ଲୁକ ୪:୧୭-୩୦)

୧ ଜିସୁ ଆୟାବାତି ତ୍ରିସ୍‌ସି ସିସୁରିଝାଲେ ନିଜେ ଏମେ ବାଡ଼ିଦୁ ପିରିତା
ମାରୁଆନ୍ ଆୟା ବାଡ଼ିଦୁ ଝାତାର୍ ମାରି ଝାନି ଶିଶୁର୍ ଝାନି ଝାଲେ
ଝାଲେ ସରୁଆର୍ ।

୨ ରମନିଦିନ୍ ଇଗା ଝାତାତ୍ ଆକା, ଜିସୁ ପାର୍‌ତନା କିନି ଇଲୁଦୁ
ସରୁଆନ୍‌ନୋ ଶିକ୍ଷା ସିଦେଙ୍ଗ୍ ଆସ୍ତାନ୍; ମାରି, ଆବେ ମାରୁହି
ଝିଜେରେ ଝାନି ମାଟା ଝେରୁଆର୍‌ରୋ କାବାଆଜି ଇର୍‌ହାଟ୍, “ଇୟା
ଲୋକୁ ଇୟାଝିଜୁ ଶିକ୍ଷା ଆମାଣ୍‌କୁ ପଇତାନ୍ ? ଇୟା ଝାନିଙ୍ଗ୍
ଆମାଣ୍‌କୁ ରୁଦି ପୁଟ୍‌ତାମାନାତ୍ ? ମାରି ଏମେ ସାକ୍ତିଦି ପାଣି ଝେନି
କିମ୍ଭୁଦାନ୍ ଆଜିନାତ୍, ଇୟାଝିଜୁ ଇନିକା ?

୩ ଇକାନ୍ ଆଜିନାନ୍ ଆୟା ବଡେଇ ଆସନ୍ । ଝେନି ଆଇସି ଦର୍
ମରିୟମ୍, ଯାକୁବ୍, ଯୋସି, ଯିହୁଦା ମାରି ସିମୋନ୍ ଝେନି ତଡ଼ାନ୍‌କୁ ।
ଝେନି ତାଙ୍ଗ୍ କ୍ ମା ଝାଲେ ମାନେ ।” ଇୟାଝାଜା ଇଜି ଝାର୍ ଜିସୁଙ୍ଗ୍
ମାନାଏତାର୍ ।

୪ ଜିସୁ ଝାରିଙ୍ଗ୍ ଇର୍‌ହାନ୍, “ବାବବାଦିର୍ ନିଜେଦି ରାଜିଦୁ, ନିଜେଦି
ଇଲୁଦୁ ମାରି ନିଜେଦି ଲୋକାଙ୍ଗ୍ ତ୍ରିସ୍‌ତିଙ୍ଗ୍ ଆଇ ଲୋକାମାନ୍ ସମ୍ମାନ୍
ପଇନାର୍ ।”

୫ ଆୟା ବାତିଦୁ ଜିସୁ ଏସୋ ରୋଗିଲୋକାଙ୍କ ମୁସକୁ କିୟୁ ଇଡ଼ଜି ନେଗେଣ୍ଡ କିନିକା ଡିସ୍‌ଡିଙ୍ଗ ମାରି ଜନି ନାଣ୍ଡ କାବାଦି ପାଣି କିଦେଙ୍ଗ ଆର୍‌ଏତାନ ।

୬ ମାରି, ଜିସୁ ଖାରି ଅବିସ୍‌ବାସ୍ ସୁଡ଼ଜି କାବାଆତା ସରଆନ୍ ।

ଜିସୁ ବାର ଲୋକାଙ୍କ ପୋକତାନ
(ମାତିଉ ୧୦:୫-୧୫; ଲୁକ ୯:୧-୬)

୭ ଖେନ୍‌କା ଜିସୁ ସାରିବେଡ଼ତି ନାରକାଙ୍କ୍ ନାରକାଙ୍କ୍ ବୁଲାନି ଶିକ୍ଷା ସିଦେଙ୍ଗ୍ ଆସ୍‌ତାନ । ଆୟାଖାଲେ ଜିସୁ ବାରଲୋକ୍ ସିସୁରିଙ୍ଗ୍ ଲାକଡୁ କୁକ୍‌ତାନନୋ ଖାରିଙ୍ଗ୍ ରିଏର୍ ରିଏର୍ କିଜି ପୋକ୍‌ଡେଙ୍ଗ୍ ଆସ୍‌ତାନ ମାରି ଖାରିଙ୍ଗ୍ ତାଗ୍‌ଇ ଆଡ଼ମେଙ୍ଗ୍‌ଆଙ୍ଗ୍ ପେର୍‌ଦେଙ୍ଗ୍ ଅଦିକାର୍ ସିତାନ,

୮ ମିର୍ ସନିଖାଲେ ଉଣ୍ଡି ବାଡିଗା ଡିସ୍‌ଡିଙ୍ଗ୍ ରୁଟି, ବା ମଣି ବା ତାବୁଙ୍ଗ୍ ଇଡ଼ଜି ମଣି ଅମାଟ୍ ଇଜି ଆଦେସ୍ ସିତାନ ।

୯ ଖାରିଙ୍ଗ୍ ଜୁଡେଙ୍ଗ୍ ବା ଯୋଡ଼କୁ ଆରାଦେଙ୍ଗ୍ ଇର୍‌ଆନ୍, ମାତର୍ ଆରାତିମାନି ଆଙ୍ଗ୍ ଡିସ୍‌ଡିଙ୍ଗ୍ ଆଇକା ଅମାଟ୍ ।

୧୦ ମାରି, ଜିସୁ ଖାରିଙ୍ଗ୍ ଇର୍‌ଆନ୍, “ଆମା ଇନ୍‌ଡୁଣି ଲୋକୁ ମିଙ୍ଗ୍ ମାନାନାର୍, ଆୟା ବାଡି ଡିସ୍‌ନି ସନି ସାନ୍ଦି ଆବେ ତେବାଦୁ ।

୧୧ ☆ଜଦି ମିର୍ ଏମେ ନାର୍‌ଡୁ ସନିଦେର୍ ଆୟା ବାଡିଦି ଲୋକୁ ମିଙ୍ଗ୍ ମାନାଏର୍, ବା ମି ମାଟା ଖେନ୍‌ଏର୍, ଆୟା ବାଡି ଡିସ୍‌ନିଖାଲେ ଖାରିମାନୁ ସାକି ସିଦେଙ୍ଗ୍ ମି ପାଦାମ୍‌କାଣି ଦୁଡି ସାଡ଼ଡୁ ।”

୧୨ ଇୟା ଖେନ୍‌କା ସିସୁର୍ ନାରକାଙ୍କ୍ ସିଲ୍‌ସି ପାପ୍‌ସାରି ଡିସ୍‌ସି ମନଡିଙ୍ଗ୍ ଡେପ୍‌ସି ରାଦୁ ଇଜି, ଆକା ଲୋକାମାନୁ ପ୍ରତାର୍‌କିତାର୍ ।

୧୩ ☆ଖାର୍ ନାଣ୍ଡ ଦୁବା କାସ୍ତି ଲୋକାଙ୍କ୍ ଦୁବେଙ୍ଗ୍ ଡିସ୍‌ସି କିତାର୍ ମାରି ନାଣ୍ଡ ରୋଗ୍ ଲୋକାଙ୍କ୍ ନିୟୁ ଉସ୍‌ସି ନେଗେଣ୍ଡକିତାର୍ ।

ଦୁବନ୍‌ସିନି ଯୋହନତି ସାନିକା
(ମାତିଉ ୧୪:୧-୧୨; ଲୁକ ୯:୭-୯)

୧୪ ☆ଜିସୁ ଦର ଝିନ୍ତୁ ତରିନ୍ ଝେଙ୍ଗି ତାଡ଼ିଆକା ଝାନି ବିସୟତାନ୍ ହେରୋଦ ଗାଜା ଝେରୁଆନ୍, ମାରି ଲୋକୁ ଇଜିମାରୁଆର୍, “ତୁବନ୍ସିନି ଯୋହନ ସାତିଲୋକାମାଣାନକୁ ନିଙ୍ଗି ତାମାନାନ୍, ଆୟା ଉଣ୍ଡିଙ୍ଗ ଇୟାଝିନ୍ତୁ ସାକ୍ତି ଝେନିମାନ୍ତୁ ପାଣିକିଜିନାଡ଼ ।”

୧୫ ମାତର୍ ଆଇ ଲୋକ୍ତର୍ ଇଜିମାରୁଆର୍, “ଝାଣୁରୁ ଏଲିୟ,” ମାରି ଏସୋ ଲୋକୁ ଇଜିମାରୁଆର୍, “ପୁର୍ବେଦି ବାବବାଦିରି ଝାଜା ଝାଣୁରୁ ବା ଅରେନ୍ ବାବବାଦି ।”

୧୬ ମାତର୍ ହେରୋଦ ଇକା ଝେରୁଆ ଇରୁଆନ୍, “ନାନ୍ ଆମା ଯୋହନତି ତାଲା କଇତା ମାହୀ, ଆୟା ଯୋହନ ମାରିଡ଼େସି ନିଙ୍ଗି ତାମାନାନ୍ ।”

୧୭ ☆ହେରୋଦ, ଯୋହନତିଙ୍ଗ ତର୍ସି ଜଇଲ୍ତୁ ଇଡ଼ଦେଙ୍ଗ ଆଦେସ୍ ସିତାମାରୁଆନ୍, ଇରିଙ୍ଗ ହେରୋଦ ଝାନି ତଡ଼ାନ୍ ପିଲିପ୍ପତି ଆଡ଼ସି ହେରୋଦିଆଦିଙ୍ଗ ପେଡ଼ି ଆତା ମାରୁଆନ୍ ଆକା ଇକା କିତାନ୍ ।

୧୮ ଇରିଙ୍ଗ ଯୋହନ ହେରୋଦତିଙ୍ଗ ଇଜିମାରୁଆନ୍, “ନିଜେଦି ତଡ଼ାନ୍ତି ଆଡ଼ିଦିଙ୍ଗ ଇଡ଼ନିକା ନିୟମ୍ ସିଲେଡ଼ ।”

୧୯ ଇୟାଉଣ୍ଡିଙ୍ଗ ହେରୋଦିଆ ଯୋହନତିଙ୍ଗ ଶାବୁଝାଜା ସୁଡ଼ଜି ରିସା ଆତାଦୋ ସାୟାମାରୁଗା ତାକ୍ତେଙ୍ଗ ବଦା କିଜିମାରୁଆଡ଼, ମାତର୍ ଆଡ଼ଏଜି ମାରୁଆଡ଼;

୨୦ ଇରିଙ୍ଗ ହେରୋଦ ଯୋହନତିଙ୍ଗ ଅରେନ୍ ଦାମ୍ ମାରି ପବିତ୍ର ଲୋକ୍ ଇଜି ନେସ୍ସି ତିଲାଜି ମାରୁଆନ୍, ମାରି ଯୋହନତିଙ୍ଗ ରକ୍ଷା କିଦେଙ୍ଗ ବଦାକିଜି ମାରୁଆର୍, ମାରି ହେରୋଦ ଯୋହନତି ମାଟା ଝେନ୍ତି ନାଣ୍ଡୁ ତରବର ଆଜିମାହୀନ୍ ଆଡ଼ିଙ୍ଗବା ଝେଡ଼ିକାଦାନ୍ ଆୟା ମାଟା ଝେନ୍ତି ମାରୁଆନ୍ ।

୨୧ ସାରାସାରି ଏସ ଦିନ୍ ଝେନ୍ତକା ହେରୋଦିଆଦିଙ୍ଗ ଉଣ୍ଡି ସାରି ତରିତାଡ଼ । ହେରୋଦ ଝାନି ଜନମ୍ ଦିନ୍ତୁ ଝିନ୍ତୁ ପେରି ପେରି ଲୋକାଙ୍ଗ, ସେନାପତିରିଙ୍ଗ ମାରି ଗାଲିଲିଦି ଝିନ୍ତୁ ପେରି ଲୋକାଙ୍ଗ ଉଣ୍ଡେଙ୍ଗ ନାଡ଼ା ସମୟତୁ ଉଣ୍ଡି ବୋଜି ତିଆର୍ କିତାନ୍;

୨୨ ମାରି, ହେରୋଦିଆଦି ଗାଡ଼ସି ଲୋଇ ଖାତାଡ଼ ଦ ଗାଡ଼ସି ହେରୋଦ ମାରି ବୋଜିଦୁ ବାସ୍ତି ମାରୁଛି କୁଡ଼ାଆଙ୍କୁ ମୋନତିଙ୍କୁ ଖେଡ଼ିକା କିବିସକିତାଡ଼ । ଆବେଟ୍ ହେରୋଦ ରାଜା ଗାଡ଼ସିଙ୍କୁ ଖେନ୍ଦାତାନ୍, “ନିନ୍ ଇନିକା ବଦାକିଜିନି, ଲସ୍ଆ, ନାନ୍ ଆକା ନିଂଇ ସିନା ।”

୨୩ “ନାନ୍ ପାର୍ମାଣ୍ କିଜି ଇଜିନା, ନିନ୍ ଆମାକା ଲସ୍ନି, ଆକା ରାଜିଦି ଆଧା ବାଗ୍ ବା ସିନା ।”

୨୪ ଆବେଟ୍ ଗାଡ଼ସି ଆଡ଼ରେ ସର୍ହାଦୋ ତାନି ଆଇସିଙ୍କୁ ଖେନ୍ଦାତାଡ଼, ନାନ୍ ଇନିକା ଲସ୍ନା ? ତାମେ ଆଇସି ଦାପେ ଦାପେ, ତାନେଙ୍କୁ ଇର୍ହାଡ଼, “ନିନ୍ ତୁବନ୍ ସିନି ଯୋହନତି ତାଲା ଲସ୍ଆ ।”

୨୫ ଆୟାଦାପ୍ରେ ଗାଡ଼ସି ରାଜାମାନ୍ ଉରୁକ୍ସି ଖାଜି ଇର୍ହାଡ଼, “ନା ବଦା ଯେ, ନିନ୍ ତୁବନ୍ସିନି ଯୋହନତି ତାଲା ଇୟାଦାପ୍ରେ ନାଂଇ ଉଣ୍ଡି ସାଡ଼୍ଝାଦୁ ସିଦା ।”

୨୬ ଇକା ମାଟା ଖେନ୍ଦି ହେରୋଦ ରାଜା ନାଣ୍ ଦୁଃଖ କିତାନ୍ ମାତର୍ କୁଡ଼ାଆଙ୍କା ଆଗ୍ଡି ପାର୍ମାଣ୍ କିତାମାର୍ହାନ୍ଆକା ସିଲେ ଇନ୍ଡେଙ୍କୁ ଆର୍ଏତାନ୍ ।

୨୭ ଆବେଟ୍ ରାଜା ଦାପ୍ରେ ଅରେନ୍ ସନ୍ୟଙ୍କୁ ପୋକ୍ତାନ୍ ନୋ ଯୋହନତି ତାଲା ତାତେଙ୍କୁ ଆଦେସ୍ ସିତାନ୍ । ଖାଣ୍ଡୁ ସୁର୍ଆନ୍ ନୋ ଜଇଲି ଲୋଇ ଯୋହନତି ତାଲା କଇତାନ୍,

୨୮ ଯୋହନତି ତାଲା ଉଣ୍ଡି ସାଡ଼୍ଝାଦୁ ତାତାନ୍ ନୋ ଆଇଲିଦିଙ୍କୁ ସିତାନ୍, ଆୟାକା ଆଇଲି ଆସ୍ତାଦୋ ତାମେ ଆଇସିଙ୍କୁ ସିତାଡ଼ ।

୨୯ ଯୋହନତି ସିସୁର୍ ଆୟା କାବୁର୍ ଖେର୍ଆର୍ରେ ଖାତା ମାରି ଖାନି ସାତି ମାଡ଼ା ଆସ୍ତା ଅତାରୋ ଦୁକି ଗୁଟାଦୁ ମୁସ୍ତାଡ଼ ।

ଜିସୁ ପାସ୍ ହାଜାର ଲୋକାଙ୍କୁ ଉଠିସ୍ କିତାନ୍

(ମାତିଉ ୧୪:୧୩-୨୧; ଲୁକ ୯:୧୦-୧୭; ଜୋହନ ୬:୧-୧୪)

୩୦ ଖେନ୍ଦକା ସିସୁର୍ ଜିସୁ ଲାକ୍ତୁ ଉଣ୍ଡାତାର୍, ଖାରୁ ଏମେ ଏମେକା କିତାମାର୍ଆର୍ ମାରି ଏମେ ଏମେକା ଶିକ୍ଷା ସିତାମାର୍ଆର୍, ଆୟାଞ୍ଜିଦୁ ଖାନିଙ୍କୁ ଖେର୍ତାଡ଼ ।

୩୧ ଆବେଟ୍ ଖାନ୍ ଖାନି ସିସୁରିଙ୍ଗ୍ ଇର୍ଆନ୍, “ସାଦୁ ମାଡୁ ଏରନାଡ଼ ଉଣ୍ଡି ସିମ୍ବା ବାଡିଦୁ ସନାଟ୍ । ଆବେ ଏସୋ ସମୟ ରୋମ୍‌ନାଟ୍ ।” ଇରିଙ୍ଗ୍ ନାଣ୍ଡ ଲୋକୁ ଝିଜେରେ ସନିକା ଖାନିକା ଆଜିମାର୍ହାର୍ ଆକା ଖାରିଙ୍ଗ୍ ଉଣ୍ଡେଙ୍ଗ୍ ବା ସମୟ ସିଲେତାଡ଼ ।

୩୨ ଆୟାଝେନ୍‌କା ଜିସୁ ମାରି ଖାନି ଶିଶୁର୍ ଡଙ୍ଗାଦୁ ଏକ୍‌ତାର୍‌ନୋ ଉଣ୍ଡି ସିମ୍ବା ବାଡିଦୁ ସନ୍‌ଡେଙ୍ଗ୍ ସତାର୍ ।

୩୩ ମାତର୍ ଖାର ସନିଝାଲେ ଏସୋ ଲୋକୁ ଖାରିଙ୍ଗ୍ ସୁଡ଼ଜି ମାରି ସିନିସ୍ କିତାର୍, ମାରି ଲୋକୁ ଝିଜେରେ ଝିଜୁ ଗାଡ଼କାଣାକୁ ପାଦାମ୍‌କାଣାକୁ ଆବେ ଅର୍‌ସେ ଉରୁକ୍‌ସି ସରଆର୍ ରୋ ଖାରି ଆଗିଡି ଇଗା ସରଆର୍ ।

୩୪ ☆ଜିସୁ ଡଙ୍ଗାଦାନ୍ ସତାନ୍‌ନୋ ନାଣ୍ଡ ଲୋକାଙ୍ଗ୍ ସୁଡ଼ଜି ଖାରି ଉଣ୍ଡିଙ୍ଗ୍ ଦୁଃକ୍ କିତାନ୍, ଇରିଙ୍ଗ୍ ଖାର ଗାଡ଼ଡ଼ ସିଲି ମେଣ୍ଡେଙ୍ଗ୍ ମାୟା ଖାଜା ଖାର ସାକାସିଲିକା ନି ସିନ୍ତା ଆଜିମାର୍ହାର୍; ମାରି, ଖାଣ୍ଡୁ ଖାରିଙ୍ଗ୍ ନାଣ୍ଡ ସିକିୟା ସିଦେଙ୍ଗ୍ ଆସ୍‌ତାନ୍ ।

୩୫ ନାଣ୍ଡ ଝେଡ଼ା ଆତାଡ଼ଆକା ଖାନି ସିସୁର୍ ଖାନି ଲାକ୍‌ତୁ ଖାତା ଇର୍ହାର୍, “ଇୟାବାଡିତୋ ସିମ୍ବା, ମାରି ନାଣ୍ଡ ଝେଡ଼ା ଆତାଡ଼ନ୍;

୩୬ ଲୋକୁ ଏଣ୍ଡେସ୍‌କି ସାରିବେଡ଼୍‌ତି ନାର୍‌କାଙ୍ଗ୍ ସନାର୍ ନିଜେ ନିଜେଦି ଉଣ୍ଡିଙ୍ଗ୍ ଏସୋ ଉଣି ଖାଦି କଣାର୍, ଆୟାଉଣ୍ଡିଙ୍ଗ୍ ଖାରିଙ୍ଗ୍ ପୋକ୍‌ଆ ।”

୩୭ ମାତର୍ ଜିସୁ ଖାରିଙ୍ଗ୍ ଇର୍ହାନ୍, “ମିର୍ ଖାରିଙ୍ଗ୍ ଉଣ୍ଡେଙ୍ଗ୍ ସିଦୁ,” ସିସୁର୍ ଖାନିଙ୍ଗ୍ ଇର୍ହାର୍, “ମାପ୍ ଇନିକା ଆଟ୍‌ଗୋଟା ଲେଜଡି କୁଲି ତାରୁଦାନ୍ ରୁଟି କଣାପ୍ ଝେରିଙ୍ଗ୍ ସିନାପ୍ ?”

୩୮ ଜିସୁ ଖାରିଙ୍ଗ୍ ଇର୍ଆନ୍, “ମି ଲାକ୍‌ତୁ ଏସୋ ଗୋଟା ରୁଟିଙ୍ଗ୍ ମାନେ ? ସଲ୍‌ସ୍ ସୁଡ଼ଦୁ ।” ସିସୁର୍ ସର୍‌ଆ ଝେର୍‌ଆ ଖାତା ରୋ ଖାନିଙ୍ଗ୍ ଇର୍ହାର୍, “ପାସ୍‌ଗୋଟା ରୁଟିଙ୍ଗ୍ ମାରି ରୁଣ୍ଡି ମିନ୍‌କୁ ମାନେ ।”

୩୯ ଝିଜେରେ ଏଣ୍ଡେସ୍‌କି ଧାଡ଼ି ଧାଡ଼ି ଆଜି କଡ଼କି ଲାଟା ମାନି ବାଡିଦୁ ବାସ୍‌ନାର୍, ଆୟା ଉଣ୍ଡିଙ୍ଗ୍ ଜିସୁ ବାସିସ୍ କିଦେଙ୍ଗ୍ ଖାରିଙ୍ଗ୍ ଆଦେସ୍ ସିତାନ୍ ।

୪୦ ଆବେଟ୍ ଓଁଜେରେ ଶହେ ଶହେ ଲୋକୁ ମାରି ପଟାସ୍ ପଟାସ୍ ଲୋକୁ ଧାଡ଼ି ଆଜି ବାସ୍ତାର ।

୪୧ ଆୟାଝେନ୍‌କା ଜିସୁ ଆୟା ପାସ୍‌ଗୋଟା ରୁଟିଙ୍ଗ୍ ମାରି ରୁଣ୍ଡି ମିନକୁ ଅସି ସ୍ୱର୍ଗ ମୁସକୁ ସୁଡ଼ଜି ମାପୁରୁଦିଙ୍ଗ୍ ଦନ୍‌ବାଦ୍ ସିତାନ୍ ମାରି ରୁଟିଙ୍ଗ୍ ରୁକ୍‌ସି ଲୋକାଙ୍ଗ୍ ବାଟାକିଜି ସିଦେଙ୍ଗ୍ ସିସୁରିଙ୍ଗ୍ ସିତାନ୍ । ଆୟା ରୁଣ୍ଡି ମିନକାଙ୍ଗ୍ ବା ବାଟାକିଜି ସିଦେଙ୍ଗ୍ ସିତାନ୍ ।

୪୨ ଓଁଜୁ ଲୋକୁ ଓଁଜେରେ ତିର୍‌ଆରୋ ପଟାପାଜିତାର ।

୪୩ ଇୟା ଝେନ୍‌କା ସିସୁର୍ ଏଜିତି ରୁଟିଙ୍ଗ୍ ମାରି ମିନକୁ ମୋକେଙ୍ଗ୍ ପେଜ୍ ବାରଗୋଟା ଡାଡ଼ିଦୁ ବର୍ତ୍ କିତାର ।

୪୪ ଏମେ ଲୋକ୍‌ତର ଇୟା ରୁଟିଙ୍ଗ୍ ତିର୍‌ହା ମାର୍‌ଆର୍, ଖାରି ଲୋଇ ଆବ୍‌କା ମେମାର୍‌ଙ୍ଗ୍ ଲୋକୁନେ ୫,୦୦୦ ହାଜାର୍ ମାର୍‌ଆର୍ ।

ଜିସୁ ଏର୍ ମୁସକୁ ବୁଲାତାନ୍

(ମାତିଉ ୧୪:୨୨-୩୩; ଜୋହନ ୬:୧୫-୨୧)

୪୫ ଆୟାଦାପ୍ରେ ଜିସୁ ଖାନି ସିସୁରିଙ୍ଗ୍ ତଙ୍ଗାଦୁ ବାସିସତାନ୍ ନୋ ସାମ୍‌ଦୁର୍‌ତୁ ଆୟା ପାଡ଼ିଦି ବେଟ୍‌ସାଇଦାଦୁ ଖାନି ଆଗ୍‌ଡିନେ ସଣ୍ଡେଙ୍ଗ୍ ଇର୍‌ହାନ୍, ଆବେଟ୍ ଲୋକାଙ୍ଗ୍ ଜିସୁ ପୋକ୍‌ତାନ୍ ।

୪୬ ଜିସୁ ଲୋକାଙ୍ଗ୍ ପୋକ୍‌ତି ଝେନ୍‌କା ଖାନ୍ ପାର୍‌ତନା କିଦେଙ୍ଗ୍ ଇଜି ଗରନ୍ ମୁସକୁ ସର୍‌ହାନ୍ ।

୪୭ ମିଲିମିଲିକା ଆଜି ଖାନିଖାଲେ ତଙ୍ଗା ସାମ୍‌ଦୁର୍ ନାଡ଼୍‌ମି ମାର୍‌ଆଡ୍ ମାରି ଖାନ୍ ପାଡ଼ି ଅରେନ୍ ମାର୍‌ଆନ୍ ।

୪୮ ଜିସୁ ସୁଡ଼ତୁନ୍ ଯେ ସିସୁରି ତଙ୍ଗାଦି ସାଟ୍‌ଖା ତାକ୍‌ତେଙ୍ଗ୍ ଇଜି ନାଣ୍ଡ ବାଦାଜି ମାର୍‌ଆର୍ । ଇରିଙ୍ଗ୍ ନାସ୍‌ିଖାଲେ ଗାଲି ଖାରି ଆଗ୍‌ଡି ସାରି ଖାଜି ମାର୍‌ଆଡ୍ । ସାଲ୍‌ଦି ଆନିଖାଲେ ଜିସୁ ଏର୍ ମୁସକୁ ବୁଲାଜି ବୁଲାଜି ଶିଶୁରି ଲାକ୍‌ତୁ ଖାତାନ୍, ଖାଣ୍ଡୁ ସିସୁରି ଲାକ୍‌ତୁରାନ୍ ଆଜି ଆଗ୍‌ଡି ସନ୍‌ଡେଙ୍ଗ୍ ବଦା କିଜି ମାର୍‌ହାନ୍

୪୯ ମାତର୍ ସିସୁର୍ ଖାନିଙ୍ଗ୍ ସାମ୍‌ଦୁର୍ ମୁସକୁ ବୁଲାନିକା ସୁଡ଼ତୁରୋ, “ଦୁବା ଇଜି” ଅଡ଼ବିତାରୋ ନାଣ୍ଡ ଆଉଲି ଆତାର୍,

୫୦ ଇରିଙ୍କୁ ଝିଜେରେ ଜିସୁଙ୍କୁ ସୁଡ଼ତୁର ତିଲାତା ସରହାମାରୁଆର୍ । ମାତର ଜିସୁ ଆୟାଦାପ୍ରେ ଝାରିଝାଲେ ଝାରଗିଜି ଝାରିଙ୍କୁ ଇରୁଆନ୍, ସାସ୍ ଆସବୁ, ତିଲାମାର୍, “ନାନ୍ ତୋ ଜିସୁ ।”

୫୧ ଜିସୁ ଝାରି ଲାକ୍ତୁ ସରୁଆନ୍ନୋ ତଙ୍ଗାଦୁ ଏକ୍ତାନ୍, ଆବେଟ୍ ଗାଲି ତିରୁ ଆତାଡ୍ । ସିସୁର ମନ୍ ଲୋଇ ନାଣ୍ଟ କାବାଆତା ସରୁଆର୍ ।

୫୨ ଇରିଙ୍କୁ ଝାର ପାସ୍ ହଜାର ଲୋକାଙ୍କୁ ରୁଟିଙ୍କୁ ଉଠିସକିତି ବିସୟଦି ଅର୍ତ୍ତ ବୁଝାଏତା ମାରୁଆର୍, ଇରିଙ୍କୁ ଝାରି ବୁଝି ଗୁପାତା ମାରୁଆଡ୍ ।

ଜିସୁ ଗିନେସରତୁ ନାଣ୍ଟ ରୋଗ୍ ଲୋକାଙ୍କୁ ନେଗେଣ୍ଟୁ କିତାନ୍
(ମାତିଉ ୧୪:୩୪-୩୬)

୫୩ ଜିସୁ ମାରି ଝାନି ସିସୁର ସାମଦୁର ନାସି ଗିନେସରତି ସାନ୍ତିଦୁ ଝାତାରନୋ ସାମଦୁର ପାଡି ତଙ୍ଗା ତରତାର୍ ।

୫୪ ଝାର ତଙ୍ଗାଦାଣ୍ଟୁ ରେତି ଝାତିଦାପ୍ରେ ଲୋକୁ ଜିସୁଙ୍କୁ ସୁଡ଼ଜି ସିନିସ୍ତାର୍ ।

୫୫ ଆବେଟ୍ ଆୟା ସାରିବେଡ୍ତି ନାରକାଙ୍କୁ ଉରକୁସି ସରୁଆର୍ । ଜିସୁ ଆମା ଆମା ବାଡିଦୁ ମାରୁଆନ୍ ମାରି ଲୋକୁ ଝିଜେରେ ରୋଗ୍ ଲୋକାଙ୍କୁ କାଟେଲ୍ତୁ ପିଣ୍ଡୁଜି ଜିସୁମାନ୍ ତାତାର୍ ।

୫୬ ଜିସୁ ଏମେ ଏମେ ନାର୍, ଗାଡ୍ ମାରି ଲୋଇରି ନାରକାଙ୍କୁ ସରହାନ୍, ଲୋକ ଝିଜେରେ ଝିଜୁ ବାଡିଦି ରୋଗିଲୋକାଙ୍କୁ ସାତାଦୁ ତାତାରୋ ଉଣ୍ଡାକିତାର୍, ମାରି ରୋଗିଲୋକୁ ଏଣ୍ଡେସକି ଝାନି ଝାତି ଜାଲି ଅଡପ୍ ମୁଟ୍ନାର୍, ଆୟାଉଣ୍ଡିଙ୍କୁ ଜିସୁଙ୍କୁ ମାଡିସ୍ କିତାର୍; ମାରି ଏସୋ ଲୋକ୍ତର ଜିସୁଦି ଝାତି ଜାଲି ମୁଟ୍ତାର୍ ଆୟା ଲୋକ୍ତର ନେଗେନ୍ ଆତାର୍ ।



ପୁର୍ବେଦି ଲୋକା ମାଟା
(ମାତିଉ ୧୫:୧-୯)

୧ ଝେନକା ପାରୁସିର ମାରି ଜିରୁସାଲାମ୍ତାନ୍ ଝାତି ମାରୁଇ ଏସୋ ସାନ୍ତିର ଜିସୁ ସାରିବେଡ୍ତି ଉଣ୍ଡାତାର୍ ।

୭ ଖାର ସୁତୁଡ଼ାର ଯେ, ଖାନି ଏସୋ ସିସୁର ଜିହୁଦିରି ଇସାବତ୍ତାନ କିୟୁ ନରବାଏଣ୍ଡା ଉଣ୍ଡୁଜି ମାର୍ଆର ।

୩ ପାରୁସିର୍ ମାରି ଝିଜେରେ ଯିହୁଦୀଲୋକ୍ ଖାରି ପୁର୍ବେଦି ନେତାରି ରାତିନୀତି ମାନାଜି ନେଗେଣ୍ଡୁ କିୟୁ ନରବାଏତିଙ୍ଗ୍ ଖାର ଉଣ୍ଡୁଏର,

୪ ସାତାଦୁ ସର୍ହି ଖାତି ଝେନ୍‌କା ନିଜେ ନିଜେଦି ମୁସ୍କୁ ଏର ଲଜାଏତିଙ୍ଗ୍ ଉଣ୍ଡୁଏର; ମାରି ଗିନା, ମୁତା ମାରି କସ୍ ନକି ଏରତୁ ମୁତକ୍ତିସି ନରବାନିକା, ଖାଟେଲ୍‌ତୁ ଏରୁ ସିଲିକ୍‌ନିକା ଝିଜୁ ଆଇ ରାତିନୀତି ମାନାଦେଙ୍ଗ୍ ଇଜି ଖାର ଆଦେସ୍ ପଇତା ମାର୍ଆର ।

୫ ପାରୁସିର୍ ମାରି ସାସ୍ତିର୍ ଜିସୁଙ୍ଗ୍ ଇର୍ହାନ, “ନି ସିସୁର ପୁର୍ବେଦି ନେତାରି ରାତିନୀତି ଦାଣ୍ଡୁ ସାଲାଏଣ୍ଡା କିକୁ ନରବାଏଣ୍ଡା ଏନ୍ଦା ଉଣ୍ଡୁଜିନାର୍ ?”

୬ ଜିସୁ ଖାରିଙ୍ଗ୍ ଇର୍ହାନ, ଏ ସାଲାକିଦି, ଜିସାଇୟ ବାବବାଦି ମି ବିସୟତୁ ଟିକ୍‌ତାନ ମାଟା ଝେରତା ମାନାନ୍, ଏଣ୍ଡେସ୍ ରାସାତାମାନାଡ଼, ମାପୁରୁ ଇନାନ୍, ଇୟା ଜାତିଦି ଲୋକ୍‌ତର୍ ମାଙ୍ଗ୍ ତାମେ ମକମିନେ ମାନାନାର୍,

ମାତର୍ ଖାରି ଜିବନ୍ ମାବାଣ୍ଡକୁ ଆକ ତେବାନାଡ଼ ।

୭ ଖାର ଲୋକୁ ତିଆର୍ କିତିମାନି ରାତିନୀତି ଦିଙ୍ଗ୍ ମାପୁରୁଦି ଆଦେସ୍ ଇଜି ଶିକ୍ଷା ସିନାର୍

ଆର୍‌ଏନେ ମା ସେବା କିଜିନାର୍ ।

୮ “ମିର୍ ମାପୁରୁଦି ଆଦେସ୍ ଡିସ୍‌ସି ଲୋକୁ ତିଆର୍‌କିତି ନିୟମ୍‌ତିଙ୍ଗ୍ ଆସ୍‌ସିନିଦେର୍ ।”

୯ ମାରି ଜିସୁ ଖାରିଙ୍ଗ୍ ଇର୍ହାନ, ମିର୍ ମି ସାଲାକିଦାନ ମାପୁରୁଦି ମାଟାଦିଙ୍ଗ୍ ମାନାଇଜିନିଦେର୍ ।

୧୦ ଇରିଙ୍ଗ୍ ମୋସା ନିୟମ୍ ସିତାମାନାନ୍, ମି ବୁବା ଯାୟାଏଙ୍ଗ୍ ମାନାଦୁ, ମାରି ଏନ୍ ନିଜେଦି ବୁବା ନି ଯାୟାଙ୍ଗ୍ ଆନାଦୁରିଆ ସିନାନ୍, ଖାଣ୍ଡୁ ଏଣ୍ଡେସ୍ କିଜିବା ସାନି ଦଣ୍ଡୁ ପଇନାନ୍ ।

୧୧ ମାତର୍ ମି ଇନ୍‌ଡ୍ର, ଜଦି ଅରେନ୍ ଲୋକ୍‌ତିମାନୁ ଖାନି ବୁବା ଯାୟାଏଙ୍ଗ୍ ସାହାଜ୍ୟ କିଦେଙ୍ଗ୍ ମାନାଡ଼, ମାତର୍ ଆୟା ଲୋକୁ ଇଜିନାନ୍, କାର୍ବାନ୍ ମାପୁରୁତିଙ୍ଗ୍ ପୁଜା ସିତାମାନା ।

୧୨ ଆଦେଞ୍ ମିର୍ ଖାନିଞ୍ ଖାନି ବୁବା ଯାୟାଦିଞ୍ ସାହାଜ୍ୟ କିନି ଉଣ୍ଡିଞ୍ ସିଇଦେର୍ ।

୧୩ ଇୟାଝାଜା ମିର୍ ପୁର୍ବେଦି ଲୋକ୍ତି ରାତିନୀତି ଉଣ୍ଡିଞ୍ ମାପୁରୁଦି ବାକ୍ୟଦିଞ୍ ଲାଡ଼ ତାକ୍ସିନିଦେର୍ ମାରି ଆୟାଝାଜା ନାଣ୍ଟ ସେଇ ପାଣିବା କିଜିନିଦେର୍ ।

ଲୋକ୍ତିଞ୍ ଇନିକା ତାଗ୍‌ଇକା କିନାଡ଼
(ମାଡ଼ିଉ ୧୫:୧୦-୨୦)

୧୪ ଅର୍ଲେନ୍ ଜିସୁ ଲୋକାଞ୍ ଲାକ୍ତୁ କୁକ୍ସି ଖାରିଞ୍ ଇର୍ହାନ୍, “ମିର୍ ଓଜେରେ ନା ମାଟା ଝେନ୍‌ଡୁ ମାରି ବୁଝାବୁ ।”

୧୫ ଲୋକ୍ତି ମେନ୍‌ଲ୍ ଆଡ଼ରେ ଇୟାଝାଜା ଇନି ବିସୟ ସିଲେଡ଼, ଆମାକା କି ଖାନି ଲୋଇ ଡଗୁଜି ଖାନିଞ୍ ଅପବିତ୍ର କିନାଡ଼, ମାତର୍ ଏମେ ଏମେକା ଲୋକ୍ତି ଲୋଇରାନ୍ ସନାଡ଼, ଆୟାଝିଜୁ ଖାନିଞ୍ ଅପବିତ୍ର କିନାଡ଼ ।

୧୬ ଜଦି ଆମାଝାନିଞ୍ ଝେନ୍‌ଡେଞ୍ ଗିତଣିଞ୍‌ମାନେ ଖାଣ୍ଟୁ ଚୁଝିନିନ୍ ।*

୧୭ ଜିସୁ ଲୋକାଞ୍ ଡିସ୍‌ସି ଇନ୍‌ଡୁ ଖାତି ଝେନ୍‌କା ଖାନି ସିସୁର୍ ଇୟା କାତାଦି ଅର୍ଡ଼ ବୁଝାକିଜି ସିଦା ଇଜି ଇର୍ହାନ୍ ।

୧୮ ଆବେଟ୍ ଜିସୁ ଖାରିଞ୍ ଇର୍ହାନ୍, “ମିର୍‌ବା ଇନିକା ଖାରିଝାଜା ବୁଜାଦେଞ୍ ଆଟ୍‌ଏଜିନିଦେର୍ ? ଏମେକା କି ଆଡ଼ରେରାନ୍ ଲୋକା ଲୋଇ ଡଗୁନାଡ଼, ଆକା ଖାନିଞ୍ ସେଏଣ୍ଟ କିଦେଞ୍ ଆଟ୍‌ଏଡ଼ ।

୧୯ ଇରିଞ୍ ଆକା ଖାନି ଜିବନ୍‌ଡୁ ଡଗୁଏଡ଼, ମାତର୍ ପଟା ଲୋଇ ଡଗୁଜି ଆଡ଼ରେ ସନା ସନାଡ଼ ।” ମାରି ଇବେଣ୍ଟୁକୁ ଝିଜୁ ଖାଦି ନରାନା ସନାଡ଼, ଇକା ଜିସୁ ଇର୍‌ଆନ୍ ।

୨୦ ଜିସୁ ଇର୍ହାନ୍, “ଆମାକା ଲୋକ୍‌ମାଣ୍‌କୁ ସନାଡ଼, ଆକାନେ ଖାନିଞ୍ ଅପବିତ୍ର କିନାଡ଼ ।

୨୧ ଇରିଞ୍ ଲୋଇରାନ୍, ଲୋକ୍ତି ଜିବନ୍‌ତାନ୍, ତାଗ୍‌ଇତିନ୍ତା ସନାଡ଼, ଦାରିପାଣି, ତ’ଆ, ଲୋକ୍ତିଞ୍ ସାୟାମାର୍‌ଗାତାକ୍‌ନିକା,

* ୭:୧୭ ଏସୋ ପାଡ଼ିଇ ରାସାତିମାନୁ ଇୟା ପଦ ରାସାଏଡ଼ ।

୨୨ ଆଇସାୟା ଆଇମାଦିମାନୁ ସନିକା, ଲୋଭ, କାରାପ, ମିଛ ମାଟା, ଗାଡ଼ୟା, ସୁଡ଼ଜି ଆକାର ଆନିକା, ସୁଡ଼ଜି ଲାଲ୍‌ଇଆନିକା, ନିଦା, ଗାର୍ବୁ କିନିକା, ମୁର୍ଖୁଆନିକା;

୨୩ ଇୟା ତାଗ୍‌ଇ ପାଣିଞ୍ଜୁ ଲୋଇରାନ୍ ସହସି ଲୋକ୍‌ତିଙ୍ଗ୍ ଅପବିତ୍ର କିନାଡ଼ ।”

ଅରେଡ଼ ଆଇମାଦି ଆଟ୍‌ଝା ବିସ୍‌ବାସ୍

(ମାତିଉ ୧୫:୨୧-୨୮)

୨୪ ଆୟାଝେନ୍‌କା ଜିସୁ ଆୟା ବାତି ତ୍ରିସ୍‌ସି ସୋର ଗାଡ଼ତି ରାଜିଦୁ ସର୍‌ଆନ୍, ଉଣ୍ଡି ଇନ୍‌ଡ୍ରୁ ତ୍ରିତାନନୋ, ଏର୍‌ବା ଏଣ୍ଡେସ୍ ଆକା ନେସ୍‌ଏର୍, ଇକା ବଦା କିଜିମାର୍‌ଆନ୍, ମାତର୍ ଝାଣ୍ଡୁ ଆବେ ମାଗ୍‌ଜୋ ମାନ୍‌ଡ୍ରେଙ୍ଗ୍ ଆଟ୍‌ଏତାନ୍ ।

୨୫ ଆୟାଦାପ୍ରେ ଅରେଡ଼ ଆଇମା ଜିସୁ ଝାତି ମାର୍‌ଇ କାବୁର୍ ଝେର୍‌ଆଦୋ ଝାତାଡ଼, ଇରିଙ୍ଗ୍ ତାନି ଗାଡ଼ସିଙ୍ଗ୍ ତାଗ୍‌ଇଆମ୍‌ ଆସ୍‌ତା ମାର୍‌ଆଡ଼ । ଆଦେଙ୍ଗ୍ ଆୟା ଆଇମା ଝାନି ପାଦାମ୍‌କାଙ୍ଗ୍ ମାଡ଼ିସ୍ କିଜି ଗୁରିତାଡ଼ ।

୨୬ ଆୟା ସୁର ଦେଶ୍‌ତି ସୁରଫେନିକିୟା ଜାତିଦି ଅରେଡ଼ ଗ୍ରୀକ୍ ଆଇମା ମାର୍‌ଆଡ଼ । ତାନି ଆଇଲି ମାଣାନ୍ ଦୁବା ତ୍ରିସ୍‌ସିସ୍ କିଦେଙ୍ଗ୍ ଇଜି ଜିସୁଙ୍ଗ୍ ଇନ୍‌ଡ୍ରେଙ୍ଗ୍ ଆସ୍‌ତାଡ଼ ।

୨୭ ଆବେର୍ ଜିସୁ ତାନିଙ୍ଗ୍ ଇର୍‌ଆନ୍, “ନିଜେଦି କଡ଼ରିଙ୍ଗ୍ ଆଗ୍‌ଡ଼ି ଖାଦି ପଟାବତ୍ ଉର୍‌ପିସ୍‌ତେଙ୍ଗ୍ ଆନାଡ଼, ଇରିଙ୍ଗ୍ କଡ଼ରି ବାଟା ଖାଦି ଅସି ନୁକୁଡ଼ିଆଙ୍ଗ୍ ମାନ୍‌ ପୋକ୍‌ନିକା ନେଗେଡ଼ ସିଲେ ।”

୨୮ ଜିସୁଙ୍ଗ୍ ଆୟା ଆଇମା ଇର୍‌ହାଡ଼, “ହୁଁ, ପ୍ରବୁ, ନୁକୁଡ଼ିଙ୍ଗ୍‌ବା ଟେବୁଲ୍ ଆଡ଼ଗି ମାନ୍‌ଜି କଡ଼ର୍ ଉଟି ଝିସ୍‌ତି ସକ୍‌ଡ଼ି ଆଟ୍‌କା ଉଣେ ।”

୨୯ ଜିସୁ ଆୟା ଆଇମାଦିଙ୍ଗ୍ ଇର୍‌ଆନ୍, “ନିନ୍‌ ଇୟା ମାଟା ଇର୍‌ଇ ଉଣ୍ଡିଙ୍ଗ୍ ସାଙ୍ଗ୍‌ଆ, ନି ଗାଡ଼ିଦି ମାଣାନ୍ ଦୁବା ସତା ସର୍‌ଆଡ଼ ନି ।”

୩୦ ଆୟା ଆଇମା ଇନ୍‌ଡ୍ରୁ ଡେସି ସଲ୍‌ସି ସୁଡ଼ତୁଡ଼ ଯେ ତାନି ଆଇଲି ଟାଟିଦୁ ତରିତା ମାନାଡ଼ ମାରି ସତେନେ ଦୁବା ଆଇଲି ମାଣ୍‌କୁ ତ୍ରିସ୍‌ତା ସର୍‌ଆଡ଼ ।

ଜିସୁ ଅରେନ୍ ଗୁଲା ମାରି ବଇରା ଲୋକ୍‌ତିଙ୍ଗ୍ ନେଗେଣ୍ଡୁ କିତାନ୍

୩୧ ଆୟାଜେନ୍‌କା ଜିସୁ ସୋର୍ ସାନ୍‌ଦାଣ୍ଡ ଡିସସି ସିଦନ୍ ମାରି ଦେକାପଲି ସାନ୍‌ସି ସିଜି ଗାଲିଲି ସାମ୍‌ଦୁର୍ ପାଡ଼ି ଖାତାନ୍ ।

୩୨ ଏସୋ ଲୋକୁ ଗୁଲା ମାରି ବଇରା ଲୋକତିଙ୍ଗ ଜିସୁ ଲାକଡୁ ତାତାର୍ । ମାରି ଖାନି ମୁସକୁ କିୟ୍ ଇଡ଼ଦେଙ୍ଗ ଜିସୁଙ୍ଗ୍ ଇର୍ହାର୍ ।

୩୩ ଜିସୁ ଆୟା ଲୋକତିଙ୍ଗ ଲୋକା ଗଲିଦାନ୍ ଅଡ଼ପ୍ ଆକ ଅତାନ୍‌ନୋ ଖାନି ରୁଣ୍ଡି ଗିତଣିଆଙ୍ ଖାନି ଡାସକେଙ୍ଗ ମୁଟ୍‌ତାନ୍ ମାରି ପୁସସି ଖାନି ଖେତଲ୍‌ତିଙ୍ଗ ମୁଟ୍‌ତାନ୍,

୩୪ ଆୟାଜେନ୍‌କା ଖାନ୍ ସ୍ୱର୍ଗ ମୁସକୁ ସୁଡ଼ଜି ପୁଣ୍ଡା ଡିସସି ଖାନିଙ୍ଗ୍ ଇର୍ଆନ୍, “ଇପ୍‌ପଥୱ,” ଇରିଙ୍ଗ୍ ଗୁଲାଦି “ଖେୟ୍ ଖାର୍‌ଗିଦେଙ୍ଗ ରାଆ ।”

୩୫ ଆୟା ଦାପ୍ରେ ଖାନ୍ ଗିତଣିଙ୍ଗ୍ ଖେନ୍‌ଡ୍ରେଙ୍ଗ୍ ଆଟ୍‌ତାନ୍ ମାରି ଖାନି ଖେତଲ୍ କୁଡିତାଡ୍ ଆବେଟ୍ ଖାନ୍ ନେଗେନ୍ କିଜି ଖାର୍‌ଗିଦେଙ୍ଗ୍ ଆଟ୍‌ତାନ୍ ।

୩୬ ଇୟା ନେଗେଣ୍ଡ କିତି ମାଟା ଏଙ୍ଗ୍‌ବା ଇନ୍‌ମାଟ୍ ଇଜି ଆଟ୍‌ଖାଦାନ୍ ଜିସୁ ଲୋକାଙ୍ଗ୍ ଇର୍ଆନ୍, ମାତର୍ ଜିସୁ ଏସା ମାନା କିତିଙ୍ଗ୍‌ବା, ଲୋକଡର୍ ନାସାନେ ଖେର୍‌ସି ବୁଲାତାର୍ ।

୩୭ ମାରି, ଖିଜେରେ ଲୋକୁ ନାଣ୍ଡ କାବାଆଜି ଇର୍ହାର୍, “ଖାଣ୍ଡୁ ଖିଜୁ ପାଣି ନେଗ୍ରେଣ୍ଡା କିତାମାନାନ୍; ଖାଣ୍ଡୁ ଖିଜେଇ ଲୋକାଙ୍ଗ୍ ଖେନି ବପୁ ମାରି ଖାର୍‌ଗିଇ ଲୋକାଙ୍ଗ୍ ଖାର୍‌ଗିନି ବପୁ ବା ସିନାନ୍ ।”

୮

ଜିସୁ ନାଲ୍‌ଗି ହାଜାର ଲୋକାଙ୍ଗ୍ ଉର୍‌ପିସକିତାନ୍
(ମାତିଡ ୧୫:୩୨-୩୯)

୧ ଆୟାଖାଲେ ଅର୍‌ଲେନ୍ ମାରିଡେସି ନାଣ୍ଡ ଲୋକୁ ଜିସୁମାନ୍ ଉଣ୍ଡାତାର୍, ନାସ୍ତିଖାଲେ ଖାରିମାନ୍ ଉଣିତିନିକା ସିଲେତାଡ୍ ଆକା ଜିସୁ ଖାନି ସିସୁରିଙ୍ଗ୍ ଲାକଡୁ କୁକ୍‌ତାନ୍‌ନୋ ଖାରିଙ୍ଗ୍ ଇର୍ଆନ୍,

୨ “ଇୟା ଲୋକା ଉଣ୍ଡିଙ୍ଗ୍ ନା ଜିବନ୍ ଦୟା ଆଜିନାଡ୍, ଇରିଙ୍ଗ୍ ଇକାର୍ ମୁନେନ୍ ଆତାଡ୍‌ନି ନାଖାଲେ ମାନାର୍ ମାରି ଖେରିମାନ୍ ଉଣ୍ଡେଙ୍ଗ୍ ଇନିକା ବା ସିଲେଡ୍ ।

୩ ଜଦି ନାନୁ ଖାରିଙ୍ଗ ତାମେ ଇଲ୍‌କାଙ୍ଗ ଉତ୍‌ପିସକିଏଣ୍ଡା ପୋକ୍‌ନା, ନାସ୍ତିଖାଲେ ଖାର ସାର୍‌ଦୁ ସନାରୋ ମେଡ୍‌ନାର୍; ଇରିଙ୍ଗ ଖାରିମାଣାନ୍ ଏସୋ ଲୋକ୍‌କୁ ନାଣ୍ଡ ଆକିଣାନ୍ ଖାତାମାନାର୍ ।”

୪ ସିସୁର୍ ଜିସୁଙ୍ଗ୍ ଇର୍ହାର୍, “ଇୟା ସିମ୍ବା ବାଡିଦୁ ଏନ୍ ଆମାବାଣ୍‌କୁ ରୁଟି ତାସ ଖେରିଙ୍ଗ୍ ପଟାବତ୍ ଉତ୍‌ପିସକିଦେଙ୍ଗ୍ ଆଟ୍‌ନାନ୍ ?”

୫ ଜିସୁ ଖାରିଙ୍ଗ୍ ଖେନ୍‌ବାତାନ୍, ମି ଲାକ୍‌ତୁ ଏସଗୋଟା ରୁଟିଙ୍ଗ୍ ମାନେ ? ଖାର ଇର୍ହାର୍, “ସାଡ୍‌ଗୋଟା ରୁଟିଙ୍ଗ୍ ।”

୬ ଜିସୁ ଲୋକାଙ୍ଗ୍ ବୁମି ମୁସକୁ ବାସ୍‌ତେଙ୍ଗ୍ ଆଦେସ୍ ସିତାନ୍; ମାରି, ଖାଣ୍ଡୁ ଆୟା ସାତଗୋଟା ରୁଟିଙ୍ଗ୍ ଅତାନ୍‌ନୋ ମାପୁରୁଦିଙ୍ଗ୍ ଧନ୍‌ଏବାଦ୍ ସିଜି ରୁଟିଙ୍ଗ୍ ମକା ମକା କିଜି ରୁକ୍‌ସି ବାଟା କିଜି ସିଦେଙ୍ଗ୍ ଖାନି ସିସୁରିଙ୍ଗ୍ ସିତାନ୍ ମାରି ଖାର ଲୋକାଙ୍ଗ୍ ଆୟା ରୁଟିଙ୍ଗ୍ ବାଟାକିଜି ସିତାର୍ ।

୭ ମାରି ଖାରିମାନୁ ଏସୋ ଇସ୍ତି ମିନ୍‌କୁବା ମାର୍‌ହେ; ଜିସୁ ଆୟା ମିନ୍‌କାଙ୍ଗ୍ ମାପୁରୁଦିଙ୍ଗ୍ ଦନ୍‌ଏବାଦ୍ ସିଜି ବାଟା କିଜି ଲୋକାଙ୍ଗ୍ ସିଦେଙ୍ଗ୍ ଇଟ୍‌ଆନ୍ ।

୮ ଷ୍ଟିଜେରେ ତିନ୍‌ଞ୍ଜି ପଟା ପାଜିତାର୍ ମାରି ସାଡ୍‌ଗୋଟା ଡାଡିଦୁ ଏଜିତି ରୁଟି ମକେଙ୍ଗ୍ ଡାଡିଦୁ ବତ୍ କିତାର୍ ।

୯ ଇୟା ଉଟି ଲୋକ୍‌କୁ ନାଲ୍‌ଗି ହାଜାର୍ ମାର୍‌ଆର୍ ।

୧୦ ଆୟାଖେନ୍‌କା ଜିସୁ ଲୋକାଙ୍ଗ୍ ପୋକ୍‌ତାନ୍ ମାରି ଆୟାଦାପ୍ରେ ଖାନି ସିସୁରିଖାଲେ ତଙ୍ଗାଦୁ ଏକ୍‌ତାନ୍‌ନୋ ଦଲ୍‌ମନୁଆ ରାଜିଦୁ ଖାତାନ୍ ।

ପାରୁସିର୍ ଜିସୁମାଣ୍ଡୁକ୍ ସିନା ସୁଡ୍‌ଦେଙ୍ଗ୍ ବଦାକିତାର୍

(ମାତିଡ ୧୨:୩୮-୪୨; ୧୨:୧-୪)

୧୧ ☆ପାରୁସିର୍ ଖାତା ରୋ ଜିସୁଖାଲେ ମାଟାଦିଙ୍ଗ୍ ମାଟା ଆଦେଙ୍ଗ୍ ଆସ୍‌ତାର୍ । ମାରି ଖାର ଖାନିଙ୍ଗ୍ ଉରିଦୁ ଆର୍‌ତେଙ୍ଗ୍ ବଦାକିଜି, ଖାନ୍ ଯେ ମାପୁରୁ ମାଣ୍ଡୁ ଖାତାମାନାନ୍ ଆକା ତର୍‌ତେଙ୍ଗ୍ ବାଦଡ୍‌ତାନ୍ ଉଣ୍ଡି କାବାଆନି ପାଣି ତର୍‌ତେଙ୍ଗ୍ ଇର୍ହାର୍ ।

୧୨ ଜିସୁ ଜିବନ୍‌ତୁ ଦୁକ୍‌ଆଜି ନାଣ୍ଡ ପୁଣ୍ଡା ଡିସ୍‌ସି ଇଟ୍‌ଆନ୍, “ଇନ୍‌ଦାନିଙ୍ଗ୍ ଇୟା ଜୁଗ୍‌ତି ଲୋକ୍‌ତର୍ ସିନା ପଇଜିନାର୍ ? ନାନୁ

ମିଙ୍ଗୁଁ ସତ୍ତ୍ୱେ ଖେରସିନା, ଇୟା ଜୁଗତି ଲୋକତିଙ୍ଗ ଆମା ସିନା ବା ପୁରୁଏତ ।”

୧୩ ୱାନ ୱାରିଙ୍ଗ ଡିସ୍‌ସି ମାରିଡେସି ଡଙ୍ଗାଦୁ ଏକ୍‌ତାନନୋ ସାମ୍‌ଦୁର ଆୟାପାଡି ସରଆନ୍ ।

ହେରୋଦ ମାରି ପାରୁସିର୍ ଶିକ୍ଷା ବିସୟତାନ୍ ଜାଗାର୍‌ତା

(ମାତିଡ ୧୭:୫-୧୨)

୧୪ ଆୟାଞ୍ଜାଲେ ସିସୁର୍ ରୁଟି ଅଡେଙ୍ଗ ବାଣାତା ସରଆର୍; ଡଙ୍ଗାଦୁ ୱାରିମାନୁ କେବଲ୍ ଉନ୍‌ଡେନେ ରୁଟି ମାର୍‌ଆଡ୍ ।

୧୫ *ଜିସୁ ଶିଶୁରିଙ୍ଗ ଆର୍‌ଞ୍ଜା ମାଟା ଇର୍‌ଆନ୍, “ଜାଗାର୍‌ତା ଆଦୁ,” ପାରୁସିର୍ ମାରି ହେରୋଦ୍‌କା ମିର୍ ମାଟାଦାନ୍ ଜାଗାର୍‌ତା ମାନ୍‌ଡୁ, ଆମାକା ଖମାରତି* ୱାଜା ଆନାଡ୍ ।

୧୬ ସିସୁର୍ ଇୟା ବିସୟତୁ ୱାରିଞ୍ଜାରି ଲୋଇ ୱାର୍‌ଗିଜି ସାତାର୍, “ମାବାନ୍ ରୁଟି ସିଲେଡ୍‌ଆକା ୱାନ୍ ଇୟାଞ୍ଜା ଇଜିନାନ୍ ।”

୧୭ ଜିସୁ ଆକା ନେସ୍‌ତାନନୋ ୱାରିଙ୍ଗ ଇର୍‌ଆନ୍, ମି ଲାକ୍‌ଡୁ ରୁଟିଙ୍ଗ ସିଲ୍ଲୁ ଇଜି ଏୟା ୱାର୍‌ଗିଜି ସାଜିନିଦେର୍ ? ମିର୍ ଇୟାସାନ୍ ନେସ୍‌ଜଦେର୍ ନୋ ? କି ବୁଝାଇଦେର୍ ନୋ ? ମି ଜିବନ୍ ନିସାନେ ଆର୍‌ଞ୍ଜା ଆତାମାନାଡ୍ ?

୧୮ *କାଣ୍ଡୁ ମାନ୍‌ବୁ ମାନ୍‌ବୁ ମିର୍ ସୁଡ୍‌ଇଜିନିଦେର୍ ? ମାରି, ଗିତଶିଙ୍ଗ ମାନ୍‌ବୁ ମାନ୍‌ବୁ ୱେନ୍‌ଇଜିନିଦେର୍ ? ମିର୍ ଇନିକା ଅଡ୍‌ବିଦେଙ୍ଗ ଆର୍‌ଇଜିନିଦେର୍ ?

୧୯ ପାସ୍‌ଗୋଟା ରୁଟିଙ୍ଗ ରୁକ୍‌ସି ଏଣ୍ଡେସ୍ ୫,୦୦୦ ହାଜାର୍ ଲୋକାଙ୍ଗ ଡିରପିସ୍‌କିତା ମାର୍‌ହା, ଆୟାନାଣ୍ଡିଙ୍ଗ ଏଜିତି ରୁଟି ମକେଙ୍ଗ ୱିଜୁ ପେର୍‌ଜି ଏସୋ ଗୋଟା ଡାଡିଦୁ ବଡ୍ କିତିମାର୍‌ଇଦେର୍, ଆକା ମିଙ୍ଗୁଁ ଏଡ୍ ସିଲେଡ୍ ? ସିସୁର୍ ୱାନିଙ୍ଗ ୱେର୍‌ଡାର୍, “ବାରଗଟା ଡାଡିଙ୍ଗ ।”

୨୦ ଜିସୁ ମାରି ୱେନ୍‌ବାତାନ୍, “ଏସିଞ୍ଜାଲେ ୪,୦୦୦ ହାଜାର୍ ଲୋକା ଉଣ୍ଡିଙ୍ଗ ସାଡ୍‌ଗୋଟା ରୁଟିଙ୍ଗ ରୁକ୍‌ସି ସିତାମାର୍‌ହା,” ଏଜିତି ରୁଟି

☆ ୮:୧୫ ଲୁକ ୧୨:୧. * ୮:୧୫ ଖମାରତିଙ୍ଗ ଗଦମୁଗୁଣ୍ଡାଦୁ ମିସାକିତିଙ୍ଗ ରୁଟିଦିଙ୍ଗ ନାଣ୍ଡ ଉଦିସ୍ କିନାଡ୍ । ☆ ୮:୧୮ ମାର୍ଚ୍ଚ ୪:୧୨.

ମୁକେଇଁ ପେର୍ଜି ଏସୋ ଗୋଟା ଡାଡ଼ିଦୁ ବର୍ତ୍ତ କିତିମାରଇଦେର୍ ?
ସିସୁର୍ ଇର୍ହାର୍, “ସାଡ଼ଗୋଟା ଡାଡ଼ିଇଁ ।”

୨୧ ଜିସୁ ଖାରିଇଁ ଇର୍ଆନ୍, “ମିର୍ ଇଲେଇବା ବୁଜାଦେଇଁ
ଆର୍ଇଜିନିଦେର୍ ।”

ଜିସୁ ବେଥସାଇଦାଦୁ ଅରେନ୍ କାଣେଇଁ ନେଗେଣୁ କିତାନ୍

୨୨ ଝେନ୍‌କା ଖାରି ବେଥସାଇଦା ନାର୍‌ତୁ ଖାତାର୍ । ଆବେ ଏସୋ
ଲୋକୁ ଅରେନ୍ କାଣା ଲୋକ୍‌ତିଇଁ ଜିସୁ ଲାକ୍‌ତୁ ତାତାର୍ ନୋ ଖାନିଇଁ
ମୁର୍‌ସୋ ନେଗେଣୁ କିଦେଇଁ ଇର୍ହାର୍ ।

୨୩ ଜିସୁ କାଣାଦି କିୟୁ ଆସ୍‌ତାନ୍‌ନୋ ନାର୍‌ତାଣୁ ଆକ ଅତାନ୍, ଆବେ
କାଣାଦି କାଣଗାଦୁ ପୁସ୍‌କାଣାକ୍ ଉସ୍‌ତାନ୍ ନୋ ଖାନି ମୁସ୍‌କୁ କିୟୁ
ଇଡ଼ଜି ଖାନିଇଁ ଝେନ୍‌ବାତାନ୍, “ନିନ୍ ଇନିକା ସୁଡ଼ଜିନି ନୋ ?”

୨୪ ଆୟା ଲୋକୁ ମୁସ୍‌କୁ ବେସ୍‌ସି ଇର୍ଆନ୍, “ହୁଁ ନାନ୍ ଲୋକାକ୍
ସୁଡ଼ଦେଇଁ ଆର୍‌ସିନା, ଇରିଇଁ ନାନ୍ ଲୋକାକ୍ ବୁଲାନି ମାରାକ୍ ଖାଜା
ସାରିବେଡ଼ତି ସୁଡ଼ଜିନା ।”

୨୫ ମାରିଡେସି ଜିସୁ ଖାନି କାଣୁକୁ ମୁସ୍‌କୁ କିୟୁ ଇର୍‌ତାନ୍; ଆବେର୍
ଖାଣୁରୁ ନେଗେଣୁ ସୁଡ଼ଦେଇଁ ଆର୍‌ତାନ୍ ମାରି ନେଗେଣୁ ଆତାନ୍‌ନୋ
ଝିଜୁ ସୁଡ଼ଦେଇଁ ଆର୍‌ତାନ୍ ।

୨୬ ଜିସୁ ଖାନିଇଁ ତାମେ ଇନ୍‌ଡ୍ର ପୋକ୍‌ସି ଇର୍ଆନ୍, “ଇୟା ନାର୍‌ତୁ
ସଲ୍‌ମା, ମାତର୍ ମି ଇନ୍‌ଡ୍ର ସାଲ୍‌ଆ ।”

ପିତର ଜିସୁଙ୍କୁଁ କ୍ରିସ୍ତ ଇଜି ମାନାତାନ୍

(ମାତିଡ ୧୭:୧୩-୨୦; ୯:୧୮-୨୧)

୨୭ ଇୟା ଝେନ୍‌କା ଜିସୁ ମାରି ଖାନି ସିସୁର୍ କାଇସରିୟା ପିଲିପି
ରାଜିଦି ଲାକ୍‌ତୁ ମାନି ନାର୍‌କାକ୍ ୍ସିନିଖାଲେ ସନିସାର୍‌ତୁ ଜିସୁ
ଖାନି ଗିଶ୍‌ରିଇଁ ଝେନ୍‌ବାତାନ୍, “ନାନ୍ ଏନ୍ ଇଜି ଲୋକ୍‌ତର୍ ଇନିକା
ଇଜିନାର୍ ?”

୨୮ ☆ଆବେର୍ ସିସୁର୍ ଇର୍ହାର୍, “ଏସୋ ଲୋକୁ ଇଜିନାର୍ ତୁବନ୍‌ସିନି
ଯୋହନ୍, ମାରି ଏସୋ ଲୋକୁ ଇଜିନାର୍ ନିନ୍ ଏଲିୟୁ, ମାରି ଏର୍ ଏର୍
ଇଜିନାର୍, ନିନ୍ ବାବବାଦିରି ଲୋଇ ଅରେନ୍ ବାବବାଦି ।”

୨୯ ☆ଜିସୁ ଖାରିଙ୍ଗ୍ ଝେନ୍‌ବାତାନ୍, “ନାନ୍ ଏନ୍ ଇଜି ମିର୍ ଇନିକା ଇଜିନିଦେର୍ ?” ପିତର୍ ଝେର୍ତାନ୍, “ନିନ୍ ଆଜିନି ମାପୁରୁତି ପୋକ୍ତିମାନି ରକ୍ଷା କିନି କ୍ରିସ୍ତ ।”

୩୦ ଜିସୁ ଖାରିଙ୍ଗ୍ ଆର୍‌ଝା ମାଟା ଝେର୍ତାନ୍, “ନାନ୍ ଏନ୍ ନା ବିସୟ ଏଙ୍ଗ୍‌ବା ଇନ୍‌ମାର୍ ?”

ଜିସୁ ଖାନି ସାନି ବିସୟ ସିସୁରିଙ୍ଗ୍ ଝେର୍ତାନ୍

(ମାତିଉ ୧୭:୨୧-୨୮; ଲୁକ ୯:୨୨-୨୭)

୩୧ ମାରି ଜିସୁ ସିସୁରିଙ୍ଗ୍ ବୁଜାକିଦେଙ୍ଗ୍ ଆସ୍ତାନ୍, “ନାନ୍ ମନୁଷ୍ୟପୁତ୍ର ନାଣ୍ଟ କାସ୍ତୁ ପଇନା ମାରି ପେରି ନେଡାର୍, ପେରି ଯାଜକର ମାରି ସାସ୍ତାରି ମାଣାନ୍ ଦଣ୍ଟ ପଇଜି ସାଦେଙ୍ଗ୍ ଆନାଡ୍, ମାତର୍ ମୁନେଟି ଝେନ୍‌କା ମାରିଡେସି ଜିବନ୍‌ଆଜି ନିଙ୍ଗ୍‌ନାନ୍ ।”

୩୨ ଜିସୁ ଇୟାଞ୍ଜିରୁ ମାଟା ନେଗେନେକିଜି ସିସୁରିଙ୍ଗ୍ ବୁଜାକିତାନ୍ । ଆବେଟ୍ ପିତର୍ ଜିସୁଙ୍ଗ୍ ଆଇ ବାତିଦୁ କୁକ୍‌ସି ଅତାନ୍‌ନୋ ଖାନିଙ୍ଗ୍ ଇରୁଆନ୍, “ପ୍ରବୁ ଇୟାଞ୍ଜା ମାଟା ଇନ୍‌ମା ।”

୩୩ ମାତର୍ ଜିସୁ ଖାନି ସିସୁରିଙ୍ଗ୍ ସୁଡ୍‌ଜି ପିତର୍‌ତିଙ୍ଗ୍ ଇରୁଆନ୍, “ନା ଲାକ୍‌ତୁରାନ୍ ଆକ ଆଆ, ସୟତାନ୍, ଇରିଙ୍ଗ୍ ନିନ୍ ମାପୁରୁତି ବିସୟ ଅଡ୍‌ବିଏଣ୍ଟା ଲୋକା ବିସୟ ଅଡ୍‌ବିଜିନି ।”

୩୪ ☆ଆୟାଝେନ୍‌କା ଜିସୁ ଖାନି ସିସୁରିଙ୍ଗ୍ ମାରି ଉଣ୍ଡାତିମାର୍‌ଇ ଲୋକାଙ୍ଗ୍ ଲାକ୍‌ତୁ କୁକ୍‌ସି ଇରୁଆନ୍, “ଏନ୍‌ବା ନାଞ୍ଜାଲେ ଖାଦେଙ୍ଗ୍ ବଦା କିନାନ୍,” ଖାଣ୍ଟ ନିଜେ ନାନ୍ ଇନିକା ସିଲେ ଇଜି ଅଡ୍‌ବିପିନ୍, ଖାଣ୍ଟ ନୁା ଉଣ୍ଡିଙ୍ଗ୍ ଦୁକ୍ ମାରି ସାନିକା ବଦା କିଜି ଖାଲେ ଖାଲେ ରାପିନ୍ ।

୩୫ ଏନ୍‌ବା ନିଜେଦି ଜିବନ୍‌ତିଙ୍ଗ୍ ରକିୟା କିଦେଙ୍ଗ୍ ବଦା କିନାନ୍, ଖାଣ୍ଟ ଖାନି ଜିବନ୍ ଆରା କିନାନ୍; ମାତର୍ ଏନ୍ ନା ଉଣ୍ଡିଙ୍ଗ୍ ମାରି ଇୟା ସୁସମାରାର ଉଣ୍ଡିଙ୍ଗ୍ ନିଜେଦି ଜିବନ୍ ସିନାନ୍, ଖାଣ୍ଟ ଖାନି ଜିବନ୍ ରକିୟା କିନାନ୍ ।

୩୬ ମାରି, ଜଦି ଅରେନ୍ ଲୋକୁ ସାରାଦୁନିଆଦିଙ୍ଗ୍ ଜିଣାଜି ଖାନି ଜିବନ୍ ଆରା କିନାନ୍, ଲୋକୁ ଖାନି ଇନିକା ଲାଡ୍ ଆନାଡ୍ ?

୩୭ ମାରି, ଲୋକୁ ଖାନି ଜିବନ୍ତିଙ୍କ ଡେସି ପଇଦେଙ୍କ, ଇନିକା ସିଦେଙ୍କ ଆଟ୍‌ନାନ ?

୩୮ ଜଦି ଏନ୍‌ବା ନା ଉଣ୍ଡିଙ୍କ ନା ସୁସମାଚାର୍ ଉଣ୍ଡିଙ୍କ ଇୟା ଦୁନିଆଦି ଦାରିପାଣିକିନି ଲୋକାମାଣାନ୍ ମାରି ପାପି ଲୋକ୍‌ତି ଲାକ୍‌ତୁ ନା ବାକ୍ୟ ବିସୟତାନ୍ ସେମାର୍ ଆନାନ୍, ମନୁଷ୍ୟପୁତ୍ର ଏସ୍ତ୍ରାଲେ ପବିତ୍ର ଦୁତକାଞ୍ଜାଲେ ଖାନି ବୁବାସିଦି ମହିମାଦାନ୍ ମାରିଡେସି ଖାନାନ୍, ଆୟାଞ୍ଜାଲେ ଖାନ୍‌ବା ଆୟା ବିସୟତାନ୍ ସେମାର୍ କିନାନ୍ ।



୯ ମାରିଡେସି ଜିସୁ ଖାରିଙ୍କ ଖେରତାନ୍, “ନାନ୍ ମିଙ୍ଗ୍ ସଡ଼ ଇଜିନା, ମାପୁରୁଦି ରାଜିଦୁ ସାଲ୍‌ଦାନ୍ ମାନିବାଡି ସୁଡ଼ଇ ସାନ୍ ଇବେନ୍‌ ନିନି ମାନି ଲୋକା ମାଣ୍‌କୁ ଏସୋ ଲୋକୁ ଏଣ୍ଡେସ୍ କିଜିବା ସାନିକା ଖେଡ଼ଏର୍ ।”

ଜିସୁଦି ରୁପ୍ ବାଦଲାତାଡ଼

(ମାଡିଡ ୧୭:୧-୧୩; ଲୁକ ୯:୨୮-୩୭)

୨ ✠ ଛଦିନ୍ ଖେନକା ଜିସୁ କେବଲ୍ ପିତର, ଜାକୁବ ନି ଯୋହନତିଙ୍କ ଅରସେ ଆସ୍‌ସି ମିସାଜି ଖାରିଙ୍କ ଉଣ୍ଡି ପେରି ଗରନ୍‌ତୁ ଅତାନ୍ ।

୩ ମାରି ଜିସୁ ଖାରିଙ୍କ ସୁଡ଼ୁ ସୁଡ଼ୁ ଖାନି ମୁର୍ତି ବାଦଲାତାଡ଼, ଖାନି ଆଙ୍ଗ୍ ଇୟାଞ୍ଜା ଜାୟ ନି ପୁରା ଅଡିନିକା ଆତାଡ଼ ଯେ, ଦୁନିଆତି ଏମେ ନରବାନି ଲୋକ୍‌ବା ଇୟାଞ୍ଜା ଅଡିନିକା କିଦେଙ୍କ ଆଟ୍‌ଏନ୍ ।

୪ ମାରି, ମୋଶା ନି ଏଲିୟା ଜିସୁଞ୍ଜାଲେ ଖାର୍‌ଗିଜି ମାର୍‌ରିକା ଖାରିଙ୍କ ତରାତାଡ଼ ।

୫ ଆବେନ୍‌ ପିତର ଜିସୁଙ୍କୁ ଇର୍ହାନ୍, “ଏ ଗୁରୁ, ମାପ୍ ଜେ ଇୟା ବାଡିଦୁ ଏସୋ ନେଗେନ୍‌ତାନ୍ ମାନାପ୍, ମାପୁ ମୁଣ୍ଡି ଗୁଡେଏଙ୍ଗ୍ ତିଆର୍ କିନାପ୍, ନି ଉଣ୍ଡିଙ୍କ ଉନ୍‌ଡି, ମୋସାଦି ଉଣ୍ଡିଙ୍କ ଉନ୍‌ଡି ମାରି ଏଲିୟାଦି ଉଣ୍ଡିଙ୍କ ଉନ୍‌ଡି ।”

୬ ପିତର ଇନି ଉତର୍ ସିଦେଙ୍କ ଇଜି ନେସ୍‌ଏନ୍ ମାରାନ୍, ଆବେଟ୍ ସିସୁର୍ ନାଣ୍ଡ ତିଲାତା ସର୍‌ଆର୍ ।

✠ ୯:୭ ୨ ପିତର ୧:୧୭,୧୮.

୭ ☆ମାରି, ଖାଣ୍ଡେକ୍ ବାଦଡ଼ ଇମ୍ବି ଖାତା ଦୋ ଖାରିଙ୍ଗ୍ ବାଦଡ଼ତି ନିଡ଼ଗା ପିଡ଼ିକ୍ତାତ୍; ମାରି ଆୟା ବାଦଡ଼ତାନ୍ ଉଣ୍ଡି ବଲ୍ ଖାତାତ୍, “ଏ ନା ଲାଡ଼ତି ମାରିନ୍, ଖାନି ବାକ୍ୟ ଖେନ୍ତୁ ।”

୮ ମାରି, ଉଲୁସ୍ତେ ସିସୁର୍ ସାରିବେଡ଼ତି ସୁଡ଼ତୁର ଖାରି ତଡ଼କାଖାଲେ ଲୋକା ଲୋଇରାନ୍ କେବଲ୍ ଜିସୁଙ୍ଗ୍ ଡିସ୍ତିଙ୍ଗ୍ ମାରି ଏଙ୍ଗ୍ବା ସୁଡ଼ସୁତାର ।

୯ ଖାର ଗରନ୍ତାନ୍ ରେତାଜି ଖାନିଖାଲେ ଜିସୁ ସିସୁରିଙ୍ଗ୍ ଆବ୍‌ଖା ମାଟା ସିଜି ଖେରତାନ୍, “ମିର୍ ଆମାକା ଆମାକା ସୁଡ଼ତିଦେର୍, ଆୟାଞ୍ଜିକୁ ସାତି ଲୋକାମାଣ୍ଡକୁ ନାନ୍ ଯେ ମନୁଷ୍ୟପୁତ୍ରଦି ମାରିଡେସି ଜିବନ୍ ଆନି ସାନ୍ଦି ଆୟାମାଟା ଏଙ୍ଗ୍ବା ଇନ୍‌ମାଟ୍ ।”

୧୦ ଆବେଟ୍ ଖାର ଆୟା ମାଟା ଆସ୍ତାରୋ ସାଜ ମାରିଡେସି ଜିବନ୍‌ଆଜି ନିଂଇକା ଇନିକା, ଆୟା ବିସୟତାନ୍ ଖାରି ଖାରି ଲଅ ଖାରଗିତାର ।

୧୧ ☆ମାରି, ସିସୁର୍ ଜିସୁଙ୍ଗ୍ ଖେନ୍‌ବାତାର, “ଏଲିୟ ଆଗଡ଼ି ଖାନିକା ମାନାଡ଼ ଇଜି, ଶାସ୍ତ୍ରାର ଏନ୍ଦା ଇନାର ?”

୧୨ ଆବେନ୍ତୁ ଜିସୁ ସିସୁରିଙ୍ଗ୍ ଖେରତାନ୍, ଏଲିୟ ଆଗଡ଼ି ଖାନାନ୍‌ନୋ ଞ୍ଜିକୁ ବିସୟ ମାରିଡେସି ତିଆର୍ କିନିକା ସତେନେ । ମାତର୍ ନାନ୍ ଯେ ମନୁଷ୍ୟପୁତ୍ର ନାଣ୍ଡ ଦୁଃକ୍ ବୋଗାଜି ନିନ୍ଦା ପଇନା ମାରି ସେମାର୍ ପୟନା, ଇୟାକା ଏଣ୍ଡେସ୍ ଖାନି ବିସୟତାନ୍ ରାସ୍ତିକା ମାନାଡ଼ ?

୧୩ ମାତର୍ ନାନ୍ ମିଙ୍ଗ୍ ଇଜିନା, “ଏଲିୟ ଖାତାଡ଼ିନି, ମାରି ଖାନି ବିସୟତୁ ଏଣ୍ଡେସ୍ ରାସାତା ମାନାଡ଼, ଆୟାଖାଜା ଖାରୁ ଖାନି ଉଣ୍ଡିଙ୍ଗ୍ ଆମାକା ବଦା ଆୟାକା କିତାମାନାର୍ ।”

ଜିସୁ ଅରେନ୍ ଦୁବାକାସ୍ତି କଡ଼ଦିଙ୍ଗ୍ ନେଗେଣ୍ଡ କିତାନ୍

(ମାତିଉ ୧୭:୧୪-୨୦; ଲୁକ ୯:୩୭-୪୩)

୧୪ ଖେନ୍‌କା ଖାର ଆଇ ସିସୁରି ଲାକ୍ତୁ ଖାତା ରୋ ସୁଡ଼ତୁର, ଖାରି ସାରିବେଡ଼ତି ନାଣ୍ଡ ଲୋକ୍ ଉଣ୍ଡାତାର, ମାରି ଶାସ୍ତ୍ରାର ଖାରିଖାଲେ ମାଟାଦିଙ୍ଗ୍‌ମାଟା ଆନିକା ସୁଡ଼ତୁର ।

୧୫ ଲୋକତର ଜିସୁଙ୍କୁ ଉଲ୍ଲସେ ସୁତ୍ତି ଦାପ୍ତେ ବେମ୍ବି ଆତା ସର୍ଆର ମାରି ଉରୁକ୍ସି ଖାଜି ଜିସୁଙ୍କୁ ମାଡ଼ିସକିଦେଙ୍କ ଆସତାର ।

୧୬ ଜିସୁ ଖାନି ସିସୁରିଙ୍କୁ ଖେନ୍ଦବାତାନ, “ମିର୍ ଶାସ୍ତ୍ରାରି ଖାଲେ ଜନିକା ମାଟାଦିଙ୍କମାଟା ଆଜି ସାଜି ମାର୍ଜଇଦେର୍ ?”

୧୭ ଲୋକାମାଣକୁ ଅରେନ୍ ଜିସୁଙ୍କୁ ଉତର ସିତାନ, “ଏ ଗୁରୁ, ନାନ ନା ମାରିନତିଙ୍କ ନି ଲାକ୍ତୁ ତାତାମାରହା; ଖାନିଙ୍କୁ ଉଣ୍ଡି ଗୁଲ୍ଲାଦୁବା ଆସ୍ତାମାନାତ୍;

୧୮ ଆମା ବାତିଦୁ ଆପିତ ଦୁବା ଖାନିଙ୍କୁ ଆସ୍ତନାତ୍, ଖାନିଙ୍କୁ ଆଡ଼ରି ଆର୍ପନାତ୍, ଖାନି ମକ୍ମତାନ ପେପଲ୍ ସନାତ୍ ମାରି ଖାଣ୍ଡୁ ପାଲ୍ଲକୁ କାତେକିନାନ, ମାରି ଖାଡୁ ଖାରସି ସଲ୍ଲସିନାନ; ଆୟା ଦୁବା ପେରଦେଙ୍କ ଉଣ୍ଡିଙ୍କୁ ନାନ ନି ସିସୁରିଙ୍କୁ ଖେରତା, ମାତର ନି ସିସୁର ଦୁବା ପେରଦେଙ୍କ ଆର୍ଏତାର ।”

୧୯ ଜିସୁ ଖାନିଙ୍କୁ ଇର୍ହାନ, “ଏ ଅବିସ୍ବାସତି କୁଟୁମ୍ ! ଏସୋଦିନ୍ ନାନ ମି ଖାଲେ ମାନା ? ଏସୋଦିନ୍ ନାନ ମି ପାଣି କିଜିମାନା ? ମାରିନତିଙ୍କ ନା ଲାକ୍ତୁ ଆସ୍ତସି ରାଦୁ ।”

୨୦ ଆବେଟ୍ ଖାର ଖାନିଙ୍କୁ ଜିସୁ ଲାକ୍ତୁ ତାତାର । ମାରି, ଜିସୁଙ୍କୁ ସୁତ୍ତିଦାପ୍ତେ ଦୁବା ଆୟା କଡ଼ଦିଙ୍କ ବୟ୍ଲାରତାନ ତିର୍ପସି ଆସ୍ତତାତ୍ ମାରି କଡ଼ ବୁମିଦୁ ଆର୍ଜି ଖେୟୁତାନ ପେପଲ୍ ସପସି ଗୁରଦେଙ୍କ ଆସ୍ତାନ ।

୨୧ ନାସିଖାଲେ ଜିସୁ କଡ଼ଦି ବୁବାସିଙ୍କୁ ଖେନ୍ଦବାତାନ, ଏସୋ ଦିନ୍ ଆତାତ୍ ଇୟାକା ଇୟାଖାଜା ଆତାମାନାତ୍ ? ଖାଣ୍ଡୁ ଖେରତାନ, “ଇସ୍ପିରି ଖାଲେରାନେ ।”

୨୨ “ଦୁବା ଖାନିଙ୍କୁ ଡେଇଦେଙ୍କ ଏସଦେବା ସିସୁ ନି ଏରଡୁ ପୋକ୍ତାମାରଆତ୍; ମାତରୁ ନିନ୍ ଜଦି କିଦେଙ୍କ ଆର୍ନି, ଆତିଙ୍କ ମା ଉଣ୍ଡିଙ୍କ ଦୟା କିଜି ମାଙ୍କ ସାହାଜ୍ୟ କିଆ ।”

୨୩ ଆବେଟ୍ ଜିସୁ ଖାନିଙ୍କୁ ଖେରତାନ, “ଜନିକା ଇର୍ଇ ? ଜଦି କିଦେଙ୍କ ଆର୍ନି ! ଏନ୍ ବିସ୍ବାସ କିନାନ ଖାନି ଉଣ୍ଡିଙ୍କୁ ଖିଜୁ ଆନାତ୍ ।”

୨୪ ଆୟାଦାପ୍ତେ କଡ଼ଦି ବୁବାସି ନାଣ୍ଡ ଆଉଲି ଆଜି ଇର୍ଆନ୍, “ନାନ ବିସ୍ବାସ କିଜିନା, ନା ବିସ୍ବାସ ନାଣ୍ଡ କିଦେଙ୍କ ନାଈ ସାହାଜ୍ୟ କିଆ ।”

୨୫ ତାନେଝେନ୍‌କା ଲୋକ୍‌ତର ଅରସେ ଉରୁକ୍‌ସି ଖାଜିନାର ଇକା ସୁତୁତାନନୋ ଜିସୁ ଆୟା ଦୁବାଦିଙ୍ଗ ଆଦରିସି ଇରୁଆନ୍, “ଏ ଗୁଲା ନି ବଇରା ଆମ୍ବା,” ନାନ୍ ନିଂଇ ଆଦେସ୍ ସିଜିନା, “ଇୟା କଡ଼ଦି ମାଣ୍‌କୁ ସହସି ସାଙ୍ଗ୍, ମାରି ଏସାଙ୍ଗ୍‌ବା ଖାନି ଲୋଇ ତୁରୁମା ।”

୨୬ ଆବେଟ୍ ଆୟା ଦୁବା ଆଉଲି ଆଜି କଡ଼ଦିଙ୍ଗ୍ ଆଡ଼ଗି ପେରଜି ପୋକ୍‌ସି ଖାନି ମେନ୍‌ଲ୍ ଲୋଇରାନ୍ ସତା ସର୍‌ଆଡ଼, ମାରି ଆୟା କଡ଼ ସାଡ଼ିଝାଜା ଆତାନ୍, ଇୟାଝାଜାକି ଏସୋ ଲୋକ୍‌ତର ଇର୍ହାର୍, “ଝାଣ୍‌ରୁ ସାତାନ୍ ।”

୨୭ ମାତର ଜିସୁ ଖାନି କିୟୁ ଆସ୍‌ତାନନୋ କଡ଼ଦିଙ୍ଗ୍ ନିକ୍‌ତାନ୍, ମାରି ଝାଣ୍‌ ନୁଙ୍ଗ୍‌ତାନ୍ ।

୨୮ ମାରି, ଜିସୁ ଇଲୁ ଲୋଇ ଝାତାନ୍, ଖାନି ସିସୁରି ଜିସୁଙ୍ଗ୍ ଏନ୍ ନେସେଇ ଝାଜା ଝେନ୍‌ବାତାର୍, “ମାପ୍ ଇନ୍‌ଦାନିଙ୍ଗ୍ ଆୟା ଦୁବାଦିଙ୍ଗ୍ ପେରଦେଙ୍ଗ୍ ଆଟ୍‌ଏତାପ୍ ?”

୨୯ ଜିସୁ ସିସୁରିଙ୍ଗ୍ ଝେରତାନ୍, “ଇୟାଝାଜା ଦୁବା ଆବ୍‌କା ପାର୍‌ତାନା ଶିକ୍ତିଦାଣ୍ଡ ପେରଦେଙ୍ଗ୍ ଆଟ୍‌ତେଙ୍ଗ୍ ଆନାଡ଼, ମାରି ଆଇ ଉପାୟ ସାରି ସିଲେଡ଼ ।”

ଜିସୁ ମାରିଡେସି ଖାନି ସାନି ବିସୟ ଇରୁଆନ୍

(ମାତିଉ ୧୭:୨୨-୨୩; ଲୁକ ୯:୪୩-୪୫)

୩୦ ଜିସୁ ନି ଖାନି ସିସୁର ଆୟା ବାଡ଼ି ଡିସ୍‌ସି ଗାଲିଲି ରାଜି ସାନ୍‌ସିଜି ସରଆର୍ । ମାରି ଏମେ ବାଡ଼ିଦୁ ମାନାନ୍ ଏନ୍‌ବା ନେସ୍‌ମାପିର୍ ଇଜି ଝାଣ୍‌ ନୁଦାକିଜିମାରୁଆନ୍,

୩୧ ମାତର ଖାନ୍ ଖାନି ସିସୁରିଙ୍ଗ୍ ଇୟା ମାଟା ସିଜି ଶିକ୍ଷା ସିତାନ୍ । ମାରି ଖାନ୍ ଇରୁଆନ୍, “ନାନ୍ ଯେ ମନୁସ୍ୟପୁତ୍ର ଲୋକା କିୟୁଦୁ ସର୍ପେ ଆଦେଙ୍ଗ୍ ସଲ୍‌ସିନାନ୍, ମାରି ଝାରୁ ନାଂଇ ତାକ୍‌ନାର୍, ମାରି ନାନୁ ସାନା ମାତର ନାନୁ ମୁନେଟି ଝେନ୍‌କା ମାରିଡେସି ଜିବନ୍‌ଆଜି ନିଙ୍ଗ୍‌ନା ।”

୩୨ ମାତର ସିସୁର ଆୟା ମାଟା ବୁଝାଏତାର୍ ମାରି ଖାନିଙ୍ଗ୍ ଝେନ୍‌ବାଦେଙ୍ଗ୍ ତିଲାଜି ମାରୁଆର୍ ।

ଜିସୁ ଇନାନ୍ ଖିଜେରିଙ୍ଗ୍ ପେରିକାନ୍ ଏନ୍

(ମାତିଉ ୧୮:୧-୫; ଲୁକ ୯:୪୬-୪୮)

୩୩ ଖେନକା ଜିସୁ ନି ଖାନି ସିସୁର କପରନାହୁମ୍ ନାରତୁ ଖାତାର । ଖାନ ଇନ୍ଦ୍ର ଇତାନନୋ ସିସୁରିଙ୍ଗ୍ ଖେନ୍ବାତାନ, “ମିର୍ ସାରତୁ ଖାନିଖାଲେ ଇନି ବିସୟତାନ ଖାରଗିଜିସାଜି ମାର୍ଇଦେର୍ ?”

୩୪ ☆ମାତର୍ ସିସୁର ଆଲେତା ମାର୍ଆର୍, ଇରିଙ୍ଗ୍ ଖାରି ଲୋଇ ଏନ୍ ପେରିକାନ୍, ଇୟା ବିସୟତୁ ଖାର ସାରିଦୁ ଲୋଇ ଲୋଇ ଖାରଗିଜି ସାଜି ମାର୍ଆର୍ ।

୩୫ ☆ଆବେନ୍ ଜିସୁ ବାସ୍ତାନନୋ ବାର ଲୋକୁ ସିସୁରିଙ୍ଗ୍ କୁକ୍ତାନ ମାରି ଖାରିଙ୍ଗ୍ ଇରଥାନ, “ଜଦି ଏନ୍ ପେରିକାନ୍ ଆଦେଙ୍ଗ୍ ବଦା କିନାନ୍, ଖାଣ୍ଡୁ ଖିଜେରେ ମାଣ୍ଡୁ ନିଜେଦିଙ୍ଗ୍ ନିସ୍ରିକା ଆପିନ୍ ମାରି ଖିଜେରି ସେବାକିନିକାନ୍ ଆପିନ୍ ।”

୩୬ ମାରି, ଜିସୁ ଉଣ୍ଡି ଇସି କଡ଼ଦିଙ୍ଗ୍ ତାତାନନୋ ଖିଜେରି ଆଗଡ଼ି ନିଲ୍ପତାନ ମାରି ଖାନିଙ୍ଗ୍ ଗାତୁ ବାସା କିଜି ଖାରିଙ୍ଗ୍ ଇରଥାନ,

୩୭ ☆“ଏନ୍ବା ନା ଦରତୁ ଇୟାଖାଜା ଇସି କଡ଼ରିଙ୍ଗ୍ ମାଣ୍ଡୁ ଅରେନ୍ ଖାନିଙ୍ଗ୍ ମାନାନାର୍, ଖାଣ୍ଡୁ ନୁଂଇ ମାନାନାର୍; ମାରି, ଏନ୍ବା ନୁଂଇ ମାନାନାର୍, ଖାଣ୍ଡୁ ନୁଂଇ ଲାଡ଼ କିଏନ୍, ମାତର୍ ନା ପୋକ୍ତିମାନି ମାଲିକ୍ତିଙ୍ଗ୍ ମାନାନାର୍ ।”

ଏନ୍ ମାଙ୍ଗ୍ ବିରଦ୍ କିଏନ୍, ଖାନ ମା ତରିନ୍
(ଲୁକ ୯:୪୯-୫୦)

୩୮ ଯୋହନ ଜିସୁଙ୍ଗ୍ ଇରଥାନ, “ଏ ଗୁରୁ, ମା ଦଲ୍ଲତୁ ସିଲି ଲୋକ୍ତିଙ୍ଗ୍ ନି ଦରତାନ ଦୁବା ପେରନିକା ସୁଡ଼ତ୍ତାପ, ମାରି ଖାଣ୍ଡୁ ନୁଂ ଦଲ୍ଲତୁ ସିଲେନ୍ ଇଜି ମାପ୍ ଖାନିଙ୍ଗ୍ ମନା କିତାପ୍ ।”

୩୯ ମାତର୍ ଜିସୁ ଇରଥାନ, “ଖାନିଙ୍ଗ୍ ମନା କିମାର୍,” ମାତର୍ ନା ଦରତି ସାକ୍ତିଦାନ ପାଣି କିନାନ୍ ଖାଣ୍ଡୁ ନୁଂପେ ଦାପେ ନା ବିରଦ୍ତାନ ଇନିକା ଇନ୍ଦ୍ରେଙ୍ଗ୍ ଆର୍ଏନ୍, ଇୟାଖାଜା ଲୋକୁ ଏନ୍ ସିଲେନ୍ ।

୪୦ ☆ମାତର୍ ଏନ୍ ମା ବିରଦ୍ ମାଟା ଇନ୍ଏନ୍, ଖାଣ୍ଡୁ ନୁଂ ନିଜେତି ଲୋକୁ ।

☆ ୯:୩୪ ଲୁକ ୨୨:୨୪. ☆ ୯:୩୫ ମାତିଉ ୨୦:୨୭,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୭. ☆ ୯:୩୬ ମାତିଉ ୧୦:୪୦; ଲୁକ ୧୦:୧୭; ଜୋହନ ୧୩:୨୦. ☆ ୯:୪୦ ମାତିଉ ୧୨:୩୦; ଲୁକ ୧୧:୨୩.

୪୧ ☆ନାନ ମିଙ୍ଗ ସତ୍ତ୍ୱ ଇଜିନା, ମିର୍ କ୍ରସ୍ତଦି ଲୋକୁ ଆତିମାନି ଉଣ୍ଡିଙ୍ଗ, ଏନ୍‌ବା ନା ଉଣ୍ଡିଙ୍ଗ ଗିଲାସ୍ ଏର୍ ଉଣ୍ଡେଙ୍ଗ ସିନାନ୍, ଝାନ୍ ଏଣ୍ଡେସ୍ କିଜିବା ନିଜେଦି ପୁରସ୍କାର୍ ପଇନିକା ଆରାଏନ୍ ।

ଆଇ ଲୋକାଙ୍ଗ ପାପ୍ କିବିସକିଇ ବିସୟତାନ୍ ଶିକ୍ଷା ସିତାନ୍
(ମାତିଉ ୧୮:୭-୯; ଲୁକ ୧୭:୧-୨)

୪୨ ଜିସୁ ମାରି ଇରଥାନ୍, ଏମେ ଲୋକୁ ନା ଲାକ୍ତୁ ବିସବାସ୍ କିଜିମାନି ଇସ୍ରି ଲୋକ୍ତି ମାଣ୍ଡୁ ଅରେନ୍ ଝାନିଦି ବିସବାସ୍ତୁ ବାଧା ସିନିକାନ୍‌ଆନାନ୍, ଝାନି କକ୍‌ଲାଦୁ ଉଣ୍ଡି ପେରି ଗୁଡ୍‌ବୁଲି କାଲୁ ତରସି ଝାନିଙ୍ଗ୍ ସାମ୍‌ଦୁର୍‌ତୁ ପୋକ୍ତିଙ୍ଗ୍ ନେଗେଣ୍ଡୁ ଆତାଡ୍‌ମାନ୍ ।

୪୩ ☆ମାରି, ଜଦି ମି ଉଣ୍ଡି କିୟୁ ମିଙ୍ଗ ପାପ୍ତି ପାଣି କିବିସକିଜିମାନାଡ୍, ଆଦେଙ୍ଗ୍ ଆୟା କିୟୁଦିଙ୍ଗ୍ କୟଜ ପୋକ୍ତୁ; ଇରିଙ୍ଗ୍ ରୁଣ୍ଡି କିକୁ ଅସ ନରକଦୁ, ଝିଜୁଦିନ୍ ସିସ୍କାସ୍‌ସି ମାନି ନର୍କ୍‌ଦୁ ସନି ବାଦ୍‌ଲୁ ଗୁଲା ଆଜି ଜିବନ୍ ଆସ୍‌ସି ମୁସ୍କୁପୁରତୁ ସନିକା ମି ଉଣ୍ଡିଙ୍ଗ୍ ନେଗେଡ୍ ।

୪୪ ଇରିଙ୍ଗ୍ ନର୍କ୍‌ଦୁ ଝାରିଙ୍ଗ୍ ଏମେ ପିଡ୍‌କୁ ତିନେ ଆକେଙ୍ଗ୍ ଏସାଙ୍ଗ୍‌ବା ସାଉ, ମାରି ଆୟା ସିସୁ ଏସ୍‌ସାଙ୍ଗ୍‌ବା ନାମ୍‌ଏଡ୍ । *

୪୫ ମାରି, ମି ପାଦାମ୍ ଉଣ୍ଡିଙ୍ଗ୍ ମି ବିସବାସ୍ ନାଷ୍ଟୁ ଆନାଡ୍, ଆଦେଙ୍ଗ୍ ଆୟା ପାଦାମ୍‌କାଙ୍ଗ୍ କୟଜ ପୋକ୍ତୁ, ରୁଣ୍ଡି ପାଦାମ୍‌କାଙ୍ଗ୍ ଅରସେ ନରକଦୁ ସନି ବାଦ୍‌ଲୁ ସଟା ଆଜି ଜିବନ୍ ଅସି ମୁସ୍କୁପୁରତୁ ସନିକା ନେଗେଡ୍ ।

୪୬ ଇରିଙ୍ଗ୍ ନର୍କ୍‌ଦୁ ଝାରିଙ୍ଗ୍ ଏମେ ପିଡ୍‌କୁ ତିନେ ଆକେଙ୍ଗ୍ ଏସାଙ୍ଗ୍‌ବା ସାଉ, ମାରି ଆୟା ସିସୁ ଏସ୍‌କାଙ୍ଗ୍‌ବା ନାମ୍‌ଏଡ୍ । †

୪୭ ☆ମାରି, ମି କାଣ୍‌ଗା ଉଣ୍ଡିଙ୍ଗ୍ ଜଦି ମି ବିସବାସ୍ ନାଷ୍ଟୁ ଆଜିନାଡ୍, ଆଦେଙ୍ଗ୍ ଆୟା କାଣ୍‌ଗାଦିଙ୍ଗ୍ ଉୟଜ ପୋକ୍ତୁ; ରୁଣ୍ଡି କାଣ୍‌କୁ ଅସ ନରକଦୁ ପୋକ୍ତିନି ବାଦ୍‌ଲୁ ଉଣ୍ଡି କାଣ୍‌ଗା ମାନ୍‌ଜି ମାପୁରୁଦି ପୁରତୁ ସନିକା ମିଙ୍ଗ୍ ନେଗେଡ୍ ।

☆ ୯:୪୧ ମାତିଉ ୧୦:୪୨. ☆ ୯:୪୩ ମାତିଉ ୫:୩୦. * ୯:୪୪ ଏସ ପାଡିଇ ରାସ୍‌ତିମାନ୍ ସିଲେଡ୍ । † ୯:୪୬ ଏସ ପାଡିଇ ରାସ୍‌ତିମାନ୍ ସିଲେଡ୍ । ☆ ୯:୪୭ ମାତିଉ ୫:୨୯.

୪୮ ଇରିଙ୍ଗ ନର୍କଦୁ ଖାରିଙ୍ଗ ଏମେ ପିଡ଼କୁ ତିନେ ଏସାଙ୍ଗବା ସାଉ ।
ମାରି, ଆୟା ସିସୁ ଏସକାଙ୍ଗବା ନାମଏଡ଼ ।

୪୯ ପୁଜାସିନି ସରତାନ୍ ନରନି ଖାଜା ଝିଜେରେ ସିସୁଦାନ୍ ନରାଇ
ଆନାର୍ ।

୫୦ ☆ସରୁ ଉଣ୍ଡି ନେଗ୍ରି ଜିନିସ୍, ମାତର୍ ସର୍ ଜଦି କାର୍ଯ୍ୟା ଆନିକା
ଗୁଣ୍ଡୁ ଆରାକିନାଡ଼, ତାନେଙ୍ଗ ମାରିଡେସି ଏଣ୍ଡେସ୍ କାରିୟା କିଦେଙ୍ଗ
ଆର୍ନିଦେର୍ ? “ଆଦେଙ୍ଗ ମିର୍ ସର୍ ଖାଜା ନେଗି ଗୁଣ୍ଡୁ ଆସତୁ ମାରି
ଝିଜେରି ଖାଲେ ସାନ୍ତିଦାଣ୍ଡୁ ମାନ୍ତୁ ।”

୧୦

ମେମାରି ଆଇମା ଡିସ୍ନି ବିସୟତାନ୍ ଶିକ୍ଷା

(ମାତିଉ ୧୯:୧-୧୨; ଲୁକ ୧୭:୧୮)

୧ ଜିସୁ ଆୟା ବାଡିଦାଣ୍ଡୁ ସର୍ଆନ୍ ନୋ ଜିହୁଦା ଇତିରାଜିଦୁ
ସର୍ଆନ୍ ମାରି ଜର୍ଦନ ଗାତା ନାଆଜି ଖାତାନ୍; ମାରି ନାଣ୍ଡ ଲୋକୁ
ମାରିଡେସି ଜିସୁ ଲାକତୁ ଉଣ୍ଡାତାର୍, ଜିସୁ ଆଗ୍ଡିରି ଖାଜାନେ ଖାରିଙ୍ଗ
ସିକ୍ଷା ସିଦେଙ୍ଗ ଆସତାନ୍ ।

୨ ଏସୋ ଲୋକୁ ପାରୁସିର୍ ଜିସୁ ଲାକତୁ ଖାଜି ଖାନିଙ୍ଗ ପରିକା କିଜି
ଝେନ୍‌ବାତାର୍, “ନିଜେଦି ଆଡିଦିଙ୍ଗ ଡିସ୍‌ତେଙ୍ଗ ଇନିକା ମେମାରି
ତରଟାନ୍ ମା ନିୟମ୍ ମାନାଡ଼ ନୋ ?”

୩ ଜିସୁ ଖାରିଙ୍ଗ ଉତର୍ ସିତାନ୍, “ମୋସା ମିଙ୍ଗ ଇନି ମାଟା
ଝେର୍‌ତା ମାନାନ୍ ?”

୪ ☆ଖାର୍ ଝେର୍‌ତାର୍, “ଡିସ୍ନି ଆକୁ ରାସ୍‌ସି ଆଇମାଦିଙ୍ଗ
ଡିସ୍‌ତେଙ୍ଗ ମୋସା, ଝେର୍‌ତା ମାନାନ୍ ।”

୫ ଜିସୁ ଖାରିଙ୍ଗ ଇର୍ହାନ୍, “ମି ଜିବନ୍‌ଡି ଆଟୁଝାଦିଙ୍ଗ ସୁଡ଼ଜି ମୋସା
ମିଙ୍ଗ ଇୟାଖାଜା ବିଦି ରାସ୍ତା ଇଟ୍‌ତା ମାନାନ୍ ।

୬ ମାତର୍ ଏଣ୍ଡେସ୍ ସାସ୍ତ୍ର ଇନାଡ଼, ଆୟାଖାଜା ତିଆର୍ ଆନି
ଆଗ୍ଡିରାନ୍ ମାପୁରୁ ଖାରିଙ୍ଗ ମେମାରି ନି ଆଇମା କିଜି ତିଆର୍ କିତାନ୍
।

୭ ଆଦେଈ ଅରେନ୍ ଇୟାଉଣ୍ଡିଈ ମେମାରଏନ୍ ନିଜେଦି ବୁବାୟାୟେଈ ଡିସ୍ସି ନିଜେଦି ଆଡ୍ସି ଖାଲେ ତେବାନାନ୍ ମାରି ଆୟା ରିଏର୍ ଅରେନ୍ଆନାର୍,

୮ ଖାର ରିଏର୍ ଉଣ୍ଡେନେ ଆନାର୍ । ମାରି ଖାର ରିଏର୍ ଆଏର୍, ମାତର୍ ଉଣ୍ଡେନେ ଆନାର୍ ।

୯ ମାପୁରୁ ଆମାକା ମିସାକିତା ମାନାନ୍, ଆକା ଲୋକୁ ଖାରିଈ ଖେରଏ କିମାକିର୍ ।”

୧୦ ଖେନକା ସିସୁର୍ ଇନ୍ତ୍ର ଦେସି ଖାତି ଖେନକା ଜିସୁଈଁ ଇୟା ବିସୟତ୍ର ମାରିଡେସି ଖେନବାତାର୍ ।

୧୧ ✧ଆବେନ୍ ଜିସୁ ଖାରିଈ ଇରୁଆନ୍, “ଏନ୍ଆପିନ୍ ନିଜେଦି ଆଡିଦିଈ ଡିସ୍ନାନ୍ ନୋ ମାରି ଉନ୍ଶିତାନିଈ ପେଡି ଆନାନ୍, ଆୟା ମେମାରି ଆଡିସ୍ ବିରଦ୍ତାନ୍ ଦାରିପାଣି କିନାନ୍;

୧୨ ମାରି, ଜଦି ଏମେ ଆଇମା ନିଜେଡି କନ୍ଲିଈ ଡିସ୍ସି ମାରି ଅରେନ୍ ମେମାରଏନ୍ଡିଈ ପେଡି ଆନାଡ୍, ଆୟା ଆଇମା ବା ଦାରି ପାପୁଡ୍ ଦସ୍ ଆନାଡ୍ ।”

ଜିସୁ ଇସ୍ରି କଡ୍ରିଈ ଆସର୍ ବାଦ୍ କିତାନ୍

(ମାଡିଉ ୧୯:୧୩-୧୫; ଲୁକ ୧୮:୧୫-୧୭)

୧୩ ଜିସୁ ଏଣ୍ଡେସ୍ ଇସ୍ରି କଡ୍ରିଈ କିୟୁ ଇଡ୍ଜି ଆସର୍ ବାଦ୍ କିନି ଉଣ୍ଡିଈ, ଲୋକୁ ଇସ୍ରି କଡ୍ରିଈ ଜିସୁ ଲାକ୍ତୁ ତାତାର୍; ମାତର୍ ସିସୁର୍ ଆୟା ଲୋକାଈ ଆଦ୍ରିସ୍ତେଈ ଆସ୍ତାର୍ ।

୧୪ ସିସୁର୍ ଲୋକାଈ ଲାଗାନିକା ସୁଡ୍ଜି, ଜିସୁ ସିସୁରି ମୁସ୍କୁ ରିସା ଆତାନ୍ନୋ ଇର୍ହାନ୍, “ଇସ୍ରି କଡ୍ରିଈ ନା ଲାକ୍ତୁ ଖାଦେଈ ସିଦ୍, ଖାରିଈ ମାନା କିମାଡ୍; ଏନ୍ଦା ଇରିଈ ମାପୁରୁଡି ରାଜି ଇୟାଖାଜା ଇସ୍ରି କଡ୍ରିଦି ।

୧୫ ✧ନାନ୍ ମିଈଁ ସଡ୍ ଇଜିନା, ଏନ୍ ଜଦି ଇସ୍ରିକଡ୍ଖାଜା ମାପୁରୁଦି ରାଜିଦିଈ ଆସ୍ଏନ୍, ଖାଣ୍ଡୁ ଏଣ୍ଡେସ୍ କିଜିବା ଆବେନ୍ ଡ୍ଗୁଦେଈ ଆର୍ଏନ୍ ।”

୧୬ ଇୟା ଖେନକା ଜିସୁ ଖାରିଈ ଗାଡୁ ଆସ୍ତାନ୍ନୋ କଡ୍ରି ମୁସ୍କୁ କିୟୁ ଇଡ୍ଜି କଡ୍ରିଈ ଆସର୍ ବାଦ୍ କିତାନ୍ ।

ଅରେନ୍ ମାଜନ୍ ମୁରୁଲି ଲୋକ୍ତି ମାଟା
(ମାତିଉ ୧୯:୧୭-୩୦; ଲୁକ ୧୮:୧୮-୩୦)

୧୭ ଜିସୁ ମାରିଡେସି ସନିଝାଲେ ଅରେନ୍ ଲୋକୁ ଉରୁକ୍ସି ଝାଜି ଜିସୁଦି ଆଗ୍ଡି ମେଣ୍ଡେଙ୍ଗ୍ ଗଟ୍‌କିଜି ଝାନିଙ୍ଗ୍ ଝେନ୍‌ବାତାନ୍, “ଏ ସଡ଼ ଗୁରୁ, ଏସ୍‌କାଙ୍ଗ୍‌ଝିଜିଜି ଜିବନ୍ ପୟ୍‌ନି ଉଣ୍ଡିଙ୍ଗ୍ ନାନ୍ ଇନିକା କିଦେଙ୍ଗ୍ ଆନାଡ଼ ?”

୧୮ ଆବେନ୍ ଜିସୁ ଝାନିଙ୍ଗ୍ ଇର୍ହାନ୍, “ନାଙ୍ଗ୍ ନେଗିକାନ୍ ଇଜି ଇନିଦାନିଙ୍ଗ୍ ଇଜିନି ?” ମାରି ମାପୁରୁଙ୍ଗ୍ ଡିସ୍‌ତିଙ୍ଗ୍, “ମାରି ଆଇକାନ୍ ଏନ୍‌ବା ସଡ଼ ।

୧୯ ନିନ୍ ସାସ୍‌ପି ନିୟମ୍‌କୁ ଝିନ୍ତୁ ନେସ୍‌ପିମାନି, ଲୋକାଙ୍ଗ୍ ସାୟାମାର୍‌ଗା ଡାକ୍‌ମାଟ୍, ଦାରିପାଣି କିମାଟ୍, ଡଙ୍ଗା କିମାଟ୍, ଏ ବିରଦ୍‌ତାନ୍ ମିସ୍ ମାଟା ଇନ୍‌ଡ୍ରେଙ୍ଗ୍ ଆଏଡ଼, ଲୋକାଙ୍ଗ୍ ଆସା କିମାଟ୍, ନିଜେଦି ବୁବା ଯାୟାଏଙ୍ଗ୍ ମାନାଡ଼ ।”

୨୦ ଆୟା ମାଜନ୍ ଲୋକୁ ଇର୍‌ଆନ୍, “ଏ ଗୁରୁ, ଇୟାଝିନ୍ତୁ ନାନ୍ ମୁରୁଲିଝାଲେରାନ୍ ଇୟାଝିନ୍ତୁ ନିୟମ୍ ମାନାଜି ଝାଜିନା ।”

୨୧ ଜିସୁ ଝାନି ଡରିଶୁ ସୁଡ଼ଜି ଝାନିଙ୍ଗ୍ ଲାଡ଼କିଜି ଇର୍‌ଆନ୍, “ନି ଉଣ୍ଡି_ବିସୟ ଉଣାମାନାଡ଼, ସାଙ୍ଗ୍ ନି ଝିନ୍ତୁ ଦନ୍ ସମ୍ପତି ପର୍‌ସୋ କାକୁଡ଼ ଲୋକାଙ୍ଗ୍ ଡାବୁଙ୍ଗ୍ ବାଟାକିଜି ସିଆ, ଆବେଟ୍ ନିନ୍ ମୁସ୍‌କୁପୁରତି ଦନ୍ ପଇନି; ମାରି, ଝାଜି ନା ଝେନ୍‌କା ବୁଲାଆ ।”

୨୨ ଜିସୁଦି ଇୟା ମାଟା ଝେର୍‌ଆନ୍ ନୋ ଆୟା ଲୋକ୍ତି ମକମ୍ ଝାର୍‌ତା ସର୍‌ଆଡ଼ ମାରି ଝାନ୍ ଦୁଃକ୍ ଆଜି ଇନ୍‌ଡ୍ର ସର୍‌ଆନ୍, ଇରିଙ୍ଗ୍ ଝାନିଙ୍ଗ୍ ନାଣ୍ଡ ଦନ୍ ସମ୍ପତି ମାର୍‌ଆଡ଼ ।

୨୩ ଜିସୁ ସାରିବେଡ଼ତି ସୁଡ଼ତୁନ୍ ନୋ ନିଜେଦି ସିସୁରିଙ୍ଗ୍ ଇର୍‌ହାନ୍, “ଏମେ ଲୋକାଙ୍ଗ୍ ନାଣ୍ଡ ଦନ୍ ମାନାଡ଼, ଝାରୁ ବେସି କାସ୍‌ତାନ୍ ମାପୁରୁଡ଼ି ରାଜିଦୁ ସନ୍‌ଡ୍ରେଙ୍ଗ୍ ଆର୍‌ନାର୍ ।”

୨୪ ଜିସୁଦି ମାଟା ଝେନ୍‌ଜି ସିସୁର୍ କାବାଆତା ସର୍‌ଆର୍ । ମାତର୍ ଜିସୁ ମାରିଡେସି ଝାରିଙ୍ଗ୍ ଇର୍‌ଆନ୍, “ଏ ନା କଡ଼ର୍, ମାପୁରୁଦି ରାଜିଦୁ ସନ୍‌ଡ୍ରେଙ୍ଗ୍ ସତେନେ କାସ୍ !

୨୫ ଉଣ୍ଡି_ସୁଜିଦି ବର ସିଜି ଉଟ୍ ଡଗୁନିକା ଉସାସ୍, ମାତର୍ ଅରେନ୍ ମାଜନ୍ ଲୋକୁ ମାପୁରୁଦି ରାଜିଦୁ ସନିକା କାସ୍ ।”

୨୭ ଇୟା ମାଟା ଝେନ୍‌ଜି ସିସୁର୍ ନାଣ୍ଡ କାବା ଆତାର ନୋ ଝାରିଝାରି ଲୋଇ ଝାରିଗି ସାତାର, “ଆର୍‌ତିଙ୍ଗ ଏନ୍ ରକିୟା ପଇଦେଙ୍ଗ୍ ଆଟ୍‌ନାନ୍ ?”

୨୮ ଜିସୁ ସିସୁରିଙ୍ଗ୍ ସାଡ଼କୁ ସାଡ଼କୁ ସୁଡ଼ି ଇର୍ହାନ୍, “ଇକା ଲୋକାଦି ଉଣ୍ଡିଙ୍ଗ୍ ଆଟ୍‌ଝା, ମାତର ମାପୁରୁଦିଙ୍ଗ୍ ଉଣ୍ଡିଙ୍ଗ୍ ଉସାସ, ଇରିଙ୍ଗ୍ ମାପୁରୁ ଝିଜୁ କିଦେଙ୍ଗ୍ ଆଟ୍‌ନାନ୍ ।”

୨୯ ଇୟା ମାଟା ଝେନ୍‌ଜି ପିତର ଜିସୁଙ୍ଗ୍ ଇର୍ହାନ୍, “ସୁଡ଼ଆ, ମାପ୍ ଝିଜୁ ଡିସ୍‌ସି ନି ଝେନ୍‌କା ଝାତା ମାନାପ୍ ।”

୩୦ ଜିସୁ ଇର୍ହାନ୍, “ନାନ୍ ମିଙ୍ଗ୍ ସଡ଼ ଇଜିନା,” ଏମେ ଲୋକୁ ନା ଝେନ୍‌କା ଝାନି ଉଣ୍ଡିଙ୍ଗ୍ “ମାରି ନା ସୁସମାଚାର ଝେନ୍‌ଜି ଉଣ୍ଡିଙ୍ଗ୍ ଏନ୍‌ବା ଇଲୁ, ତଡ଼ାନ୍‌ତିଙ୍ଗ୍ ନି ତାଙ୍ଗ୍, ବୁବା ନି ଯାୟେଙ୍ଗ୍, କଡ଼କକ୍ରାରିଙ୍ଗ୍ ମାରି ବୁମିବାଡ଼ା ଡିସ୍‌ତାମାନାନ୍,

୩୧ ମାରି ଇଲେଇ ଇୟା ଜଗ୍‌ତୁ ଦାପେ ଦାପେନେ ଶହେ ଗୁଣ୍ଡୁତାନ୍ ଇଲୁ, ତଡ଼ାନ୍, ତାଙ୍ଗ୍, ଯାୟା, ମାରିନ୍, ଗାଡ଼ି, ମାରି ଭୁମିବାଡ଼ିଦି ଝାଲେ କାସୁବା ପଇନାନ୍ । ମାରି ଝାନି ଦିନ୍‌ତୁ ଏସ୍‌କାଙ୍ଗ୍‌ଝିଜୁ ଇଜିବନ୍ ପଇନାନ୍ ।

୩୨ ☆ମାତର ଇଲେଇ ଏମେ ଲୋକ୍‌ତର ଆଗ୍‌ତି ମାନାର୍, ଝାର ଝେନ୍‌କା ଆନାର୍, ମାରି ଝେନ୍‌କା ମାନି ଲୋକ୍‌ତର ଆଗ୍‌ତି ଆନାର୍ ।”

ଜିସୁ ଝାନି ସାନି ମାଟା ମୁଜା ଇର୍ହାନ୍

(ମାଡ଼ିଉ ୨୦:୧୭-୧୯; ଲୁକ ୧୮:୩୧-୩୪)

୩୩ ଇୟା ଝେନ୍‌କା ଝାର ଜିରୁସାଲାମ୍‌ତୁ ସନିଝାଲେ ସାରିବୁ ମାରାଆନ୍ ମାରି ଜିସୁ ସିସୁରି ଆଗ୍‌ତି ଆଗ୍‌ତି ସଲ୍‌ସି ମାର୍‌ଆନ୍, ମାରି ଶିଶୁର୍ କାବାଆତା ସରଆର୍, ମାରି ଝାନି ଝେନ୍‌କା ବୁଲାଜି ମାର୍‌ଇ ଲୋକ୍‌ତର ଡିଲାତାସର୍‌ଆର୍ । ଜିସୁ ମାରିଡେସି ବାର ଲୋକାଙ୍ଗ୍ କୁକ୍‌ସି, ଝାନି ଉଣ୍ଡିଙ୍ଗ୍ ଇନିକା ଇନିକା ଝିଜୁ ଗଟେଆଦେଙ୍ଗ୍ ସଲ୍‌ସିନାଡ଼, ଆୟା ବିସୟତାନ୍ ଝିଜୁ ସିସୁରିଙ୍ଗ୍ ଇନ୍‌ଡେଙ୍ଗ୍ ଆସ୍‌ତାନ୍ ।

୩୩ ଜିସୁ ଇର୍ହାନ, “ଝେନ୍‌ଡୁ, ମାପ୍ ଜିରୁସାଲମତୁ ସଲ୍‌ସିନାପ୍; ଆବେ ମନୁଷ୍ୟପୁତ୍ର ଜେ ନାନ୍ ପେରି ପେରି ଜାଜକ ମାରି ସାସ୍ତିରି କିୟୁତୁ ସେରପାନା, ମାରି ଝାରୁ ନାଂଇ ସାନି ଦଣ୍ଡ ସିନି ଉଣ୍ଡିଙ୍ଗ୍ ଆଇ ଅଣଜିହୁଦି ଲୋକ୍ତି କିୟୁତୁ ସପେ କିଜି ସିନାର୍, ନାଂଇ ବିଚାର୍ କିଜି ତାକ୍‌ନାର୍ ।

୩୪ ମନୁଷ୍ୟପୁତ୍ରଦିଙ୍ଗ୍ ଜେ ନାନ୍ ଝାର୍ ନାଂଇ ସେମାର୍ କିନାର୍, ନା ମୁସକୁ ପୁସ୍‌ନାର୍, ନାଂଇ କୋରତାଦାଣ୍ଡ ତାକ୍‌ନାର୍ ମାରି ନାଂଇ ସାପିସ୍ କିନାର୍, ମାରି ମୁନେଟି ଝେନ୍‌କା ଝାନ୍ ମାରିଡେସି ଜିବନ୍‌ଆଜି ନିଙ୍ଗ୍ ନାନ୍ ।”

ଯାକୁବ ନି ଯୋହନ ଜିସୁଦି ଉଣି ନି ଡେବିରି ତରିଣ୍ଡ ବାସ୍‌ଡେଙ୍ଗ୍ ଗୁଆରି କିତାର୍

(ମାତିଉ ୨୦:୨୦-୨୮)

୩୫ ଜେବଦଦି ମାରିସିର୍ ଯାକୁବ ନି ଯୋହନ ଜିସୁ ଲାକ୍‌ତୁ ଝାତା ରୋ ଇର୍ହାର୍, “ଏ ଗୁରୁ,” ମା ଉଣ୍ଡିଙ୍ଗ୍ ଇନିକା ବା କିଆ, “ମାପ୍ ନିବାନ୍ ଇନିକା ଲସନାପ୍, ଆୟାକା ମା ଉଣ୍ଡିଙ୍ଗ୍ କିଆ ।”

୩୬ ଜିସୁ ଝାରିଙ୍ଗ୍ ଝେନ୍‌ବାତାନ୍, “ନାନ୍, ମି ଉଣ୍ଡିଙ୍ଗ୍ ଇନିକା କିନା ଇଜି ମିର୍ ଇନିକା ବଦା କିଜିନିଦେର୍ ?”

୩୭ ଝାରୁ ଜିସୁଙ୍ଗ୍ ଇର୍ହାର୍, “ମାପୁରୁତି ରାଜିଦୁ ଏସିଝାଲେ ନିନ୍ ମହିମାଦି ରାଜାଗଦିଦୁ ବାସ୍‌ନି ମା ମାଣ୍‌କୁ ଅରେନ୍ ଲୋକ୍ତିଙ୍ଗ୍ ନି ଉଣ୍ଡେରି କିୟୁ ତରିନ୍ ମାରି ଅରେନ୍ ଲୋକ୍ତିଙ୍ଗ୍ ନି ଡେବ୍‌ରିକିୟୁ ତରିନ୍ ବାସ୍‌ଡେଙ୍ଗ୍, ମାଙ୍ଗ୍ ଇୟା ବର୍ ସିଦା ।”

୩୮ ☆ମାତର୍ ଜିସୁ ଝାରିଙ୍ଗ୍ ଇର୍‌ଆନ୍, “ମିର୍ ଇନିକା ଲସ୍‌ସିନିଦେର୍, ଆୟାକା ମିର୍ ନେସ୍‌ଡେଙ୍ଗ୍ କି ବୁଝାଦେଙ୍ଗ୍ ଆର୍‌ଏଜିନିଦେର୍ । ନାନ୍ ଏମେ ଦୁଃକୁ ବୋଗାଜି ଉଣ୍ଡେଙ୍ଗ୍ ସନା, ଆୟା ଦୁଃକୁତିଙ୍ଗ୍ ବୋଗାଜି ଉଣ୍ଡେଙ୍ଗ୍ ଆର୍‌ନିଦେର୍ ନୋ ? ନାନ୍ ଏମେ ସାନି ତୁବନ୍‌ତୁ ତୁବନ୍ ଅନା ମିର୍ ଇନିକା ଆୟା ତୁବନ୍‌ତୁ ଅଡେଙ୍ଗ୍ ଆର୍‌ନିଦେର୍ ନୋ ?”

୩୯ ଝାର୍ ଜିସୁଙ୍ଗ୍ ଇର୍ହାର୍, “ହୁଁ ମାପ୍ କିଦେଙ୍ଗ୍ ଆର୍‌ନାପ୍ ।” ଜିସୁ ଝାରିଙ୍ଗ୍ ଇର୍‌ଆନ୍, ନାନ୍ ଏମେ ଦୁଃକୁ ବୋଗାନା, “ମିର୍ ଆବେନ୍‌

ଭୋଗାନିଦେବ୍, ମାରି ନାନ୍ ଏମେ ସାନି ହୁବନ୍ତୁ ହୁବନ୍ ଅସିନା, ମିର୍ ନା ଖାଜା ଆବେନ୍ତୁ ହୁବନ୍ ଅତେଙ୍ଗ୍ ଆଟ୍‌ନିଦେବ୍;

୪୦ ମାତର୍ ନା ଉଣେରି କିୟ୍ ତରିଶ୍ଟି ନି ତେବିରି କିୟ୍ ତରିଶ୍ଟି ବାସିସ୍ କିଦେଙ୍ଗ୍ ନା ଅଦିକାର୍ ବିସୟ୍ ସିଲେଡ୍; ମାତର୍ ଏମେ ଲୋକ୍ତି ଉଣିଙ୍ଗ୍ ମା ବୁବା ଆୟା ବାତି ତିଆର୍ କିତା ଇଟ୍‌ତାମାନାନ୍, ଆୟା ବାତିଦୁ ଖାର୍ ବାସନାର୍ ।”

୪୧ ଇୟା ମାଟା ଖେର୍‌ଆର୍ ନୋ ଆଇ ଦାସ୍‌ଲୋକ୍ ସିସୁର୍ ଜାକୁବ ନି ଯୋହନତି ମୁସ୍‌କୁ ରିସା ଆତାର୍ ।

୪୨ ☆ଜିସୁ ଖାରିଙ୍ଗ୍ ଲାକ୍‌ତୁ କୁକ୍‌ତାନ୍‌ନୋ ଇର୍‌ଆନ୍, “ଏମେ ଲୋକୁ ଅଣଜିହ୍‌ଦି ମାଣକୁ ଶାସନ କିନି ଲୋକାଖାଜା ଖେଙ୍ଗ୍‌ନିର୍, ଖାର୍ ଖାରି ମୁସ୍‌କୁ ଶାସନ କିଜିନାର୍ ମାରି ଖାରି ରାଜାର୍ ଖାରି ମୁସ୍‌କୁ ଶାସନ କିଜିନାର୍, ମିର୍ ଇୟାକା ନେସ୍‌ତିମାନିଦେବ୍ ।

୪୩ ☆ମାତର୍ ମି ମାନ୍ ଆୟାଖାଜା ସିଲେଡ୍; ମାତର୍ ମି ମାଣକୁ ଏନ୍ ଜଦି ପେରିକାନ୍ ଆଦେଙ୍ଗ୍ ବଦା କିନାନ୍, ଖାଣ୍ଟୁର୍ ମି ସେବାକିନିକାନ୍ ଆପିନ୍ ।

୪୪ ମାରି ମି ମାଣକୁ ଏନ୍‌ଆପିନ୍ ପେରିକାନ୍ ଆଦେଙ୍ଗ୍ ବଦାକିନାନ୍, ଖାଣ୍ଟୁର୍ ଖିଜେରି ଗତିମୁରୁଲି ଆପିନ୍ ।

୪୫ ଇରିଙ୍ଗ୍ ମନ୍‌ସ୍ୟପୁତ୍ର ଜେ ନାନ୍ ସେବା ପଇଦେଙ୍ଗ୍ ରେଏ, ମାତର୍ ସେବା କିଦେଙ୍ଗ୍ ଖାତାମାନା ମାରି ଖିଜୁ ଲୋକାଙ୍ଗ୍ ରକିୟା କିଜି ନିଜେଦି ଜିବନ୍ ସିଦେଙ୍ଗ୍ ଇଜି ଖାତାମାନା ।”

ଜିସୁ ବାର୍ତ୍ତାମୟ କାଶେଙ୍ଗ୍ ନେଗେଶ୍ଟି କିତାନ୍

(ମାତିଉ ୨୦:୨୯-୩୪; ଲୁକ ୧୮:୩୫-୪୩)

୪୬ ଜିସୁ ମାରି ଖାନି ସିସୁର୍ ଜିରିହୋ ଗାଡ୍‌ତୁ ଖାତାର୍, ମାରି ଖାର୍ ନାଣ୍ଟଲୋକୁ ଖାଲେ ସଲ୍‌ସି ମାର୍‌ଆର୍, ଯିରିହୋତି ଆୟା ଗାଡ୍‌ଡିସ୍‌ସି ସନିଖାଲେ, ଟିମାୟ୍‌ଦି ମାରିନ୍ ବାର୍ତ୍ତାମୟ ଦରତିକାନ୍ ଅରେନ୍ କାଶା ଭିକାରି ସାରି ଲାକ୍‌ତୁ ବାସ୍ତା ମାର୍‌ଆନ୍ ।

୪୭ ଖାନ୍ ଜେ ନାଜରିତିୟ ଜିସୁ, ଆୟା ସାରିବୁ ସଲ୍‌ସିନାନ୍ ଇଜି
ଝେନ୍‌ଜି ଆୟା କାଣା ବିକାରି ନାଣୁ ଆଉଲି ଆଜି ଇର୍‌ଆନ୍, “ଏ
ଦାଉଦତି ମାରିନ୍ ଜିସୁ, ନାଙ୍ଗ୍ ଦୟା କିଆ ।”

୪୮ ଆବେନ୍‌ ଏସଲୋକ୍ ଖାନିଙ୍ଗ୍ ଆଲେଜ ମାନ୍‌ଡ୍ରେଙ୍ଗ୍ ଇଜି
ଆଦିରିସ୍‌ଡେଙ୍ଗ୍ ଆସ୍‌ତାର, ମାତର୍ ଖାଣ୍ଟୁ ମାରି ନାଣୁଦାଣ୍ଟୁ ଆଉଲି
ଆଜି ଇର୍‌ଆନ୍, “ଏ ଦାଉଦତି ମାରିନ୍, ନାଙ୍ଗ୍ ଅଡ଼ପ୍ ଦୟା କିଆ
।”

୪୯ ଆବେନ୍‌ ଜିସୁ ତେବାତାନ୍ ନୋ ଇର୍‌ଆନ୍, “ଖାନିଙ୍ଗ୍ କୁକ୍‌ତୁ ।”
ଝାର ଆୟା କାଣା ଭିକାରିତିଙ୍ଗ୍ କୁକ୍‌ସି ଇର୍‌ଆନ୍, “ସାସ୍ ଆସ୍‌ଆ,
ନିଆ, ଜିସୁ ନିଂଇ କୁକ୍‌ସିନାନ୍ ।”

୫୦ ଆବେଟ୍ ଖାଣ୍ଟୁ ନିଜେଦି ସାଦର୍ ପୋକ୍‌ତାନ୍ ନୋ ନିଂଇଜି ଜିସୁ
ଲାକ୍‌ତୁ ଖାତାନ୍ ।

୫୧ ଜିସୁ ଖାନିଙ୍ଗ୍ ଝେନ୍‌ବାତାନ୍, “ନାନ୍ ନି ଉଣ୍ଡିଙ୍ଗ୍ ଇନିକା କିନା ଇଜି
ନିନ୍‌ ବଦା କିଜିନି ?” ଆୟା କାଣା ଲୋକୁ ଜିସୁଙ୍ଗ୍ ଇର୍‌ଆନ୍, “ଏ ଗୁରୁ,
ନାନ୍ ଏଣ୍ଡେସ୍ ସୁଡ଼େଦେଙ୍ଗ୍ ଆର୍‌ନା ।”

୫୨ ଜିସୁ ଖାନିଙ୍ଗ୍ ଇର୍‌ଆନ୍, “ସାଙ୍ଗ୍‌ଆ, ନି ବିସ୍‌ବାସ୍ ନିଙ୍ଗ୍
ନେଗେନ୍ କିତାମାନାଡ଼ ।” ଆୟା ଦାପ୍ରେନେ କାଣା ଖାନି ସୁଡ଼ନ୍‌ ସାକ୍ତି
ପଇତାନ୍ ନୋ ସାରିବୁ ଜିସୁ ଝେନ୍‌କା ଝେନ୍‌କା ବୁଲାଦେଙ୍ଗ୍ ଆସ୍‌ତାନ୍
।

୧୧

ଜିସୁ ରାଜା ଖାଜା ଯିରୁଶାଲତୁ ସର୍‌ଆନ୍

(ମାତିଉ ୨୧:୧-୧୧; ଲୁକ ୧୯:୨୮-୪୦; ଜୋହନ ୧୨:୧୨-୧୯)

୧ ଏସିଝାଲେ ଜିସୁ ମାରି ଖାନି ସିସୁର୍ ଜିରୁସାଲମତି ଲାକ୍‌ତୁ ମାନି
ଜୀତ ଗରନ୍‌ତି ଲାକ୍‌ତୁରି ବେଡ଼ପାଗି ନି ବେଡ଼ନିୟା ଇନି ନାଟୁ
ଇତାର, ନାସ୍ତିଝାଲେ ଜିସୁ ଖାନି ସିସୁରି ଲୋଇ ରିଏରିଙ୍ଗ୍ ଇୟା ମାଟା
ଝେରସି ପୋକ୍‌ତାନ୍ ।

୨ “ନି ଆଗ୍‌ତି ମାନି ଆୟା ନାଟ ସାନ୍‌ଡୁ; ଆବେ ଇତି ଦାପ୍ରେ, ଆମା
ମୁସ୍‌କୁ ଏନ୍‌ବା ବାସ୍‌ଇ ମାନି ଉଣ୍ଡି ଗଦପିଲାଦିଙ୍ଗ୍ ତରୁନି ମାନିକା
ସୁଡ଼ନ୍‌ଦେର୍, ଆୟା ଗଦପିଲାଦିଙ୍ଗ୍ କୁଡ଼ସ ନା ଲାକ୍‌ତୁ ତାଗାଟ୍ ।

୩ ମାରି, ଏନ୍ ଜଦି ମିଙ୍ଗ ଏନ୍ କୁଡ଼ିଏ ଅସିନିଦେର ଇଜି
 ଝେନ୍‌ବାନାନ୍, ଇନିଦେର, ପ୍ରବୁଙ୍ଗ ଦରକାର ମାନାଡ଼, ମାରି ଝାନ୍
 ଆୟା ଗଦପିଲାଦିଙ୍ଗ ମାରିଡ଼େସି ଝେଡ଼ା କିଏନ୍‌ଶ୍ଟା ବେନ୍‌ ପୋକ୍‌ନାନ୍
 ।”

୪ ସିସୁର୍ ଆୟା ନାରୁତୁ ସରାରୋ ଉଣ୍ଡି, ଇଲୁ ସେର୍‌ଲା ଲାକ୍‌ତୁ
 ଆଡ଼େ ଦୁଝାରୁତୁ ଉଣ୍ଡି, ଗଦପିଲାଦିଙ୍ଗ ତରତି ମାର୍‌ଇକା
 ସୁଡ଼ତୁାରୋ ଗଦପିଙ୍ଗ କୁଡ଼ତାର ।

୫ ଆବେନ୍ ଆୟା ଲାକ୍‌ତୁ ନିରିଇ ମାନି ଲୋକା ମାଣ୍‌କୁ ଏସ
 ଲୋକୁ ଝାରିଙ୍ଗ ଝେନ୍‌ବାତାର, “ଗଦପିଲାଦିଙ୍ଗ ଇନିକା କିଜିନିଦେର,
 ଗଦପିଲାଦିଙ୍ଗ ଇନ୍‌ଦାନିଙ୍ଗ କୁଡ଼ସିନିଦେର ?”

୬ ଜିସୁ ଇନିକା ଇନ୍‌ଡେଙ୍ଗ ଇରୁଆମାରୁଆନ୍, ସିସୁର୍ ଆୟାଝାଜା
 ଝାରିଙ୍ଗ ଇର୍‌ହାର, ତାନେ ଝେନ୍‌କା ଲୋକୁ ଝାନିକାଙ୍ଗ ଡିସିସି ସିତାର
 ।

୭ ସିସୁର୍ ଆୟା ଗଦପିଲାଦିଙ୍ଗ ଜିସୁ ଲାକ୍‌ତୁ ତାତାର ରୋ ମାରି
 ଗଦପି ମୁଟାମ୍ ମୁସକୁ ନିଜେ ନିଜେଦି ଝାଡିଙ୍ଗ ପାରସି ସିତାର, ମାରି
 ଜିସୁ ଆୟା ଗଦ ମୁସକୁ ବାସତାନ୍ ।

୮ ମାରି ଏସଲୋକ୍ ଜିସୁଙ୍ଗୁ ମାନାଜି ଇଜି ନିଜେ ନିଜେଦି ଝାଡିଙ୍ଗ
 ରାସ୍ତାଦୁ ପାରସି ସିତାର ମାରି ଏସୋଲୋକ୍ ମାରାତି ରଡେଙ୍ଗ ଝିଜୁ
 କାଡ଼ସି ତାତାର ନୋ ରାସ୍ତାଦୁ ପାରତାର ।

୯ ମାରି, ଜିସୁଦି ଆଗଡି ନି ଝେନ୍‌କା ବୁଲାଜି ସଲ୍‌ସି ମାନି ଲୋକ୍‌ତର
 ନାଣ୍‌ଆଉଲି ଆଜି ଇନ୍‌ଡେଙ୍ଗ ଆସତାର, “ହୋଶାନା ପ୍ରବୁଦି ଦରତାନ୍
 ଏନ୍ ଝାଜିନାନ୍, ମାପୁରୁ ଝାନିଙ୍ଗ ଆସ ବାଦ୍ କିପିନ୍ !

୧୦ ମା ପୁର୍ବେଦି ବୁବା ଦାଉଦତି ଆମା ରାଜି ଝାଜିନାଡ଼,
 ଆୟାତାନେଙ୍ଗ ଧନ୍‌, ଆୟା ମୁସକୁପୁର୍‌ତୁ ମାନି ନେଗି ବୁବାଦି
 ଧନ୍‌ । ନାଣ୍‌ ଲୋକାମାନୁ ହୋଶାନା ।”

୧୧ ଜିସୁ ଜିରୁସାଲାମତୁ ଇତାନ୍ ମାରି ମନ୍ଦିର୍ ଲୋଇ ଡବ୍‌ରୁତାନ୍ ମାରି
 ସାରିବେଡ଼ତି ଝିଜୁ ଜିନିସତିଙ୍ଗ ସୁଡ଼ତାନ୍ ନାସିଝାଲେ ମିଲ୍‌ମିଲିକା
 ଆଜି ଝାଜି ମାରୁଆଡ଼ ଆକା ବାର ଲୋକୁ ସିସୁରିଝାଲେ ବେତନିୟା
 ଇନି ନାରୁତୁ ସର୍‌ଆନ୍ ।

ଜିସୁ ତଗା ମାରାନ୍ତିଜ୍ ଆନାଦୁରିଆ ସିତାନ୍
(ମାତିଉ ୨୧:୧୮-୧୯)

୧୨ ଆୟା ମାର୍ନାଣ୍ଟିଜ୍ ଜିସୁ ମାରି ସିସୁର୍ ବେତନିୟା ନାର୍ତାଣ୍ଟି
ଜିରୁସାଲମ୍‌ତାନ୍ ଖାନିଖାଲେ ଜିସୁଙ୍କୁ ନାଣ୍ଟ ବାଙ୍ଗା କାଟ୍‌ତାଡ୍ ।

୧୩ ମାରି, ଜିସୁ ଆକଣ୍ଟକୁ ଉଣ୍ଟି ଆକୁମାନି ତଗା ମାରାନ୍ତିଜ୍
ସୁଡ଼ୁତାନ୍, ତଗା ମାରାନ୍ତିଜ୍ ଫଲ୍ ମାନାଡ଼ନୋ ସିଲେଡ୍, ଆୟା
ଆସାଦାନ୍ ଜିସୁ ତଗା ମାରାନ୍ତିଜ୍ ଲାକ୍‌ତୁ ସରୁଆନ୍ । ମାତର୍ ଲାକ୍‌ତୁ
ଖାତାନ୍ ନୋ ଆୟା ତଗା ମାରାନ୍ତିଜ୍ ଆକୁ ଡିସ୍‌ସି ମାରି ଇନି ଫଲ୍ ବା
ପଏତାନ୍, ଇରିଜ୍ ଆୟା ବେଡାଦୁ ତଗା ପଲ୍ ଆସ୍‌ନି ଦିନ୍ ରେଏତା
ମାରୁଆଡ୍ ।

୧୪ ଜିସୁ ଆୟା ତଗା ମାରାନ୍ତିଜ୍ ସୁଡ଼ୁଜି ଇରୁଆନ୍, “ନି
ଲାକ୍‌ତୁରାନ୍ ଏମେ ଲୋକୁ ଏସ୍‌କାଙ୍ଗ୍‌ବା ପଲ୍ ଡିନ୍‌ମାକିର୍ ।” ଜିସୁଦି
ଇୟା ମାଟା ସିସୁର୍ ଖେରୁଆର୍ ।

ଜିସୁ ମନ୍ଦିରତି ପରୁନି ପାସ୍‌ରେଜ୍ ପୋକ୍‌ତାନ୍
(ମାତିଉ ୨୧:୧୨-୧୭; ଲୁକ ୧୯:୪୫-୪୮; ଜୋହନ ୨:୧୩-୨୨)

୧୫ ତାନେ ଖେନ୍‌କା ଖାଡ୍ ଜିରୁସାଲମ୍‌ତୁ ଖାତାଡ୍, ମାରି ଜିସୁ ମନ୍ଦିର୍
ଲୋଇ ସରୁଆରନୋ ଆବେ ପୁଜା ସିନି ଗରିଆ ମେଣ୍ଟେଜ୍ ପରୁଜି
ମାନି ଲୋକାଙ୍ଗ୍ ଆଡ଼ରେ ସପ୍‌ତା ପୋକ୍‌ତାନ୍ । ମାରି ଟାକା ପରୁନି
ଲୋକାଦି ଟେରୁଲ୍ ନି ପାଉରା ପରୁନି ଲୋକାଦି ପାସ୍‌ରା ତର୍ ପେରୁଜି
ପକ୍‌ତାନ୍,

୧୬ ମାରି ମନ୍ଦିର୍ ଲୋଇରି ଦୁଆର୍ ସିଜି ଇନି ଜିନିସ୍ ଅତେଜ୍ ସାରି
ଏଙ୍ଗ୍‌ବା ସିଏତାନ୍,

୧୭ ଆୟାଖେନ୍‌କା ଜିସୁ ଶିକ୍ଷା ସିଜି ସିଜି ଇରୁଆନ୍, “ଦାମ୍‌ସାସ୍ତ୍ରୁ
ଇକା ରାସାତାମାନାଡ୍, ନା ମନ୍ଦିର୍ ଦୁନିଆଦି ଖିଜୁ ଜାତିଦି ଲୋକ୍‌ତି
ଉଣ୍ଟିଜ୍ ପାର୍‌ତାନା ଇଲୁ ଇଜି ଖେଙ୍ଗ୍‌ନାଡ୍ ? ମାତର୍ ମିର୍ ତୋ ଆକା
ତଙ୍ଗାରି ଇଲୁଖାଜା କିତିମାନିଦେର୍ ।”

୧୮ ପେରି ପେରି ଜାଜକର୍ ମାରି ସାସ୍ତ୍ରିର୍ ଇୟା ମାଟା ଖେରୁଆରୋ
ଜିସୁଙ୍କୁ ଏଣ୍ଟେସ୍ ସାପିସ୍ କିଦେଜ୍ ଆଟ୍‌ନାଡ୍, ଆୟା ଉଣ୍ଟିଜ୍ ସାରି
ପଇଦେଜ୍ ଆସ୍‌ତାର୍; ମାତର୍ ଆବେ ମାର୍‌ଇ ଲୋକତର୍ ଖାନି
ସିକିୟାଦିଜ୍ କାବା ଆତାର ନୋ ଖାଡ୍ ଖାନିଜ୍ ଡିଲାଜି ମାରୁଆର୍ ।

୧୯ ଆୟା ନାଣ୍ଡିଙ୍କ ମିଲିମିଲିକା ଜିସୁ ମାରି ଖାନି ସିସୁର ଆୟା ଗାଡ଼, ଡିସିସି ସଲ୍‌ସିମାର୍‌ଆର ।

ତଗା ମାରାନ୍‌ତାନ୍ ସିକିୟା

(ମାଡିଉ ୨୧:୨୦-୨୨)

୨୦ ମାରି ଅର୍ଲେନ୍ ସାଲ୍‌ଦି ଆୟା ସାରି ସିଜି ସନିଖାଲେ ଖାର ଜିସୁ ଏମେ ତଗା ମାରାନ୍‌ତିଙ୍କ ଆନାଦୁରିଆ ସିତାମାର୍‌ହାନ୍ ଆୟା ମାରାନ୍ ମଦଲ୍‌ତାନ୍ ଖାରସି ସରିକା ସୁଡ଼ତୁର ।

୨୧ ନାସିଖାଲେ ପିତର ଆର୍ଡିରି ମାଟା ଏଡକିଜି ଜିସୁଙ୍କୁ ଇର୍‌ଆନ୍, “ଏ ଗୁରୁ, ସୁଡ଼ଆ, ନିନ୍ ଏମେ ତଗା ମାରାନ୍‌ତିଙ୍କ ଆନାଦୁରିଆ ସିତ ମାର୍‌ଇ, ଆୟା ତଗା ମାରାନ୍ ଖାରସି ସର୍‌ଆ ମାନାଡ଼ ।”

୨୨ ଜିସୁ ଶିଶୁରିଙ୍କ ଖେରତାନ୍, “ମାପୁରୁଦି ମାନୁ ବିଶ୍ୱାସ କିଦୁ ।

୨୩ ନାନ୍ ମିଙ୍ଗ୍ ସଡ଼ ଇଜିନା, ଜେ ଏମେ ଲୋକୁ ଇୟା ଗରନ୍‌ତିଙ୍କ ନିନ୍ ନିଙ୍ଗି ସାମଦୁରୁଡ଼ ସଲ୍‌ସି ଆର୍‌ଆ ଇଜି ଇନାନ୍, ମାରି ଖାନି ନିଜେଦି ମନ୍ ଲୋଇ ଅଡ଼ବିଏଶଗା, ଏମେକା ଇର୍‌ଆ ମାନା, ଆକା ଆନାଡ଼ ଇଜି ବିସ୍‌ବାସ କିନାନ୍, ଖାନି ଉଣ୍ଡିଙ୍କ ଆକା ସଡ଼ ଆନାଡ଼ ।

୨୪ ଆଦେଙ୍ଗ୍, ନାନ୍ ମିଙ୍ଗ୍ ଇଜିନା, ମିର୍ ଏମେ ଏମେକା ପାରତନା କିଜି ଲସ୍‌ନିଦେର୍, ଆକା ଝିଜୁ ପଇନାପ୍ ଇଜି ବିସ୍‌ବାସ କିଦୁ, ଆୟାଝିଜୁ ପଇନିଦେର୍ ।

୨୫ ☆ମାରି, ମିର୍ ଏମେ ସମୟତୁ ପାରତନା କିଦେଙ୍ଗ୍ ନିଙ୍ଗିନିଦେର୍, ଜଦି ଏ ବିରୁଦ୍‌ତାନ୍ ମିଙ୍ଗ୍ ଇଜି ମାଟା ମାନାଡ଼, ଖାନିଙ୍କ କେମା କିଦୁ, ଆଦେଙ୍ଗ୍ ମି ମୁସ୍‌କୁପୁରତି ବୁବା ବା ମିଙ୍ଗ୍ ଝିଜୁ ପାପକେମା କିନାନ୍ ।

୨୬ ମାତର୍ ମିର୍ ଜଦି ଆଇ ଲୋକାଙ୍ଗ୍ କେମା କିଇଦେର୍, ଆଦେଙ୍ଗ୍ ମି ମୁସ୍‌କୁପୁରତି ବୁବା ବା ମିଙ୍ଗ୍ ପାପ୍ ଝିଜୁ କେମା କିଏନ୍ ।”*

ଜିସୁଦି ଅଦିକାର୍ ବିସୟତୁ ଖେନ୍‌ବାତାର୍

(ମାଡିଉ ୨୧:୨୩-୨୭; ଲୁକ ୨୦:୧-୮)

☆ ୧୧:୨୫ ମାଡିଉ ୬:୧୪,୧୫.

* ୧୧:୨୬ ଏସ ପାଢ଼ିଇ ରାସାତିମାନୁ ଇୟା ପଦ ସିଲେଡ଼ ।

୨୭ ମାରିଡ଼େସି ଜିସୁ ମାରି ଖାନି ଶିଶୁର ଜିରୁସାଲମତୁ ଖାତାର; ଜିସୁ ମନ୍ଦିର ଲୋଇ ବୁଲାନି ଖାଲେ ପେରି ଯାଜକ, ସାସ୍ତିର ମାରି ନେତାର ଖାନି ଲାକ୍ତୁ ଖାଜି ଝେନ୍‌ବାତାର,

୨୮ “ନିନ୍ ଏମେ ଅଦିକାରତାନ୍ ଇୟାଞ୍ଜିକୁ କିଜିନି ? ମାରି ଇୟାଞ୍ଜିକୁ ପାଣି କିଦେଙ୍ଗ୍ ନିଂଇ ଏନ୍ ଇୟା ଅଦିକାର ସିତା ମାନାନ୍ ?”

୨୯ ମାତର ଜିସୁ ଖାରିଙ୍ଗ୍ ଇରଥାନ୍, “ନାନ୍ ମିଙ୍ଗ୍ ଉଣ୍ଡି ମାଟା ଝେନ୍‌ବାନା, ନା ମାଟାଦି ଉତର ସିଦାର୍, ଆଦେଙ୍ଗ୍ ନାନ୍ ଏମେ ଅଦିକାରତାନ୍ ଇୟାଞ୍ଜିକୁ କିଜିନା, ଆକା ମିଙ୍ଗ୍ ଇନା ।

୩୦ ଜୋହନତି ହୁବନ୍ ମୁସକୁପୁରୁତାନ୍ ନା ଲୋକା ମାଣକୁ ଆତାଡ଼ ? ନାଂଇ ଝେରୁତୁ ।”

୩୧ ଆବେନ୍ନୁ ଖାର ଖାରି ଖାରି ଲୋଇ ଖାରଗିସାଜି ଇନ୍‌ଡ୍ରେଙ୍ଗ୍ ଆସ୍ତାର, ଜଦି ମୁସକୁପୁରୁତାନ୍ ଇଜି ଇନିକା, ଆବେବ୍ ଖାଣ୍ଡି ଇନାନ୍, ମିର ଇନ୍‌ଦାନିଙ୍ଗ୍ ଜୋହନତିଙ୍ଗ୍ ବିସ୍‌ବାସ୍ କିଇତିଦେବ୍ ?

୩୨ ଜଦି ଯୋହନତି ହୁବନ୍ ଲୋକାମାଣକୁ ଆତାମାନାନ୍ ଇଜି ଇଡ୍ରେଙ୍ଗ୍ ମାପ୍ ଲୋକାଙ୍ଗ୍ ତିଲାଜି ମାର୍ହାପ୍ ? ଇରିଙ୍ଗ୍ ଝିକୁ ଲୋକୁ ମାନାଜି ମାରଥାର ଯେ ଯୋହନ ଅରେନ୍ ବାବବାଦି ଇଜି ।

୩୩ ଖାର ଜିସୁଙ୍ଗ୍ ଉତର ସିତାର, “ମାପ୍ ନେସ୍‌ଏପ୍ ।” ଆୟାଝେନ୍‌କା ଜିସୁ ଖାରିଙ୍ଗ୍ ଇରଥାନ୍, “ନାନ୍ ଏମେ ଅଦିକାରତାଣ୍ଡ ଇୟାଞ୍ଜିକୁ ପାଣି କିଜିନା, ଆକା ନାନ୍ ବା ମିଙ୍ଗ୍ ଝେର୍‌ଏ ।”

୧୨

ଅଙ୍ଗୁର କିଡ଼ିଇ ମାରି ବାଗ୍ରୁ ପାଣିକିନି ଲୋକା କାତା

(ମାତିଡ ୨୧:୩୩-୪୬; ଲୁକ ୨୦:୯-୧୯)

୧ ଇୟା ଝେନ୍‌କା ଜିସୁ ଖାରିଙ୍ଗ୍ କାତାଦାନ୍ ଇରଥାନ୍, ଅରେନ୍ ଲୋକ୍ ଉଣ୍ଡି ଅଙ୍ଗୁର କିଡ଼ିଇ ଆରାମ୍ କିଜି ଆୟା କିଡ଼ିଇଦି ସାରିବେଡ଼ତି କୋଅଟି ତିଆର୍ କିତାନ୍, ମାରି ଅଙ୍ଗୁରରସ ଇଡ଼ଦେଙ୍ଗ୍ ଗୁଟା କାରିତାନ୍ ମାରି କାପ୍‌କିନି ଗୁଡା ତିଆର୍ କିତାନ୍, ଆୟାଝେନ୍‌କା ଖାନ୍ ବାଗ୍ରୁ ପାଣିକିନିଖାରିଙ୍ଗ୍ ଆୟା ତତି ବାଗ୍ରତାନ୍ ସିତାନ୍‌ନୋ ଆଇଦେସ୍‌ତୁ ସୋର୍ହାନ୍ ।

୭ ତାନେ ଝେନ୍‌କା ବାଗ୍‌ତୁପାଣିକିନି ଝାରି ମାଣକୁ ଅଙ୍ଗୁର୍ କିଡ଼ିଇଦାନ ଫଳ ନିଜେତି ବାଗ୍‌ଲୋସ୍‌ନି ତାନି ଉଣ୍ଡିଙ୍ଗ୍ ଝାନ୍ ଅରେନ୍ ଗତିମୁରୁଲିଙ୍ଗ୍ ନାସ୍ତିଝାଲେ ପାଣିକିନିଝାରି ଲାକ୍‌ତୁ ପକ୍‌ତାନ୍ ।

୩ ମାତର୍ ଝାନ୍ ଆୟା ଗତିମୁରୁଲିଙ୍ଗ୍ ଆସ୍‌ତାରୋ ଡାକ୍‌ତାର୍‌ନୋ ଝାଉଁଇ କିୟୁଦୁ ପକ୍‌ତାନ୍ ।

୪ ଆୟାଝେନ୍‌କା ସାଉକାର୍ ମାରି ଅରସୁ ମାରି ଅରେନ୍ ପାଣିକିନି ଗତିମୁରୁଲିଙ୍ଗ୍ ପୋକ୍‌ତାନ୍; ଝାନ୍ ଆୟାଝାନିଙ୍ଗ୍ ବା ଝାନି ତାଲା ପାଟ୍‌ତାନ୍ ମାରି ଝାନିଙ୍ଗ୍ ନିସାର୍ କିତାନ୍ ।

୫ ଇୟା ଝେନ୍‌କା ମାରି ଅରେନ୍ ଝାନିଙ୍ଗ୍ ପକ୍‌ତାନ୍, ଝାନ୍ ଆୟାଝାନିଙ୍ଗ୍ ବା ସାୟାମାର୍‌ଗା ଡାକ୍‌ତାନ୍ । ସାଉକାର୍ ମାରିଡେସି ମାରି ଏସ ଲୋକାଙ୍ଗ୍ ପକ୍‌ତାନ୍; ଝାରି ଲୋଇ ଏସୋ ଲୋକାଙ୍ଗ୍ ଡାକ୍‌ତାନ୍ ମାରି ଏସ ଲୋକାଙ୍ଗ୍ ସାୟାମାର୍‌ଗା କାଡ୍‌ତାନ୍ ।

୬ ସାଉକାର୍‌ତି ଲାକ୍‌ତୁ ଅରେନ୍‌ନେ ବାକି ମାନାନ୍, ଝାଣ୍ଟୁ ଝାନି ନିଜେଦି ଲାଡ୍‌ତି ମାରିନ୍ । ନା ମାରିନ୍‌ତିଙ୍ଗ୍ ଝାନ୍ ଏଣ୍ଡେସବା ମାନାନାର୍, ଇୟାଝାଜା ଅଡ୍‌ବିଜି ସାରାସାରି ଝେନ୍‌କା ଆୟାଝାରି ଲାକ୍‌ତୁ ନିଜେଦି ମାରିନ୍‌ତିଙ୍ଗ୍ ପୋକ୍‌ତାନ୍ ।

୭ ମାତର୍ ଆୟା ବାଗ୍‌ତୁ ପାଣିକିନି ଲୋକୁ ଝାରି ଝାରି ଲୋଇ ଝାଉଁଗିତାନ୍, ଇକାନ୍ ସାଉକାର୍‌ତି ମାରିନ୍, ରାଦୁ, ଝାନିଙ୍ଗ୍ ସାୟାମାର୍‌ଗା ଡାକ୍‌ନାଟ୍; ଆବେଟ୍ ସାଉକାର୍‌ତି ଦନ୍ ଝିଜୁ ମା କିୟୁଦୁ ଝାନାଡ୍ ।

୮ ଆବେଟ୍ ଝାନ୍ ସାଉକାର୍‌ତି ମାରିନ୍‌ତିଙ୍ଗ୍ ଆସ୍‌ତାର୍‌ନୋ ସାୟାମାର୍‌ଗା ଡାକ୍‌ତାନ୍ ମାରି ମାଡାଦିଙ୍ଗ୍ ଅଙ୍ଗୁର୍ କିଡ଼ିଇ ଡିସ୍‌ସି ଆଇ ବାଡିଦୁ ପେରଡା ପକ୍‌ତାନ୍ ।

୯ ଜିସୁ ଝେନ୍‌ବାତାନ୍, “ଇୟା ଝେନ୍‌କା ଆୟା ଅଙ୍ଗୁର୍ କିଡ଼ିଇଦି ସାଉକାର୍ ଇନିକା କିନାନ୍ ?” ଆୟା ସାଉକାର୍ ଝାଜି ଏଣ୍ଡେସବା ଆୟାଝାରିଙ୍ଗ୍ ସାୟାମାର୍‌ଗା ଡାକ୍‌ନାନ୍ ମାରି ଆୟା ଅଙ୍ଗୁର୍ କିଡ଼ିଇଦିଙ୍ଗ୍ ଆଇ ଲୋକାଙ୍ଗ୍ ବାଗ୍‌ତୁ ପାଣିକିନି ଉଣ୍ଡିଙ୍ଗ୍ ସିନାନ୍ ।

୧୦ ମିର୍ ଦାମ୍‌ସାସ୍ତ୍ରଦୁ ଇୟା ମାଟା ବା ପଡାଇଦେର୍, ଇଜୁ ତରୁନି ମିସ୍ତ୍ରର୍ ଏମେ କାଲୁଦିଙ୍ଗ୍ ଦର୍କାର୍ ଆଏଡ୍ ଇର୍ହାର୍, ଆକାନେ କନାଦି ମୁଲ୍ କାଲୁ ଆତାଡ୍;

୧୧ ପ୍ରଭୁ ମାଣକୁ ଇକା ଆତାଡ଼,
ମାରି ଆକା ମା ଉଣ୍ଡିଙ୍ଗ ଏସା କାବାଦି ମାଟା !

୧୨ ଆବେନ୍ ଜିହୁଦି ନେତାର୍ ଝାନିଙ୍ଗ ଆସ୍ତେଙ୍ଗ ଇଜି ବଦାକିତାର୍,
ମାତର୍ ଝାର୍ ଲୋକାଙ୍ଗ ତିଲାତାର୍; ମାତର୍ ଜିସୁ ଇୟା ମାଟା ଝାରିଙ୍ଗ
ସୁଡ଼ଜି ଇନ୍‌ଜିନାନ୍ ଇଜି ଝାର୍ ନେସ୍ତେଙ୍ଗ ଆର୍ତ୍ତାର୍, ମାରି ଝାର୍
ତିଲାଜି ଜିସୁଙ୍ଗୁଁ ଡିସ୍‌ସି ସରଆର୍ ।

ସିସୁରୁ ସିନି ବିସୟତୁ ମାଟା

(ମାତିଉ ୨୨:୧୫-୨୨; ଲୁକ ୨୦:୨୦-୨୬)

୧୩ ଝେନ୍‌କା ଏସ ପାରୁସିର୍ ମାରି ହେରୋଦ ରାଜା ଦଲତି ମାଣକୁ
ଏସ ଲୋକାଙ୍ଗ ଜିସୁଦି ମାଟାଦି ଭୁଲ୍‌ତିଙ୍ଗ ଆସ୍‌ସି ଗୁଟାଦୁ ପକ୍ତେଙ୍ଗ
ଇଜି ଝାର୍ ପକ୍ତା ମାର୍‌ଆର୍ ।

୧୪ ଝାର୍ ଝାତା ରୋ ଜିସୁଙ୍ଗୁଁ ଇର୍ହାର୍, “ଏ ଗୁରୁ, ମାପ୍ ନେସ୍‌ନାପ୍,
ନିନ୍ ସଡ଼ ମାରି ଏମେ ଲୋକାଙ୍ଗ ବା ତିଲାଜ; ଇରିଙ୍ଗ ନିନ୍ ଏମେ
ଲୋକାଙ୍ଗ ବା ମକମ୍ ସୁଡ଼‌ସୁଣ୍‌ଗା କିନି, ମାତର୍ ସଡ଼ତାନ୍ ମାପୁରୁଡି
ସାରିଦି ବିସୟ ଶିକ୍ଷା ସିନି । ମାଙ୍ଗୁଁ ଝେର୍‌ଆ କାଈସର୍ ରାଜାଏଙ୍ଗ
ସିସୁରୁ ସିଦେଙ୍ଗ ନିୟମନୋ ସିଲେଡ଼ ?”

୧୫ ମାଡୁ ସିନା ତୋ ସିଲେ ? ମାତର୍ ଜିସୁ ଝାରି ସାଲାକି
ନେସ୍‌ତାନ୍‌ନୋ ଝାରିଙ୍ଗ ଇର୍‌ଆନ୍, “ଏନ୍‌ ନାଂଇ ଉରିଦୁ ପକ୍ତେଙ୍ଗ
ବଦାକିଜିନିଦେର୍ ? ଉଣ୍ଡି ଟାକା ଅଦ୍‌ଲି ତାରୁଙ୍ଗ ନା ଲାକ୍‌ତୁ ତାଗାଟ୍,
ନାନ୍ ଆକା ସୁଣା ।”

୧୬ ଆବେଟ୍ ଝାର୍ ଉଣ୍ଡି ଟାକା ଅଦ୍‌ଲି ତାତାର୍ । ଜିସୁ ଝାରିଙ୍ଗ
ଝେନ୍‌ବାତାନ୍, “ଇୟା ଟାକା ମୁସ୍‌କୁ ଏ ଦର୍ ମାନାଡ଼ ମାରି ଏ ବମା
ମାନାଡ଼ ?” ଝାର୍ ଜିସୁଙ୍ଗୁଁ ଇର୍ହାର୍, “କାଈସର୍ ରାଜାଦି ।”

୧୭ ଜିସୁ ଝାରିଙ୍ଗ ଇର୍‌ଆନ୍, “କାଈସର୍ ରାଜାଦି ଆମାକା, ଆକା
କାଈସର୍ ରାଜାଦିଙ୍ଗ ସିଦୁ, ମାରି, ମାପୁରୁଦି ଏମେକା, ଆୟାକା
ମାପୁରୁଦିଙ୍ଗ ସିଦୁ ।” ନାସ୍ତିଝାଲେ ଝାର୍ ଜିସୁ ମାଟାଦାନ୍ ନାଣ୍ଡ
କାବାଆତାର୍ ।

ଡେସିଜିବନ୍‌ଆନି ବିସୟତୁ ଝାର୍‌ଗିଜିସାନିକା

(ମାତିଉ ୨୨:୨୩-୩୩; ଲୁକ ୨୦:୨୭-୪୦)

୧୮ ତାନି ଝେନକା ସାତି ସରଈ ଲୋକୁ ମାରିଡ଼େସି ଜିବନ୍‌ଆଜି ନିଙ୍ଗନାର୍‌ ଇଜି ବିସବାସ କିଇ ସାଦୁକିର୍‌ ଖାନି ଲାକ୍‌ତୁ ଖାଜି ଇୟା ମାଟା ଆସସି ଝେନ୍‌ବାଦେଙ୍ଗ୍‌ ଆସଡାର୍‌,

୧୯ “ଏ ଗୁରୁ, ମୋସା ମା ଉଣ୍ଡିଙ୍ଗ୍‌ ଇୟା ନିୟମ୍‌ ଖାଟା ମାନାନ୍‌ ଯେ, ଜଦି ଏମେ ଲୋକା ତଡ଼ାନ୍‌ ସାନାନ୍‌, ମାରି ଖାନି ଆଡ଼ିସ୍‌ ଜିବନ୍‌ ମାନାଡ଼, ମାରି ଆୟା ରାଣ୍ଡି ଆଇମା ମାନୁ କଡ଼କକରା ସିଲେର୍‌, ଆଦେଙ୍ଗ୍‌ ଆୟା ଖାନି ତଡ଼ାନ୍‌ ଖାନି ଆଡ଼ିସ୍‌ ଇଡ଼ନାନ୍‌ ମାରି ଖାନିଙ୍ଗ୍‌ ଏମେ କଡ଼କକରା ଜନମ୍‌ ଆନାର୍‌, ନିଜେଦି ତଡ଼ାନ୍‌ ଉଣ୍ଡିଙ୍ଗ୍‌ କୁଟୁମ୍‌ କିଦେଙ୍ଗ୍‌ ଆନାଡ଼ ।

୨୦ ସୁଡ଼ତୁ, ସାଡ଼ଲୋକ୍‌ ତଡ଼ାନ୍‌କୁ ମାର୍‌ହାର୍‌; ଝିଜେରିଙ୍ଗ୍‌ ପେରି ତଡ଼ାନ୍‌ ପେଡ଼ି ଆତାନ୍‌ନୋ କଡ଼କକରା ଜନମ୍‌ ଆଏଣ୍ଡା ସାତା ସର୍‌ହାନ୍‌;

୨୧ ଝେନକା ଖାନି ଝେନକାରି ତଡ଼ାନ୍‌ ତାନିଙ୍ଗ୍‌ ପେଡ଼ି ଆତାନ୍‌ନୋ କଡ଼କକରା ଜନମ୍‌ ଆଏଣ୍ଡା ସାତା ସର‌ଆନ୍‌ । ଆୟାଖାଜା ମାରି ଅରେନ୍‌ବା ପେଡ଼ି ଆତାନ୍‌,

୨୨ ମାରି ଆୟାଖାଜା ସାଡ଼ ଲୋକୁ ତଡ଼ାନ୍‌କୁ ଝିଜେରେ ତାନିଙ୍ଗ୍‌ ପେଡ଼ି ଆଜି କଡ଼କକରା ଜନମ୍‌ ଆଏଣ୍ଡା ସାତାସର‌ଆର୍‌; ଝିଜେରି ସାରା ସାରି ଆୟା ଆଇମା ବା ସାତା ସୋର୍‌ହାଡ଼ ।

୨୩ ମାରିଡ଼େସି ଜିବନ୍‌ ଆନି ଦିନ୍‌ତୁ ଏସିଖାଲେ ସାତିସରି ଲୋକ୍‌ଝିଜୁ ମାରି ଅର୍‌ସୁ ଜିବନ୍‌ଆଜି ନିଙ୍ଗନାର୍‌, ନାସିଖାଲେ ଆୟା ଆଇମା ଏମେ ଲୋକ୍‌ତି ଆଡ଼ିସ୍‌ ଆନାଡ଼ ? ସାଡ଼ ଲୋକୁ ତଡ଼ାନ୍‌କୁ ଝିଜେରେତୋ ଆୟା ଆଇମାଦିଙ୍ଗ୍‌ ପେଡ଼ି ଆତାମାର୍‌ହାର୍‌ ।”

୨୪ ଜିସୁ ଖାରିଙ୍ଗ୍‌ ଇର୍‌ହାନ୍‌, “ମିର୍‌ ମାପୁରୁଦି ଦାମ୍‌ସାସ୍ତ୍ର, ମାରି ମାପୁରୁଦି ସାକ୍ତି ନେସ୍‌ଏଣ୍ଡା ଭୁଲ୍‌ କିତିମାନିଦେର୍‌ ।

୨୫ ଆଦେଙ୍ଗ୍‌ ସାତି ଲୋକାମାଣକୁ ଡ଼େସିଜିବନ୍‌ଆଜି ନିଙ୍ଗତି ଝେନକା ଲୋକୁ ପେଡ଼ି ଆଏର୍‌ କି ପେଡ଼ି ବା କିବିସ୍‌ କିଏର୍‌, ମାତର୍‌ ଖାର୍‌ ଝିଜେରେ ମୁସ୍‌କୁପୁରତି ଦୁଡ଼କା ଖାଜା ତେବାନାର୍‌ ।

୨୬ ମାତର୍‌ ସାତିକାର୍‌ ଜେ ମାରିଡ଼େସିଜିବନ୍‌ ଆଜି ନିଙ୍ଗନାର୍‌, ମିର୍‌ ଆୟା ବିସୟ୍‌ତୁ ମୋଶାଦି ବଇଦୁ ଦୁପା କାସ୍‌ନି ବିସୟ୍‌ ପଡ଼ାଇଦେର୍‌ ନୋ ? ମାପୁରୁ ଖାନିଙ୍ଗ୍‌ ଏଣ୍ଡେସ୍‌ ଇର୍‌ଆନ୍‌, ମାପ୍‌ ଅବ୍ରାହାମତି ମାପୁରୁ, ଇସ୍ରାଏଲ୍‌ତି ମାପୁରୁ ମାରି ଜାକୁବଦି ମାପୁରୁ ।

୨୭ ୱାଣ୍ଟିଲୋକ୍ତି ମାପୁରୁ ଆଏନ୍, ମାତର୍ ଜିବନ୍ମାନି
ଲୋକା ମାପୁରୁ । ମିର୍ ବେସି ବାମା ଆଜିନିଦେର୍ ।”

ଆମାକା ପେରି ଆଦେସ୍

(ମାତିଉ ୨୨:୩୪-୪୦; ଲୁକ ୧୦:୨୫-୨୮)

୨୮ ନାସ୍ତିଝାଲେ ସାସ୍ତିରି ମାଣ୍ଟୁ ଅରେନ୍ ଲାକ୍ତୁ ଝାତାନ୍ ନୋ
ଝାରି ଝିଜୁ ମାଟା ଝେନ୍ଜି ମାଟ୍ଆନ୍ ମାରି ସାଦୁକାରିଙ୍ଗ୍ ଜିସୁ ଟିକ୍
ଉତର୍ ସିତାମାନାନ୍, ଇକା ନେସ୍ତେଙ୍ଗ୍ ଆଟ୍ତାନନୋ ୱାଣ୍ଟି ଜିସୁଙ୍ଗ୍
ଝେନ୍ବାତାନ୍, “ଝିଜୁ ଆଦେସ୍ ଲୋଇରାନ୍ ଆମାକା ପେରି ଆଦେସ୍
?”

୨୯ ଜିସୁ ଇଟ୍ଆନ୍, “ପେରି ଆଦେସ୍ ଇକା, ଏ ଇସ୍ରାଏଲ୍, ଝେଣ୍ଟି
ପ୍ରୁ ମା ମାପୁରୁ ଅରେନ୍ନେ ପ୍ରୁ ମାନାନ୍;

୩୦ ମାରି, ମିର୍ ମି ପୁରା ମେନ୍ଦଲ୍, ପୁରା ଜିବନ୍, ପୁରା ମନ୍ ମାରି
ପୁରା ବପୁ ସିଜି ପ୍ରୁ ମି ମାପୁରୁଙ୍ଗ୍ ଲାଡକିଦୁ ।

୩୧ ମାରି ଉଣ୍ଟି ପେରି ଆଦେସ୍ ଆଜିନାଡ୍, ମିର୍ ଲାକ୍ତୁରି
ଲୋକାଙ୍ଗ୍ ନିଜେଦିଙ୍ଗ୍ ଜିବନ୍ନୋଡିଝାଜା ଜିବନ୍ନୋଦୁ । ଇୟା ରୁଣ୍ଟି
ଆଦେସ୍ ଡିସ୍ତିଙ୍ଗ୍ ଆଇ ମାରି ପେରି ଆଦେସ୍ ଇନିକା ସିଲେଡ୍ ।”

୩୨ ଆବେଟ୍ ଆୟା ସାସ୍ତି ଜିସୁଙ୍ଗ୍ ଇଟ୍ଆନ୍, “ଏ ଗୁରୁ, ଆକା ସଡ୍,
ଝାଣ୍ଟି ୁନେ ଅରେନ୍ ମାରି ଝାନିଙ୍ଗ୍ ଡିସ୍ତିଙ୍ଗ୍ ଏନ୍ବା ସିଲେନ୍, ଇକା
ନିନ୍ ସଡ୍ ଝେଟ୍ ମାନି ।

୩୩ ମାରି, ଅରେନ୍ ଲୋକ୍ତିଙ୍ଗ୍ ପୁରା ମେନ୍ଦଲ୍, ପୁରା ବୁଦି ମାରି
ପୁରା ବପୁ ସିଜି ମାପୁରୁଦିଙ୍ଗ୍ ଲାଡ୍ କିନିକା ମାରି ଲାକ୍ତୁରି ଲୋକାଙ୍ଗ୍
ଲାଡ୍ କିନିକା ଇୟାଝିଜୁ ଦୁପ୍ପଣି ଆଡିକିନିକା ନି ପୁଜା ସିନି ମାଣ୍ଟୁ ନାଣ୍ଟି
ପେରିକା ।”

୩୪ ☆ସାସ୍ତି ବୁଦିଦାନ୍ ଇଟ୍ଆମାନାନ୍ ଇଜି ନେସ୍ସି ଜିସୁ ଝାନିଙ୍ଗ୍
ଇଟ୍ଆନ୍, “ନିନ୍ ମାପୁରୁଦି ରାଜିଦାନ୍ ଆକ ସିଲି ।” ଆବେଟ୍‌କୁ ଜିସୁଙ୍ଗ୍
ଏନ୍ବା ଇନି ପ୍ରସ୍ନ ଝେନ୍ବାଦେଙ୍ଗ୍ ସାସ୍ କିଏତାଟ୍ ।

କ୍ରିସ୍ତ ଦାଉଦତି ମାରିନ୍

(ମାତିଉ ୨୨:୪୧-୪୬; ଲୁକ ୨୦:୪୧-୪୪)

୩୫ ମାତର ଜିସୁ ମନ୍ଦିରରୁ ସିକିୟା ସିନିଝାଲେ ଖେନ୍ଦବାତାନ, କ୍ରିସ୍ତ ଜେ ଦାଉଦତି ମାରିନ୍ ଇଜି, ସାସ୍ତ୍ରୁ ଏଣ୍ଡେସ୍ ଇଜିନାର ?

୩୬ ଦାଉଦ ନିଜେ ପବିତ୍ର ଆତ୍ମାଦି ବସୁ ପଇଜି ଇରଥାମାର୍ଥାନ, ପ୍ରବୁ ନା ପ୍ରବୁଙ୍ଗ ଇରଥାନ, ମାପ୍ ଆମାସାନ୍ଦି ନି ଝିଜୁ ସାତୁରିଙ୍ଗ୍ ନି ପାଦାମ୍ବାଙ୍ଗ୍ ଆଡ଼ଗି ଇଡ଼ଏପ୍, ଆୟା ସାନ୍ଦି ମା ଉଣେରି କିୟୁ ତରିଣୁ ବାସସ ମାନଆ ।

୩୭ ଦାଉଦ ନିଜେ କ୍ରିସ୍ତଙ୍ଗ୍ ପ୍ରବୁ ଇଜି ଇନାନ, ମାପୁରୁଦି ବାସସିକିତି ରକିୟା କିନି କ୍ରିସ୍ତ ଏଣ୍ଡେସ୍ ଝାନି ମାରିନ୍ ଆନାନ ? ଝିଜେରେ ଲୋକ୍ ଝେଡ଼ିକାଦାନ ଝାନି ମାଟା ଝେନ୍ଦିମାର୍ଥାନ ।

ସାସ୍ତ୍ରୁରି ମାଣ୍ଡକୁ ଜାଗାରତା

(ମାତିଉ ୨୩:୧-୩୬; ଲୁକ ୨୦:୪୫-୪୭)

୩୮ ମାରିଡେସି, ଝାନ ଝାନି ସିକିୟାଦାନ ଇରଥାନ, “ସାସ୍ତ୍ରୁରି ମାଣ୍ଡକୁ ଜାଗାରତା ! ଝାରୁ ନିରଇ ଆଙ୍ଗ୍ ଆରାଜି ବୁଲାଦେଙ୍ଗ୍, ମାରି ସାତାସାଉକାଦୁ ମାଡ଼ିସ୍ କିପିର ଇଜି ବଦାକିନାର ।

୩୯ ପାରତନା କିନି ଇଲୁଦୁ ପେରି ଗଦିଦି ବାଡି ମାରି ବୋଜିଦୁ ପେରି ବାଡି ପଇଦେଙ୍ଗ୍ ଝାର ବଦାକିନାର;

୪୦ ଝାର ରାଣ୍ଡି ଆଇମେକା ଇଲକାଙ୍ଗ୍ ଝିଜୁ ନାସ୍ତୁ କିନାର ମାରି ବାଣ୍ଡିସକିଜି ନିରଇ ପାରତନା କିନାର; ଝାର ନାଣ୍ଡ ଦଣ୍ଡ ପଇନାର ।”

ଅରେଡ଼ ରାଣ୍ଡି ଆଇମା ଦାନ ସିନିକା

(ଲୁକ ୨୧:୧-୪)

୪୧ ଅରଲେନ୍ଦ ଜିସୁ ମନ୍ଦିରରୁ ଦାନ ସିନି ପେଡ଼ା ଲାକ୍ତୁ ବାସତାନନୋ ଲୋକ୍ ଝିଜେରେ ଏଣ୍ଡେସ୍ ପେଡ଼ାଦୁ ଦାନ ସିଜିନାର, ଆକା ସୁଡ଼ଜିମାର୍ଥାନ, ନାସ୍ତିଝାଲେ ଆବେ ମାରଇ ମାଜନ୍ ଲୋକ୍ ନାଣ୍ଡ ଡାବୁଙ୍ଗ୍ ପକ୍ତାର;

୪୨ ମାରି, ଅରେଡ଼ କାକୁତ ରାଣ୍ଡି ଆଇମା ଝାତା ଦୋ ରୁଣ୍ଡି ଟାକାଦି ଅଦଲିଙ୍ଗ୍ ଉଣ୍ଡି ଟାକାଦି ଅଦଲିଦାନ ବା ଉଣା ଆକା ଆବେ ନିରତାଡ଼ ।

୪୩ ଆବେନ୍ନୁ ଜିସୁ ଝାନି ସିସୁରିଙ୍ଗ୍ କୁକ୍ତାନନୋ ଇରଥାନ, “ନାନ ମିଙ୍ଗ୍ ସଡ଼ ଇଜିନା, ଇୟା ପେଡ଼ା ଲୋଇ ଡାବୁଙ୍ଗ୍ ସିଡିମାନି ଲୋକା ଭିତ୍ତେ ଇୟା କାକୁତ ରାଣ୍ଡି ଆଇମା ନାଣ୍ଡ ସିତାମାନାଡ଼ ।

୪୪ ଇରିଙ୍ଗ୍ ଝିଜେରେ ମାଜନ୍ ଲୋକୁ ତାମେ ତାରୁକୁଁ ବିତ୍ତେ ଅଡ଼ପ୍ ଅଡ଼ପ୍ ସିତାର୍, ମାତର୍ ଇୟା ରାଣ୍ଡି ଆଇମା ତାନି ଜିବନ୍ ଜିନି ଉଣ୍ଡିଙ୍ଗ୍ ଏସ୍ ତାନି ମାନୁ ମାର୍ଆଡ଼, ଆକା ଝିଜୁ ସିତାମାନାଡ଼ ।”

୧୩

ଜିସୁ ଜିରୁସାଲମ୍ ମନ୍ଦିର୍ ଦଂସ ଆନି ବିସୟ୍ ଇର୍ଆନ୍
(ମାତିଉ ୨୪:୧-୨; ଲୁକ ୨୧:୫-୬)

୧ ଅର୍ଲେନ୍ ଜିସୁ ମନ୍ଦିର୍ତାନ ସହସି ସନିଝାଲେ ଝାନି ସିସୁରି ମାଣ୍ଡକୁ ଅରେନ୍ ସିସୁ ଜିସୁକୁଁ ଇର୍ଆନ୍, “ଏ ଗୁରୁ, ସୁଡ଼ଥୁଆ, ମନ୍ଦିର୍ତତି ଇଲୁ ମାରି ମନ୍ଦିର୍ତତି ପେରି ପେରି କାଲ୍କୁ ଏସା ନେଗେନ୍ ତର୍ଜିନେ ।”

୨ ଜିସୁ ଝାନିଙ୍ଗ୍ ଇର୍ଆନ୍, “ନିନ୍ ଇନିକା ଇୟାଝିଜୁ ପେରି ମେଡ଼, ଇଲୁ ସୁଡ଼ଜୁନି ? ଉଣ୍ଡି କାଲୁ ଆଇ କାଲୁ ମୁସ୍କୁ ତେବାଏଡ଼, ଆକା ଝିଜୁ ଆର୍ଜି ବୁମିବୁ ମିସାନାଡ଼ ।”

ଜିସୁ ଜୁଗ୍ସେସ୍ତି ବାଦା ବିସୟ୍ତାନ ଝେର୍ତାନ
(ମାତିଉ ୨୪:୩-୧୪; ଲୁକ ୨୧:୭-୧୯)

୩ ତାନେ ଝେନ୍କା ଜିସୁ ମନ୍ଦିର୍ ଆଗ୍ତିରି ଜିତ ଗରନ୍ ମୁସ୍କୁ ବାସ୍ତା ମାର୍ଆନ୍ ଆବେ ପିତର, ଜାକୁବ, ଜୋହନ ମାରି ଆନ୍ଦ୍ରିୟ ଜିସୁକୁଁ ଏନ୍ବା ନେସ୍ଇଝାଜା ଝେନ୍ବାତାର୍, ଇୟାଝିଜୁ ଏସାଙ୍ଗ୍ ଗଟାନାଡ଼,

୪ “ମାରି ଇୟାଝିଜୁ ଏମେ ସମୟ୍ତୁ ଇଗା ଝାନିଝାଜା ଆନାଡ଼,” ଆୟାଝାଲେରି ସିନା ଇନିକା, “ଆକା ମାଙ୍ଗ୍ ଇନ୍ଆଁ ।”

୫ ଆବେନ୍ତୁ ଜିସୁ ଝାରିଙ୍ଗ୍ ଇର୍ଆନ୍, ଜାଗାର୍ତା, ଏନ୍ ଏଣ୍ଡେସ୍ ମିଙ୍ଗ୍ ବାମ୍ରେ କିଏନ୍ ।

୬ ନାଣ୍ଡଲୋକ୍ ନା ଦର୍ତାନ ଝାଜି ମାପ୍ କ୍ରିସ୍ ଇଜି ଇନାର୍, ଲୋକାଙ୍ଗ୍ ଝାର୍ ନାଣ୍ଡ ବାମ୍ରେ କିନାର୍ ।

୭ ମାତର୍ ମିର୍ ଏସିଝାଲେ ଜୁଦ୍ ଆନି ବିସୟ୍ ଝେନିଦେର୍ ମାରି ଜୁଦ୍ ଆନି ଲୋକା ଆଉଲି ଝେନିଦେର୍, ଆୟାଝାଲେ ମିର୍ ଡିଲ୍ଲାମାଟ୍, ଇୟାଝିଜୁ ପୁରା ଗଟାନାଡ଼, ମାତର୍ ଇୟାତାନି ଅର୍ଡ ଆଏଡ଼ ଜେ ଜୁଗ୍ ସେସ୍ଆନି ଦିନ୍ ଲାକ୍ତୁ ।

୮ ଇରିଙ୍ଗ ଜାତି ଲୋଇ ଜାତି ଲୁଦ୍ ଆନାତ୍ ମାରି ଉଣ୍ଡି, ରାଜି ମାରି ଉଣ୍ଡି, ରାଜି ବିରଦ୍ ତୁ ଲୁଦ୍ କିନାର୍, ମାରି ଏସ ବାଡିଦୁ ଦିରେ ଦିରେ ବୁମିକମ୍ ଆନାତ୍ ମାରି ଝିଜୁ ଲୋକାଙ୍ ଉଣ୍ଡେଙ୍ ପୁର୍ଏଡ୍; ଇୟାଝିଜୁ ଜନମ୍ କିନି କାସ୍ତୁଦି ଆରାମ୍ ମାତର୍ ।

୯ ☆ମାତର୍ ମିର୍ ନିଜେ ନିଜେଦି ବିସୟତାନ୍ ଜାଗାର୍ତା ମାନଡ୍; ଲୋକୁ ମିଙ୍ଗ୍ ତର୍ସି ବିସାର୍ କିନି ବାଡିଦୁ ଅନାର୍ତର ସର୍ପେ କିନାର୍, ମିର୍ ପାରତନା କିନି ଇଲୁଦୁ ମାଡ୍ ତିନିଦେର୍ । ମାରି ମିର୍ ନା ସିସୁ ଆତିମାନିଙ୍ ପେରି ନେତା ନି ରାଜାରି ଆଗ୍ତି ଝାରି ଉଣ୍ଡିଙ୍ ସାକି ସିଦେଙ୍ ଇଜି ନିଲ୍ପସ୍ କିନାର୍ ।

୧୦ ମାରି, ଇୟାକା ଗଟାନି ଆଗ୍ତି ଝିଜୁ ଲୋକା ଲାକ୍ତୁ ସୁସମାତାର୍ ପ୍ରଚାର୍ ଆନାତ୍ ।

୧୧ ଏସ୍ତିଝାଲେ ଲୋକୁ ମିଙ୍ଗ୍ ଆସ୍ନା ଅନାରୋ ସର୍ପେ କିନାର୍, ନାସ୍ତିଝାଲେ ମିର୍ ଇନିକା ଇନିଦେର୍, ଆୟା ବିସୟତାନ୍ ଆଗିଡିରାନ୍ ସିନ୍ତା କିମାଟ୍, ମାତର୍ ଆୟା ସମୟତୁ ମିଙ୍ଗ୍ ଇନିକା ପୁର୍ନାଟ୍, ଆକା ଇଡ୍; ଇରିଙ୍ଗ୍ ମିର୍ ଇନି ଲୋକୁ ଆଇଦେର୍, ମାତର୍ ପବିତ୍ର ଆମ୍ ମା ଉଣ୍ଡିଙ୍ ମାଟା ଇନାଟ୍ ।

୧୨ ଆୟା ସମୟତୁ ଲୋକୁ ତଡାନ୍ ତଡାନ୍ତିଙ୍ ମାରି ବୁବା ମାରିନ୍ତିଙ୍ ସାପିସ୍ତେଙ୍ ଇଜି ସର୍ପେ କିଜି ସିନାର୍; ମାରି, କଡକକରା ବୁବାସି ଆଇସି ବିରୁଦ୍ତାନ୍ ନିଙ୍ଗନା ରୋ ଝାରିଙ୍ ସାୟାମାର୍ଗା ଡାକ୍ନାର୍;

୧୩ ☆ମାରି, ମିର୍ ନା ଝେନ୍କା ଝାନି ଲୋକୁ ଆତିମାନିଙ୍ ମିଙ୍ଗ୍ ଝିଜେରେ କାଡ୍ନାର୍; ମାତର୍ ଆମାକାନ୍ ସାରାସାରି ଝେନ୍କା ସାନ୍ଦି ସାସ୍ଆସ୍ସି ତେବାନାନ୍, ଝାନ୍ ରକିୟା ପଇନାନ୍ ।

ନାସ୍ତୁକିନି କାଡ୍ନି ବିସୟତୁ ମାଟା ଜିସୁ ଇର୍ଆନ୍

(ମାତିଡ ୨୪:୧୫-୨୮; ଲୁକ ୨୧:୨୦-୨୪)

୧୪ ମାତର୍ ମିର୍ ଏସ୍ତିଝାଲେ ଆୟା ନାସ୍ତୁକିନି କାଡ୍ନି ଜିନିସ୍ତିଙ୍, ଏମେ ବାଡିଦୁ ମାନଡ୍ରେଙ୍ ନିୟମ୍ ସିଲେଡ୍, ଆୟା ବାଡିଦୁ ମାନିକା ସୁଡୁଦିଦେର୍ ଏମେ ଲୋକ୍ତର୍ ପଡାଦେଙ୍ ନେସ୍ନାର୍ ଝାର୍

ବୁଝାପିବ, “ନାସ୍ତିଖାଲେ ଆମାଲୋକ୍ ଝିଜେରେ ଜିହ୍ୱଦା ଗାଡ଼ତୁ
ମାନାର୍, ଝାର ଗରନ୍ ମୁସ୍କୁ ଉରୁକ୍ସି ସଲିର୍;

୧୫ ☆ ଏନ୍ ସାଡ଼ ମୁସ୍କୁ ଏକନା ମାନାନ୍, ଝାଣ୍ଟୁ ଚୁରସୋ ଝାନି ଇଲ୍ଲତୁ
ଇନି ସାସାପାତି ଅଡେଙ୍ଗ୍ ଇଜି ରାମାକିନ୍ ବା ଇଲ୍ଲୁ ଲୋଇ ଡ଼ଗୁମାକିନ୍;

୧୬ ମାରି, ଏନ୍ କିଡ଼ିଇଦୁ ତେବାନାନ୍, ଝାଣ୍ଟୁ ଝାନି ସାଦର୍ ତାଡେଙ୍ଗ୍
ଇଜି ଡେସି ସଲ୍ଲମାକିନ୍ ।

୧୭ ଆୟାଝାଲେ ପଟାଦୁମାନି ଆଇମାଲୋକ୍ ମାରି ଇସ୍ତି କଡ଼ରିଙ୍ଗ୍
ଆସ୍ତି ପାଲ୍ଲ ଉଟ୍ପିସ୍ତିକିନି ଆଇସିକା ଅବସ୍ତା ଏସ ତାଗ୍ଲକା ଆନାଡ଼,
ଝାକ୍ ନାଣ୍ଟ ଦୁଃକ୍ ବୋଗାନେ !

୧୮ ମାତର୍ ଇକା ଏଣ୍ଡେସ୍ ପିନିକାଡ଼ାଦୁ ଗଟାଏଡ଼, ଆୟା ଉଣ୍ଡିଙ୍ଗ୍
ମାପୁରୁଦି ମାନ୍ ପାର୍ତନା କିଦୁ ।

୧୯ ☆ ଇରିଙ୍ଗ୍ ଆୟାଝାଲେ ଇୟାଝାଜା ଦୁଃକ୍ ଗଟାନାଡ଼ ଜେ,
ମାପୁରୁ ଦୁନିଆଦିଙ୍ଗ୍ ତିଆରି କିଡ଼ି ଝାଲେରାନ୍ ନେର୍ ସାନ୍ଦି ଇୟାଝାଜା
ଗଟାଏଡ଼, ମାରି ଏସାଙ୍ଗ୍ବା ଗଟେ ଆଏଡ଼ ।

୨୦ ମାରି, ଜଦି ପ୍ରବୁ ଆୟା ସମୟ୍ ଏସକାଙ୍ଗ୍ ଉଣା କିତାନ୍ ମାନ୍ଦି,
ଇରିଙ୍ଗ୍ ଆମା ଲୋକ୍ତର୍ ରକିୟା ପଇଦେଙ୍ଗ୍ ଆଟ୍‌ଏତାର୍‌ମାନ୍ଦି;
ମାତର୍ ମାପୁରୁ ଆମା ଲୋକାଙ୍ଗ୍ ଆସ୍ତିକିତା ମାର୍‌ଆନ୍, ଆୟା ବାସ୍ତିକିତ
ଲୋକା ଉଣ୍ଡିଙ୍ଗ୍ ଇଜି ଆୟା ସମୟ୍‌ଡିଙ୍ଗ୍ ଉଣା କିତାମାନାନ୍ ।

୨୧ “ନାସ୍ତିଖାଲେ ଜଦି ଏନ୍ ଇନାନ୍, ସୁଡ଼ଦୁ, କ୍ରିସ୍ତି ଇବେ ମାନାନ୍,
ମାରି ସୁଡ଼ଦୁ, କ୍ରିସ୍ତି ଆବେ ମାନାନ୍,” ଏନ୍ ଜଦି ମିଙ୍ଗ୍ ଇୟାଝାଜା
ଇନାନ୍, ଆଦେଙ୍ଗ୍ ଆକା ବିସ୍‌ବାସ୍ କିମାଟ୍ ।

୨୨ କ୍ରିସ୍ତିର୍ ନି ବଣ୍ଟ ବାବବାଦିର୍ ସନାର୍ ଇୟାଝାଜା ସିନା ମାରି
କାବାଆନି ପାଣି ତରନାର୍ ଜେ, ଜଦି ଆତିଙ୍ଗ୍, ମାପୁରୁ ଆସ୍ତିକିତ
ଲୋକାଙ୍ଗ୍ ବା ବାମ୍‌ରେ କିନାର୍ ।

୨୩ ମାତର୍ ମିର୍ ଜାଗାର୍‌ତା ମାଣ୍ଟୁ ଇୟାଝିଜୁ ଆନି ଆଗ୍‌ଡିନେ ନାନ୍
ମିଙ୍ଗ୍ ଇଜିନା ।

ଜିସୁ ମାରିଡେସି ଝାନି ବିସୟ୍ ଝେର୍‌ତାନ୍

(ମାତିଉ ୨୪:୨୯-୩୧; ଲୁକ ୨୧:୨୫-୨୮)

୨୪ ☆ ମାତର୍ ଆୟା ସମୟ୍‌ତୁ ଆୟା ଦୁଃକ୍ ଝେନ୍‌କା ଝେଡ଼ା ସିକାଟି

ଆନାତ୍ ମାରି ଲେଜୁ ଜାୟ ସିଏଡ଼,

୨୫ ✠ ମାରି ସୁକେଙ୍ଗ୍ ବାଦଡ଼ତାନ୍ ଆର୍ତ୍ତେନେ ମାରି ବାଦଡ଼ତୁ ମାନି ଝିଜୁ ସାକ୍ରିଦିକେଙ୍ଗ୍ ଦୁଙ୍ଗ୍ନେ ସନେ ।

୨୬ ✠ ନାସ୍ତିଝାଲେ ଲୋକୁ ଝିଜୁ ମନୁସ୍ୟପୁତ୍ରଦିଙ୍ଗ୍ ଜେ ନାନ୍ ପେରି ସାକ୍ରିଦାନ୍ ମାରି ମହିମାଦାନ୍ ବାଦଡ଼ତାନ୍ ଝାନିକା ସୁଡ଼ନ୍ତୁର ।

୨୭ ଆୟା ସମୟତୁ ନାନ୍ ଆସକିତି ଲୋକାଙ୍ଗ୍ ପୂତିବିଦି ଇତି କନାଦାନ୍ ବାଦଡ଼ତି ଇତି କନା ସାନ୍ଦି ସାରିବେଡେତି ଲୋକାଙ୍ଗ୍ ଉନ୍ତେମାନୁ ଉଣ୍ଡାକିଦେଙ୍ଗ୍ ଦୁଡ଼କାଙ୍ଗ୍ ପୋକ୍ନାନ ।

ତଗା ମାରାତାନ୍ ଅଜାଦୁ

(ମାତିଉ ୨୪:୩୨-୩୫; ଲୁକ ୨୧:୨୯-୩୩)

୨୮ “ତଗା ମାରାନ୍ତାନ୍ କାତା ଅଜାଦୁ; ଏସିଝାଲେ ତଗା ମାରାତି କମେଙ୍ଗ୍ଡି ଆକୁ ରାଲାଇ ସଲ୍‌ସି ମାରି ପୁନି ଆକୁ ସହସିଝାନେ, ଆୟାଝାଲେ ଜେଟାପ୍ ଲେଞ୍ଜୁ ଇଗା ଝାତାଡ଼ ଇଜି ମିର୍ ନେସ୍‌ସୋ ମାନ୍‌ଡୁ;

୨୯ ଆୟାଝାଜା ମିର୍ ବା ଇୟାଝିଜୁ ଗଟାନିକା ସୁଡ଼କୁ ନାନ୍ ଝାନି ଦିନ୍ ସେରଲା ଲାକ୍‌ତୁ ଇଗା ଝାତାଡ଼ନି ଇଜି, ଇକା ନେସ୍‌ତୁ ।

୩୦ ନାନ୍ ମିଙ୍ଗ୍ ସଡ଼ ଇଜିନା, ଇୟାଝିଜୁ ଗଟେ ଆଇ ସାନ୍ଦି ଇଲେଇ ଜିନିମାନି ଲୋକୁ ଏଣ୍ଡେସ୍ କିଜିବା ସାଏଡ଼ ।

୩୧ ବାଦଡ଼ ନି ଦୁନିଆ ନାସ୍ତି ଆନାତ୍, ମାତର୍ ନା ବାକ୍ୟଝିଜୁ ଏସାଙ୍ଗ୍ ନାସ୍ତି ଆଏଡ଼ ।

ଜିସୁ ଝାନିକା ଏନ୍‌ବା ନେସ୍‌ଏନ୍

(ମାତିଉ ୨୪:୩୬-୪୪)

୩୨ ✠ “ମାତର୍ ଆୟା ଦିନ୍ ବା ଆୟା ଦଣ୍ଡ ବିସୟ ଏନ୍‌ବା ନେସ୍‌ଏନ୍, ମୁସ୍‌କୁପୁରତି ଦୁଡ଼କୁ ନେସେଉ ମାରି ନାନ୍ ମନୁସ୍ୟପୁତ୍ର ବା ନେସେଏ, ଅରେନ୍ ନା ବୁବା ନେସ୍‌ନାନ୍ ।

୩୩ ମିର୍ ଜାଗାରତା ଆଜି ମାନ୍‌ଡୁ, କାପ୍‌କିଜ ମାନ୍‌ଡୁ; ଇରିଙ୍ଗ୍ ଆୟା ଦିନ୍ ଏସାଙ୍ଗ୍ ଆନାତ୍, ଆକା ମିର୍ ନେସ୍‌ଇଦେର୍ ।

୩୪ ☆ଆକା ଇୟାଞ୍ଜା, ଅରେନ୍ ଲୋକୁ ନିଜେଦି ଇଲୁ ତ୍ରିସସୋ ଆଇ ଦେଶ୍ ତେବାଜିନାନ୍, ମାରି ଖାଣ୍ଡୁ ଖାନି ଗତିମୁରୁଲିରିଙ୍ଗ୍ ଝିନ୍ତୁ ଅଦିକାର୍ ସିଜି ପାଣି କିଦେଙ୍ଗ୍ ଇଜି ଇନାମାନାନ୍ ମାରି ଇଲୁ କାପକିନି ଲୋକ୍ତିଙ୍ଗ୍ ବା ଜାଗାର୍ତାଦାନ୍ କାପକିଜ ମାନ୍ତେଙ୍ଗ୍ ଆଦେସ୍ ସିତାମାନାନ୍ ।

୩୫ ମାରି, ଏସିଞ୍ଜାଲେ ଇଲୁଦି ମାଲିକ୍ ଦାପ୍ରେ ଖାନାନ୍ନୋ ମିଙ୍ଗ୍ ସୁଜ୍ନିକା ସୁଣାନ୍,

୩୬ ଆୟା ଉଣ୍ଡିଙ୍ଗ୍ ଜାଗାର୍ତା ମାନ୍ତୁ, ଇରିଙ୍ଗ୍ ଖାଣ୍ଡୁ ମିଲିମିଲିକା ନୋ ମାଜେରନାଡା ନୋ କରୁକେଡ୍ନିଞ୍ଜାଲେ ନୋ ସାଲ୍ଦି, ଏସିଞ୍ଜାଲେ ଖାଣ୍ଡୁ ଖାନାନ୍, ଆକା ମିର୍ ନେସ୍ଇଦେର୍ ।

୩୭ ନାନ୍ ଆମାକା ମିଙ୍ଗ୍ ଇଜିନା, ଆକା ଝିଜେରିଙ୍ଗ୍ ଇଜିନା, ଜାଗାର୍ତା ମାନ୍ତୁ ।”

୧୪

ଜିସୁଙ୍ଗ୍ ଡାକ୍ତେଙ୍ଗ୍ ଯିହୁଦି ନେତାର୍ ଅଡ୍ରିତାର୍

(ମାତିଉ ୨୬:୧-୫; ଲୁକ ୨୨:୧-୨; ଜୋହନ ୧୧:୪୫-୫୩)

୧ ନିସ୍ତାର୍ ପଣ୍ଡୟ ମାରି କମିର୍ସିଲି ରୁଟି ପଣ୍ଡୟ ଉଣି ରିନେଟି ଆଗଡ୍ । ଆୟାଞ୍ଜାଲେ ପେରି ଜାଜକର୍ ମାରି ସାସ୍ତ୍ରିର୍ ଜିସୁଙ୍ଗ୍ ଏନ୍ବା ସୁଡ୍‌ସୁନ୍‌ଶା ଆସ୍‌ସ ଅସ ସାୟାମାର୍‌ଗା ଡାକ୍ତେଙ୍ଗ୍ ଇଜି ଉପାୟ କିଜିମାର୍‌ଆର୍ ।

୨ ଇରିଙ୍ଗ୍ ଖାର୍ ଇହ୍‌ଆର୍, “ପଣ୍ଡୟ ସମୟତୁ ଇୟା ପାଣି କିଦେଙ୍ଗ୍ ଆଏଡ୍,” ଇରିଙ୍ଗ୍ ଆନାଡ୍ ନାସ୍ତିଞ୍ଜାଲେ ଲୋକୁ ଜାଟିଜଗଡା କିନାର୍ ।

ଜିସୁଙ୍ଗ୍ ଅରେଡ୍ ଆଇମା ନିୟୁ ଉସ୍‌ତାଡ୍

(ମାତିଉ ୨୬:୬-୧୩; ଜୋହନ ୧୨:୧-୮)

୩ ☆ଜିସୁ ବେତନିୟାଦୁ କୁସ୍‌ରୋଗ୍ ସିମୋନକା ଇଲ୍‌ତୁ ଉଣ୍ଡେଙ୍ଗ୍ ବାସ୍ତି ମାରିଈଞ୍ଜାଲେ ଅରେଡ୍ ଆଇମା ଉଣ୍ଡି ସାଟିଦୁ ନାଣ୍ଡଦାରାଦି ନେଟି ଉଣ୍ଡି ମାରାତାନ୍ ତିଆର୍‌ଆତି ମାର୍‌ଇ ବାସ୍‌ନା ନିୟୁ ତାତା ଦୋ ଆୟା ସାଟିଦି ତାବ୍‌ଶା ରୁକ୍‌ସି ନିୟୁ ଜିସୁଦି ତାଲାଦୁ ଝାକ୍ତେଙ୍ଗ୍ ଆସ୍‌ତାଡ୍ ।

୪ ଆବେ ମାର୍ଜଇ ଏସ ଲୋକୁ ଆୟା ଆଇମା ନିୟୁ ଖାକତିକା ସୁଡ଼ଜି ରିସା ଆତାର ମାରି ଖାରି ଖାରି ଲଅ ଖାରଗିଜିସାତାର, “ଇୟା ଆଇମା ବାସନା ନିୟୁ ଇୟାଖାଜା ନାସୁ କିନିକା ମାର୍ଆଡ଼ ନୋ ?

୫ ଆୟା ନିୟୁ ତୋ ପଡ଼ତିଙ୍ଗ ଅର୍ଲେନ୍ ଅରେନ୍ କୁଲି କିତି ତାରୁଙ୍ଗୁ ନାସ ପୁଡ଼ତେ ମାନ୍ଧି ମାରି କାକୁତ ଲୋକାଙ୍ଗ ସିଦେଙ୍ଗ ଆତାଡ଼ ମାନ୍ଧି !” ଖାର ଆୟା ଆଇମାଦିଙ୍ଗ କାଡ଼ଦେଙ୍ଗ ଆସ୍ତାର ।

୬ ମାତର୍ ଜିସୁ ଇର୍ଆନ୍, “ଆୟା ଆଇମାଦିଙ୍ଗ ଡ଼ିସ୍ତୁ ! ଇନ୍ଦାନିଙ୍ଗ ତାନିଙ୍ଗ କାସୁ ସିଜିନିଦେର୍ ? ଖାଦତୋ ନା ଉଣ୍ଡିଙ୍ଗ ନେଗି ପାଣି କିତାମାନାଡ଼ ।

୭ କାକୁତ ଲୋକତୋ ଷ୍ଟୁଝାଲେ ମି ଲାକ୍ତୁ ମାନାର୍, ମାରି ଖାରି ଉଣ୍ଡିଙ୍ଗ ମିର୍ ଏସ୍ତିଝାଲେ ବଦାକିନିଦେର୍, ନାସ୍ତିଝାଲେ ଖାରିଙ୍ଗ ସାହାଜ୍ୟ କିଦେଙ୍ଗ ଆର୍ନିଦେର୍; ମାତର୍ ନାନ୍ ଷ୍ଟୁଝାଲେ ମି ଲାକ୍ତୁ ତେବାଏ ।

୮ ତାନି ମାଣାନ୍ ଆମାକା ଆନାଡ଼, ଆକା ଖାଦ କିତାମାନାଡ଼; ନାନ୍ ସାନି ଆଗଡ଼ିନେ ଖାଦ ନା ମେନ୍ଦଲ୍ତୁ ନିୟୁ ଖାକ୍ସି ମୁସ୍ନି ନାଣ୍ଡି ଉଣ୍ଡିଙ୍ଗ ତିଆର୍ କିତାମାନାଡ଼ ।

୯ ନାନ୍ ମିଙ୍ଗ ସଡ଼ ଇଜିନା, ସାରା ଦୁନିଆଦୁ ନା ନେଗିକାବୁର୍ ଏମେ ବାଡ଼ିଦୁ ପ୍ରଚାର୍ ଆନାଡ଼, ଇୟା ଆଇମା ଇନି ପାଣି କିତାମାନାଡ଼, ତାନିଙ୍ଗ ଏଡ଼କିନି ଉଣ୍ଡିଙ୍ଗ ଇୟାଞ୍ଜି ମାଟା ବା ଖେଙ୍ଗ୍ ନାଡ଼ ।”

ଜିସୁଙ୍ଗୁ ସାଡୁରି କିୟୁଦୁ ଆସିସ୍ କିଦେଙ୍ଗ ଇସ୍ତାରିୟତିୟ ଜିହୁଦା ମାନାତାନ୍

(ମାତିଉ ୨୬:୧୪-୧୬; ଲୁକ ୨୨:୩-୬)

୧୦ ଆବେଟ୍ ବାରଲୋକ୍ ସିସୁରି ଲୋଇରାନ୍ ଇସ୍ତାରିୟତିୟ ଜିହୁଦା ଦର୍ଡି ଅରେନ୍ ସିସୁ ଜିସୁଙ୍ଗୁ ଆସ୍ପିସ୍ତେଙ୍ଗ ଇଜି ପେରି ଜାଜକରି ଲାକ୍ତୁ ସର୍ଆନ୍ ।

୧୧ ଆୟା ପେରି ଜାଜକର୍ ଇସ୍ତାରିୟତିୟ ଜିହୁଦାଦି ମାଟା ଖେନ୍ଦି ଖେଡ଼ିକା ଆତାର ମାରି ଆୟା ପାଣିକିନି ଉଣ୍ଡିଙ୍ଗ ଖାନିଙ୍ଗ ଏସ ତାରୁଙ୍ଗୁ ସିଦେଙ୍ଗ ପାରମାଣକିତାର । ଆୟାଖାଲେରାନ୍ ଜିହୁଦା ଜିସୁଙ୍ଗୁ ପେରିଜାଜକରି କିୟୁଦୁ ଆସ୍ପିସ୍ନି ଉଣ୍ଡିଙ୍ଗ ସାରି ପଇଦେଙ୍ଗ ଆସିତାନ୍ ।

ଜିସୁ ଖାନି ସିସୁରିଖାଲେ ନିସ୍ତାର ପଣ୍ଡୟ ଉଚାନ

(ମାତିଉ ୨୬:୧୭-୨୫; ଲୁକ ୨୨:୭-୧୪, ୨୧-୨୩; ଜୋହନ ୧୩:୨୧-୩୦)

୧୨ ଖେନକା କମିରସିଲି ରୁଟି ଉଣି ପଣ୍ଡୟତି ଆଗଡ଼ିରି ନାଣ୍ଡିଙ୍ଗ, ଆମା ନାଣ୍ଡିଙ୍ଗ ନିସ୍ତାର ପଣ୍ଡୟତି ବୋଜି ଉଣ୍ଡିଙ୍ଗ ମେଣ୍ଡାପିଲା କଇନାର, ଆୟା ନାଣ୍ଡିଙ୍ଗ ଖାନି ସିସୁରି ଖାନିଙ୍ଗ ଖେନବାତାର, “ମାପ୍ ନି ଉଣ୍ଡିଙ୍ଗ ସନାପ୍ ନୋ ଏମେ ବାଡ଼ିଦୁ ନିସ୍ତାର ପଣ୍ଡୟତି ବୋଜି ତିଆର୍ କିନାପ୍ ଜଜି ନିନ୍ ବଦା କିଜିନି ?”

୧୩ ଜିସୁ ଖାନି ସିସୁରି ଲୋଇ ରିଏରିଙ୍ଗ ଇୟା ମାଟା ଇର୍ଆ ପକ୍ତାନ, ମିର୍ ଗାଡ଼ୁ ସାନଡୁ, ଆବେ ଅରେନ୍ ଲୋକୁ ଏରୁ ସାଟି ଆସ୍ ସନିକା ସୁଣିଦେର୍; ମାରି ମିର୍ ଖାନି ଖେନକା ଖେନକା ସାନଡୁ ।

୧୪ ଖାନ ଆମା ଇନ୍ତ୍ର ସଲ୍‌ସି ତରୁନାନ୍, ଆୟା ଇନ୍ତ୍ର ମାଲିକ୍‌ତିଙ୍ଗ ଇନ୍ତ୍ର, ଗୁରୁ ଖେନବାଜିନାନ୍, ନାନ୍ ନା ସିସୁରିଖାଲେ ଆମା ଇନ୍ତ୍ର ନିସ୍ତାର ପଣ୍ଡୟତି ବୋଜି କିନା, ଆୟା ନା ବାକ୍ତା ଆମାକା ?

୧୫ ଆବେର୍ ଖାନ ମିଙ୍ଗ୍ ନେଗ୍ରେଣ୍ଡା ତିଆର୍ ଆତିମାନି ଉଣ୍ଡି ମୁସ୍‌କୁରି ପେରି ବାକ୍‌ରା ତରନାନ୍; ଆୟା ବାଡ଼ିଦୁ ମାଡ଼ ପଣ୍ଡୟ ଉଣ୍ଡିଙ୍ଗ ବୋଜି ତିଆର୍ କିଦୁ ।

୧୬ ଆବେର୍ ସିସୁରି ସର୍ହାରୋ ନାରୁଡୁ ତରୁତାର, ମାରି ଖାନ ଖାରିଙ୍ଗ୍ ଏଣ୍ଡେସ୍ ଇର୍ଆମାର୍‌ଆନ୍, ଆୟାଖାଜା ଖାର ନିସ୍ତାର ପଣ୍ଡୟତି ବୋଜି ତିଆର୍ କିତାର ।

୧୭ ମିଲ୍‌ମିଲିକା ଆତାଡ଼ଆକା ଜିସୁ ବାର୍‌ଲୋକ୍ ସିସୁରି ଖାଲେ ଆୟା ଇଲ୍‌ଡୁ ଖାତାର ।

୧୮ ଖାର ବାସ୍‌ସୋ ଉଣିଖାଲେ ଜିସୁ ଇର୍‌ଆନ୍, “ନାନ୍ ମିଙ୍ଗ୍ ସଡ଼ ଜଜିନା, ମି ଲୋଅ ଅରେନ୍, ନାଙ୍ଗ୍ ଏନ୍‌କି ନାଖାଲେ ଉଣ୍ଡିଜିନାନ୍, ଖାନ ନାଙ୍ଗ୍ ସାଡୁରି କିୟୁଦୁ ସର୍‌ପେ କିନାନ୍ ।”

୧୯ ଆବେର୍ ସିସୁରି ଦୁଃକ୍ କିଜି ଅରେନ୍ ଅରେନ୍ ଆଜି ଜିସୁଙ୍ଗ୍ ଖେନବାଦେଙ୍ଗ୍ ଆସ୍‌ତାର, “ଆକାନ୍ ଇନିକା ନାନ୍ ନୋ ?”

୨୦ ଜିସୁ ଖାରିଙ୍ଗ୍ ଇର୍‌ଆନ୍, ବାର୍‌ଲୋକା ଲୋଇ ଅରେନ୍, ଏନ୍‌କି ନାଖାଲେ କୁଡ଼କୁଦୁ କିୟୁ ମୁଡ଼କୁସିନାନ୍ ।

୨୧ ନାନ୍ ସତ୍ ଇଜିନା, “ମନୁଷ୍ୟପୁତ୍ର ଜେ ନାନ୍ ନା ବିସୟତାନ୍ ସାସ୍ତ୍ରୁ ଏଣ୍ଡେସ୍ ରାସାତାମାନାଡ୍, ଆୟାଞ୍ଜାଜା ନାନ୍ ସାଦେଙ୍ଗ୍ ସଲ୍‌ସିନା ଆକା ସତେନେ, ମାତର୍ ମନୁଷ୍ୟପୁତ୍ର ଜେ ନାନ୍ ଆମା ଲୋକତିମାଣାନ୍ ସାତୁରି କିୟୁବୁ ସରପେ ଆଗାସଲ୍‌ସିନା, ଖାଣ୍ଟୁ ଜନମ୍ ଆଏତି ମାର୍‌ରିଙ୍ଗ୍ ଖାନି ଉଣ୍ଡିଙ୍ଗ୍ ନେଗେଣ୍ଡୁ ଆତାଡ୍ ମାନ୍ତି ।”

ପ୍ରବୁ ବୋଜ୍

(ମାତିଉ ୨୬:୨୭-୩୦; ଲୁକ ୨୨:୧୪-୨୦; ୧ କରିନ୍ଥ୍ ୧୧:୨୩-୨୪)

୨୨ ମାରି ଖାର ଉଣିଖାଲେ ଜିସୁ ଉଣ୍ଡି ରୁଟି ଆସ୍‌ତାନନୋ ମାପୁରୁଙ୍ଗ୍ ଦନ୍‌ସବାଦ୍ ସିତାନ୍ ମାରି ରୁଟି ରୁକ୍‌ସି ସିସୁରିଙ୍ଗ୍ ସିଜି ଇର୍ହାନ୍, “ଇକା ତିନ୍‌ଡୁ, ଇକା ନା ମୋନ୍‌ଲ୍ ।”

୨୩ ଆୟାଞ୍ଜେନ୍‌କା ଅଙ୍ଗୁରରସ୍ ଅସି ମାପୁରୁଦି ମାନ୍ ଦନ୍‌ସବାଦ୍ ସିଜି ସିସୁରିଙ୍ଗ୍ ସିତାନ୍ ମାରି ଖିଜେରେ ଅଙ୍ଗୁରରସ୍ ଉଟାଟ୍ ।

୨୪ ମାରି, ଜିସୁ ଖାରିଙ୍ଗ୍ ଇର୍ହାନ୍, “ଇକା ନା ନେତେର୍, ନାନ୍ ନା ଏମେ ନେତେର୍ ଖାକ୍‌ସି ସିଦେଙ୍ଗ୍ ସଲ୍‌ସିନା, ଆକା ମାପୁରୁଦି ଖାଲେ କିତି ପୁନି ନିୟମ୍ । ଆକା ଲୋକା ଉଣ୍ଡିଙ୍ଗ୍ ନାଣ୍ଡ ଦାରା ।

୨୫ ନାନ୍ ମିଙ୍ଗ୍ ସତ୍ ଇଜିନା, ଆମା ନାଣ୍ଡିଙ୍ଗ୍ ନାନ୍ ମାପୁରୁଦି ରାଜିଦୁ ପୁନି ଅଙ୍ଗୁର୍ ପଲ୍‌ତି ରସ୍ ଉଣି ସାନ୍ତି, ନାନ୍ ମାରି ଏସାଙ୍ଗ୍ ବା ଉଣ୍ଡିଏ ।”

୨୬ ଇୟା ଞ୍ଜେନ୍‌କା ଜିସୁ ମାରି ଖାନି ସିସୁର୍ ଉଣ୍ଡି ଦନ୍‌ସବାଦ୍‌ତି ପାଟା ପାରିତି ଞ୍ଜେନ୍‌କା ଜିତ ଗରନ୍ ମୁସ୍‌କୁ ସତାସର୍ହାଟ୍ ।

ଖାନିଙ୍ଗ୍ ପିତର୍ ଆଗ୍‌ତି ଇନିକା କିନାନ୍ ଆକା ଜିସୁ ଞ୍ଜେର୍‌ତାନ୍

(ମାତିଉ ୨୬:୩୧-୩୫; ଲୁକ ୨୨:୩୧-୩୫; ଜୋହନ ୧୩:୩୬-୩୮)

୨୭ ନାସ୍ତିଖାଲେ ଜିସୁ ଖାରିଙ୍ଗ୍ ଇର୍ହାନ୍, “ମିର୍ ଖିଜିଦେର୍ ନାଙ୍ଗ୍ ଡିସ୍‌ନି ଉରକ୍‌ନିଦେର୍ । ସାସ୍ତ୍ରୁ ରାସାତାମାନାଡ୍, “ମାପ୍ ମେଣ୍ଡେଙ୍ଗ୍ ସାରାକିନିଖାନିଙ୍ଗ୍ ସାୟାମାରାଗ୍ ତାକ୍‌ତିଙ୍ଗ୍ ମାରି ମେଣ୍ଡେଙ୍ଗ୍ ଇନିଙ୍ଗ୍ ଆନିଙ୍ଗ୍ ଆନେସନେ ।”

୨୮ ☆ମାତର୍ ନାନ୍ ସାଜି ମାରିଡେସିନିଙ୍ଗ୍ ଡି ଞ୍ଜେନ୍‌କା ମି ଆଗ୍‌ତିନେ ଗାଲିଲି ରାଜିଦୁ ସନା ।

୨୯ ମାତର ପିତର ଜିସୁଙ୍କୁ ଇରୁଆନ୍, “ଝିଜେରେ ଡିସ୍‌ଡିଙ୍ଗ୍ ବା ନାନ୍ ନିଂଇ ମାତର ଡିସ୍‌ଏ ।”

୩୦ ଜିସୁ ପିତରତିଙ୍ଗ୍ ଇର୍ହାନ୍, “ନାନ୍ ନିଂଇ ସଡ଼ ଇଜିନା, ନେରଇ ନାଡ଼ା କରୁରୁ ରିଜା କେଡିନି ଆଗ୍‌ଡି ନିନ୍ ନାଂଇ ମୁଜା ନାନ୍ ନେସେଏ ଇଜି ଲୋକାମାନୁ ଇନି ।”

୩୧ ମାତର ପିତର ନାଣ୍ଡ ଆଟ୍‌ଝାଦାନ୍ ଇରୁଆନ୍, “ନି ଝାଲେ ସାଦେଙ୍ଗ୍ ପଡ଼ାଡିଙ୍ଗ୍ ବା ନାନ୍ ଏସ୍‌କାଙ୍ଗ୍ ନିଙ୍ଗ୍ ନେସ୍‌ଏ ଇଜି ଇନ୍‌ଏ । ମାରି ଆଇ ସିସୁର୍‌ବା ଆୟାଝାଜା ଇର୍ହାର୍ ।”

ଜିସୁ ଗେଡ଼ସିମାନି ତଡିଦୁ ପାର୍‌ତନା କିତାନ୍

(ମାତିଡ ୨୭:୩୭-୪୭; ଲୁକ ୨୨:୩୯-୪୭)

୩୨ ଆୟାଝେନ୍‌କା ଝାର୍ ଗେଡ଼ସିମାନି ଦର୍‌ଡି ଉଣ୍ଡି ବାଡିଦୁ ଝାଡାରୁ, ମାରି ଜିସୁ ଝାନି ସିସୁରିଙ୍ଗ୍ ଇରୁଆନ୍, “ନାନ୍ ପାର୍‌ତନା କିନେଣ୍‌ଗା ମିର୍ ଇବେନ୍‌କୁ ବାସ୍‌ସୋ ମାନ୍‌ଡୁ ।”

୩୩ ମାରି, ଝାନ୍ ପିତର, ଯାକୁବ ମାରି ଜୋହନତିଙ୍ଗ୍ ଅର୍‌ସେ ଅତାନ୍‌ନୋ ନାଣ୍ଡ ସିମ୍‌ମା ମାରି ଦୁଃକ୍ କିଦେଙ୍ଗ୍ ଆସତାନ୍ ।

୩୪ ଆବେର୍ ଝାନ୍ ସିସୁରିଙ୍ଗ୍ ଇରୁଆନ୍, “ନା ଜିବନ୍ ସାନିଝାଜା ଆଜି ନାଣ୍ଡ ଆଡ଼ବାଜିନାଡ଼; ମିର୍ ଇବେ ବାସ୍‌ସ କାପ୍‌କିଦୁ ।”

୩୫ ମାରି, ଝାଣ୍ଡୁ ଅଡ଼ପ୍‌ଆକ ଆଗ୍‌ଡି ସଲ୍‌ସି ବୁମିଦୁ ମେଣ୍‌ଶେଙ୍ଗ୍ ଗର୍ କିତାନ୍‌ନୋ, ପାର୍‌ତନା କିଜି ଇରୁଆନ୍, ନି ବଦା ଜବି ଆନାଡ଼, ଇୟା ଦୁଃକ୍ ନାମାଣ୍‌କୁ ଆକ କିଆ ।

୩୬ ମାରି, ଜିସୁ ଇରୁଆନ୍, “ଅଇ, ବୁବା,” ଝିଜୁ ନିଂଇ ଉସାସ୍, ଇୟା ଦୁଃକ୍ ନାମାଣ୍‌କୁ ଆକ କିଆ; “ନା ବଦା ସିଲେ, ମାତର ନି ବଦା ।”

୩୭ ଆବେର୍ ଝାଣ୍ଡୁ ଡେସିଝାଜି ଝାରିଙ୍ଗ୍ ସୁଜନିକା ସୁଡ଼ଡୁନ୍ ମାରି ପିତରତିଙ୍ଗ୍ ଇରୁଆନ୍, “ସିମୋନ୍, ମିର୍ ଇନିକା ସୁସ୍‌ଡିଦେର୍ ? ନା ଝାଲେ ଉଣ୍ଡି ଗନ୍‌ଟାବା କାପ୍‌କିଦେଙ୍ଗ୍ ଆଟ୍‌ଇଡିଦେର୍ ?”

୩୮ ପରିକାଦୁ ଏଣ୍‌ଶେସ୍ ଆରଇଦେର୍, “ଆୟା ଉଣ୍ଡିଙ୍ଗ୍ ଜାଗାର୍‌ତାଦାନ୍ ପାର୍‌ତନା କିଦୁ; ଜିବନ୍ ବଦା କିନାଡ଼ ସଡ଼, ମାତର ମେନ୍‌ଲ୍ ଲୋଡ଼ଲାଡ଼ା ।”

୩୯ ଝାନ୍ ମାରିଡେସି ସଲ୍‌ସି ଆଗ୍‌ଡି ଏଣ୍‌ଶେସ୍ ପାର୍‌ତନା କିତାମାରୁଆନ୍ ଆୟାଝାଜା ମାରି ପାର୍‌ତନା କିତାନ୍ ।

୪୦ ମାରିଡେସି, ଖାନ୍ ଖାଜି ସିସୁରିଙ୍ଗ୍ ସୁଜୁନିକା ସୁଡ଼ତୁନ୍, ଇରିଙ୍ଗ୍ ଖାରି କାଣ୍ଡକୁ ସୁଡ଼ଦେଙ୍ଗ୍ ଆର୍ଏଜି ମାହାର୍, ଖାର୍ ଖାନିଙ୍ଗ୍ ଇନିକା ଇନାର୍, ଆକା ନେସ୍ଏର୍ ମାହାର୍ ।

୪୧ ଖାନ୍ ମୁଜା ଖାଜି ଖାରିଙ୍ଗ୍ ଇର୍ଆନ୍, “ସାଣେକ୍ ସୁଜୁଜି ରମ୍ବୁ; ନାଣ୍ଡୁ ଆତାଡ଼ନି ! ଆୟା ସମୟ ଇଗା ଖାତାଡ଼ନି ! ସୁଡ଼ଦୁ, ମନ୍ଦୁସ୍ୟପୁତ୍ର ଜେ ନାନ୍ ପାପି ଲୋକା କିୟୁଦୁ ସେର୍ପାନା ।

୪୨ ନିଙ୍ଗ୍ଦୁ, ମାଡ଼ ସନାର୍; ସୁଡ଼ଦୁ, ଏନ୍ ନାଙ୍ଗ୍ ସାତୁରି କିୟୁଦୁ ସେରେପନା ସିନାନ୍, ଖାନ୍ ଲାକ୍ତୁ ଖାତାନ୍ନି ।”

ଜିସୁ ସାତୁରି କିୟୁଦୁ ସେର୍ପାତାନ୍

(ମାତିଡ ୨୭:୪୭-୫୨; ଲୁକ ୨୨:୪୭-୫୩; ଜୋହନ୍ ୧୮:୩-୧୨)

୪୩ ମାରି ଆୟାଦାପ୍ରେ, ଖାନ୍ ମାଟା ଇନିଖାଲେ, ବାରଲୋକ୍ ସିସୁରି ଲୋଇରାନ୍ ଜିହୁଦା ଦର୍ଡିକାନ୍ ମାରି ଏସ ପେରି ଯାଜକର୍, ସାସ୍ତ୍ରିର୍ ମାରି ପେରି ନେତାରି ମାଣ୍ଡକୁ ଲୋକୁ କାଣ୍ଡା ମାରି ବାଡିଗା ଆସ୍ସି ଖାତାର୍ ।

୪୪ ଜିସୁଙ୍ଗ୍ ସାତୁରି କିଦୁ ସେରପେନିକାନ୍ ଖାରିଙ୍ଗ୍ ଇୟା ସିନା ସିଜି ଇର୍ଆନ୍, “ନାନ୍ ଆମାଖାନିଙ୍ଗ୍ ନଣ୍ଡୁନା, ଆକାନ୍ ଜିସୁ; ଖାନିଙ୍ଗ୍ ଜାଗାର୍ତାଦାନ୍ ତରନି ଅନିଦେର୍ ।”

୪୫ ଜିହୁଦା ଖାଜି ଇତି ଦାପ୍ରେ ଜିସୁଦି ଲାକ୍ତୁ ସର୍ଆନ୍ ନୋ, “ଏ ଗୁରୁ !” ଇଜି ଇର୍ଆନ୍ ନୋ ଜିସୁଙ୍ଗ୍ ନାଣ୍ଡୁ ନଣ୍ଡିତାନ୍ ।

୪୬ ଆବେର୍ ଖାର୍ ଖାତାର୍ ରୋ ଜିସୁଙ୍ଗ୍ ଆସ୍ତାରୋ ତର୍ତାର୍ ।

୪୭ ମାତର୍ ଲାକ୍ତୁ ନିର୍ହି ମାର୍ଇ ଲୋକା ଲୋଇ ଅରେନ୍ କାଣ୍ଡା ସପ୍ତାନ୍ନୋ ମାରି ପେରି ଜାଜକ୍ତି ଗତିମୁରୁଲିଙ୍ଗ୍ ଆସ୍ତାନ୍ନୋ ଖାନି ଗିତଣି କୟତା ପକ୍ତାନ୍ ।

୪୮ ଜିସୁ ଖାରିଙ୍ଗ୍ ଇର୍ଆନ୍, “ନାଂଇ ଆସ୍ତେଙ୍ଗ୍ ଅରେନ୍ ଡଙ୍ଗ୍‌ର୍ଏଙ୍ଗ୍ ଆସ୍ତେଙ୍ଗ୍ ଖାନିଖାଜା ମିର୍ କାଣ୍ଡା ମାରି ତୁଡୁ ଆସ୍ତି ଖାତିମାନିଦେର୍ ?

୪୯ ନାନ୍ ତୋ ଓଜୁଖାଲେ ମିଖାଲେ ମନ୍ଦିରତୁ ମାନ୍ଜି ସିକିୟା ସିଜି ମାର୍ଆ, ମାତର୍ ମିର୍ ନାଂଇ ଆସ୍ତେଙ୍ଗ୍ ଦେର୍; ମାତର୍ ଦାମ୍ବସାସ୍ତ୍ରି

ମାଟା ଏଣ୍ଡେସ୍ ସତ୍ ଆନାତ୍, ଆୟା ଉଣ୍ଡିଙ୍ଗ୍ ଇୟାଞ୍ଜିନ୍ ଗଟାଜିନାତ୍ ।”

୫୦ ଇୟା ଝେନ୍‌କା ଝାନି ସିସୁର୍ ଝିଜେରେ ଝାନିଙ୍ଗ୍ ଡିସ୍‌ସି ଉରୁକ୍‌ତାର୍ ।

୫୧ ମାତର୍ ଅରେନ୍ ମୁରୁଲି କଡ଼ ଝାନି ତୁମ୍‌ତା ମେନ୍‌ଲୁଡୁ ଇସ୍‌ସି ସାଦର୍ ପିଡ଼୍‌ଗିତାନ୍‌ନୋ ଜିସୁଝାଲେ ଝାଲେ ସଲ୍‌ସି ମାର୍‌ଆନ୍; ଆୟା ଲୋକୁ ମୁରୁଲିଙ୍ଗ୍ ଆସ୍‌ତେଙ୍ଗ୍ ବଦାକିତାର୍ ।

୫୨ ମାତର୍ କଡ଼ ଆୟା ଇସ୍‌ସି ସାଦର୍ ଡିସ୍‌ତାନ୍‌ନୋ ତୁମ୍‌ତା ଆତା ଉରୁକ୍‌ତାନ୍ ।

ଜିହୁଦିରି ବାଡିଦୁ ଜିସୁଙ୍ଗ୍ ବିସାର୍ କିତାର୍

(ମାଡିଡ ୨୭:୫୭-୬୮; ଲୁକ ୨୨:୫୪-୫୫, ୬୩-୬୧; ଜୋହନ ୧୮:୧୩-୧୪, ୧୯-୨୪)

୫୩ ଝେନ୍‌କା ଝାର୍ ଜିସୁଙ୍ଗ୍ ଝିଜେରିଙ୍ଗ୍ ପେରିଜାଜକତି ଲାକ୍‌ତୁ ଅତାର୍, ମାରି ପେରି ଜାଜକର୍, ପେରି ପେରି ନେତାର୍ ମାରି ସାସ୍ତିର୍ ଝିଜେରେ ଝାତା ଉଣ୍ଡାତାର୍ ।

୫୪ ପିତର ଅଡ଼ପ୍ ଆକ ତେବାତାନ୍ ନୋ ଝାନି ଝାଲେ ଝାଲେ ଝିଜେରିଙ୍ଗ୍ ପେରି ଜାଜକତି ଦୁଆର୍ ଲୋଅ ସର୍‌ଆନ୍ ମାରି ଆବେ ଇଲୁ କାପ୍‌କିନି ଲୋକାଝାଲେ ସିସୁ କାଈଜିମାର୍‌ଆନ୍ ।

୫୫ ଆୟାଝେନ୍‌କା ପେରି ଯାଜକର୍ ମାରି ଯିହୁଦି ସଭାତି ଲୋକୁ ଝିଜେରେ ଜିସୁଙ୍ଗ୍ ଡାକ୍‌ତେଙ୍ଗ୍ ଇଜି ଝାନି ବିରୁଦାନ୍ ସାକି ପଇଦେଙ୍ଗ୍ ଆସ୍‌ତାର୍, ମାଡିର୍ ପଇଏତାର୍ ।

୫୬ ମାରି ଏସ ଲୋକୁ ଜିସୁ ବିରୁଦ୍‌ତାନ୍ ମିର୍ ସାକି ଇର୍ହାର୍ ମାତର୍ ଝାରି ମାଟା ମିସାଏତାତ୍ ।

୫୭ ମାରି ଝେନ୍‌କା ଏସ ଲୋକୁ ନିର୍‌ରା ରୋ ଝାନି ବିରୁଦ୍‌ତାନ୍ ଇୟା ମିସ୍ ସାକି ଇନ୍‌ଡ୍ରେଙ୍ଗ୍ ଆସ୍‌ତାର୍;

୫୮ “ମାପ୍ ଝେନ୍ ଇୟା ମାଟା ଇନିକା ଝେର୍‌ଆମାନାପ୍, ନାନ୍ ଲୋକୁ କିମ୍‌ଦୁ ତିଆରକିତି ଇୟା ମନ୍‌ରିତିଙ୍ଗ୍ ରୁକ୍‌ସି ମୁନେଟାନ୍ ମାରି ଉଣ୍ଡି ଲୋକା କିକାଣ୍ ତିଆର୍ ଆଇ ମନ୍‌ରି ତିଆର୍ କିନା ।”

୫୯ ମାତର୍ ଇବେବା ଝାରି ସାକି ମିସାଏତାତ୍ ।

୭୦ ଆବେଟ୍ ଓଜେରିଙ୍ଗ ପେରି ଜାଜକ୍ ଜିସୁଙ୍କୁ ନାଡ଼ମି ନିଲ୍ପତାନନୋ ଝେନ୍‌ବାତାନ୍, “ନି ବିରୁଦ୍‌ତାନ୍ ଇୟାକାର୍ ଏମେ ମାଟା ଇଜିନାର୍, ଆକା ସଡ଼ନୋ, ନିନ୍ ଇନିକା ବା ଇନ୍‌ଇଜିନି ?”

୭୧ ମାତର୍ ଜିସୁ ଇନିକା ଇନ୍‌ଏଣ୍ଡା ଆଲେତାମାର୍‌ଆନ୍, ଓଜେରିଙ୍ଗ ପେରି ଯାଜକ୍ ମାରିଡେସି ଝେନ୍‌ବାତାନ୍, “ନିନ୍ ଇନିକା ପ୍ରସଂସା ପଇଜିମାନି ମାପୁରୁଦି ମାରିନ୍ କ୍ରିସ୍ତ ?”

୭୨ ଜିସୁ ଇର୍‌ଆନ୍, “ହୁଁ ନାନ୍, ମିର୍ ମନୁସ୍ୟପୁତ୍ରଦିଙ୍ଗ ପେରି ସାକ୍ରିଦି ମାପୁରୁଦି ଉଣି କିନ୍ତୁ ତର୍‌ନି ବାସନିକା ମାରି ବାଦଡ଼ତି ରତଦାନ୍ ଖାନିକା ମିର୍ ସୁଣିଦେର୍ ।”

୭୩ ଆବେଟ୍ ଓଜେରିଙ୍ଗ ପେରି ଜାଜକ୍ ନିଜେଦି ଆଙ୍ଗୁଦିଙ୍ଗ କିସସି ପୋକ୍‌ସି ଇର୍‌ହାନ୍, “ସାକି ମାରି ଇନି ମାଙ୍ଗୁ ଦରକାରଲୁ ?

୭୪ ମିର୍ ତୋ ଖାନ୍ ମାପୁରୁଙ୍କୁ ନିନ୍‌କିନିକା ଝେର୍‌ଇଦେର୍; ଇଲେଇ ମିର୍ ଇନି ବିସାର୍ କିନିଦେର୍ ?” ଆବେଟ୍ ଖାର୍ ଓଜେରେ ଇର୍‌ହାନ୍ ଜିସୁ ସାନିକା ଜଗ୍ ମାନାଡ଼ ।

୭୫ ମାରି, ଏର୍ ଏର୍ ଜିସୁ ମୁସ୍‌କୁ ପୁସ୍‌କାଣାମ୍ ପୁସ୍‌ତେଙ୍ଗ ଆସ୍‌ତାର୍ ମାରି ଖାନି ମକମ୍‌ତିଙ୍ଗ ପାଗା କେରେପ୍‌ସି ଖାନିଙ୍ଗ ଲାଡ଼ ଅଦ୍‌ଗିଜି ଇନ୍‌ଡେଙ୍ଗ ଆସ୍‌ତାର୍, “ନିନ୍‌ନେ ବାବବାଦି !” ମାଙ୍ଗୁ ଝେର୍‌ଆ । କାପ୍‌କିନିକାର୍ ଓଜେରେ ସାପୁଡ଼ ତାକ୍‌ରୁ ତାକ୍‌ରୁ ଜିସୁଙ୍କୁ ଆସ୍‌ତା ଅତାର୍ ।

ପିତର ଜିସୁଙ୍କୁ ନେସେଏ ଇଜି ଇର୍‌ଆନ୍

(ମାତିଉ ୨୬:୨୯-୩୫; ଲୁକ ୨୨:୫୬-୬୨; ଜୋହନ ୧୮:୧୫-୧୮, ୨୧-୨୫)

୭୬ ଆୟାଝାଲେ ପିତର ଆଡ଼ଗି ଦୁଆର୍‌ତୁ ତେବାନିଝାଲେ ଓଜେରିଙ୍ଗ ପେରି ଯାଜକତି ଲାକ୍‌ତୁ ପାଣି କିନି ଅରେଡ଼ ଆଇମା ଖାଜି ପିତର୍‌ତିଙ୍ଗ ସିସୁ କାୟନିକା ସୁଡ଼ତୁଡ଼ ।

୭୭ ଆୟା ଆଇମା ପିତରତିଙ୍ଗ ନେଗେନ୍ କିଜି ସୁଡ଼ଜି ଇର୍‌ହାଡ଼, “ନିନ୍‌ବା ନାଜରିତ୍‌ୟ ଜିସୁଝାଲେ ମାର୍‌ଇ ।”

୭୮ ମାତର୍ ପିତର ମାନା କିଜି ଇର୍‌ଆନ୍, “ନାନ୍ ଖାନିଙ୍ଗ ନେସେଏ, ମାରି ନିନ୍ ଇନିକା ଇଜିନି, ନାନ୍ ବୁଝାଏଜିନା ।” ଆବେଟ୍ ଖାନ୍ ଦୁଆର୍ ଆଡ଼ରେ ସତା ସର୍‌ଆନ୍ । ଆୟାଦାପ୍ରେ କରୁ ରିଜା କେଡ଼ିତାଡ଼ ।

୭୯ ଆୟା ପାଣି କିନ୍ତି ଆଇମା ପିତରତିଙ୍କ ସୁତୁଛି ଲାକ୍ଷ୍ମୀ ନିରଞ୍ଜ ମାର୍ଜ୍ଜ ଲୋକାଙ୍କ ମାରିଡ଼େସି ଇର୍ହାଡ଼, “ଇକାନ୍ ଖାରିମାଣ୍ଟକୁ ଅରେନ୍ !”

୮୦ ମାତର୍ ପିତର ମାରିଡ଼େସି ମାନାକିଜି ଇନ୍ତେଙ୍ଗ ଆସ୍ତାନ୍ । ମାରି ଏସ ସମୟ ସରି ଖେନ୍ଦକା ଆବେ ନିରଞ୍ଜ ମାର୍ଜ୍ଜ ଲୋକ୍ତର୍ ପିତରତିଙ୍କ ଇର୍ହାଡ଼, “ନିନ୍ ସତେନେ ଖାରି ମାଣାନ୍ ଅରେନ୍, ଇରିଙ୍ଗ ନିନ୍ବାତୋ ଗାଲିଲିଦି ଲୋକୁ ।”

୮୧ ମାତର୍ ପିତର ନିଜେଦିଙ୍କ ଆନାଦୁରିଆ କିଜି ମାରି ପାର୍ମାଣ୍ଟ କିଜି ଇନ୍ତେଙ୍ଗ ଆସ୍ତାନ୍, “ମିର୍ ଏମେ ଲୋକ୍ତି ମାଟା ଇଜିନିଦେର୍, ନାନ୍ ଖାନିଙ୍ଗ ମୁଲ୍‌କେ ନେସେଏ ।”

୮୨ ଆବେଟ୍, “କରୁ ରିଜା କେଡିତିଙ୍କ ଆଗ୍ତି ମୁଜା ନିନ୍ ନାଂଇ ନେସେଏ ଇଜି ଇନି,” ଜିସୁ ଇରଞ୍ଜମାରଞ୍ଜ ମାଟା ପିତରତି ମୋନ୍‌ତୁ ଏଡ଼ ଖାତାଡ଼, ମାରି ପିତର ଆୟାମାଟା ଅଡ଼ବିତାନ୍‌ନୋ ଦୁଃକ୍ତାନ୍ ଆଡ଼ବାଦେଙ୍ଗ ଆସ୍ତାନ୍ ।

୧୫

ଜିସୁଙ୍କୁ ପିଲାଡ଼ ବିସାଡ଼ କିତାନ୍

(ମାତିଡ ୨୭:୧-୨, ୧୧-୧୪; ଲୁକ ୨୩:୧-୫; ଜୋହନ ୧୮:୨୮-୩୮)

୧ ସାଲ୍‌ଦି ଆତି ଦାପ୍ରେ ଝିଜେରେ ପେରି ନେଡାର, ସାସ୍ତ୍ରିଝାଲେ ପେରି ଜାଜକର୍ ଝିଜେରେ ଉଣ୍ଡାତାରୋ ଖାରିଜି ସାଜି ଜିସୁଙ୍କୁ ତରତା ଅତାରୋ ପିଲାଡ଼ କିୟୁଦୁ ସର୍ପେ କିତା ସିତାର ।

୨ ପିଲାଡ଼ ଜିସୁଙ୍କୁ ଖେନ୍ଦବାତାନ୍, “ନିନ୍ ଇନିକା ଜିହୁଦି ଲୋକା ରାଜା ?” ଜିସୁ ଖାନିଙ୍ଗ ଇର୍ଆନ୍, “ନିନ୍‌ତୋ ଆୟାମାଟା ଇଜିନି ।”

୩ ମାରି, ପେରି ଜାଜକର୍ ଜିସୁ ବିରୁଦ୍‌ତାନ୍ ନାଣ୍ଟ ମାଟା ଇନ୍ତେଙ୍ଗ ଆସ୍ତାର ।

୪ ଆବେଟ୍ ପିଲାଡ଼ ମାରିଡ଼େସି ଜିସୁଙ୍କୁ ଖେନ୍ଦବାତାନ୍, “ନିନ୍ ଇନିକା ବା ଇନ୍‌ଇଜିନି ? ସୁଡ଼ଆ, ଇୟାକାର ନି ବିରୁଦ୍‌ତାନ୍ ଏସୋ ମାଟା ଇଜିନାର ।”

୫ ମାତର୍ ଜିସୁ ଉଣ୍ଡି ପଦବା ମାଟା ଇନ୍‌ଏତାନ୍, ଆବେଟ୍ ପିଲାଡ଼ କାବାଆତାସର୍ଆନ୍ ।

ପିଲାଟ ଜିସୁଙ୍କୁ ସାନି ଦଣ୍ଡ ସିତାନ୍

(ମାତିଉ ୨୭:୧୫-୨୬; ଲୁକ ୨୩:୧୩-୨୫; ଜୋହନ ୧୮:୩୯; ୧୯:୧୬)

୭ ମାତର୍ ଝିନ୍ଦୁ ବାସେକ୍ ନିସ୍ତାର ପଣ୍ଡା ସମୟତୁ ଲୋକୁ ଆମା ଜଇଲ୍‌ତୁ ମାନି ଖାନିଙ୍ଗ୍ ଲୋସସି ମାର୍‌ଆର୍, ଖାନିଙ୍ଗ୍ ପିଲାଟ ଖାରି ଉଣ୍ଡିଙ୍ଗ୍ ଡିସିସ୍ ସିଜିମାର୍‌ଆନ୍ ।

୮ ଏମେ ଜାତି ଜଗଡ଼ାକିନିକାର ସରକାର ବିରଦ୍‌ତାନ୍ ଜାତି ଜଗଡ଼ା କିତାରୋ ଲୋକାଙ୍ଗ୍ କାଡ଼ତା ମାର୍‌ଆର୍, ଖାରିଖାଲେ ବାରବ୍‌ବା ଦରତି ଅରେନ୍ ଲୋକୁ ଜଇଲ୍‌ତୁ ମାର୍‌ଆନ୍ ।

୯ ନାସ୍ତିଖାଲେ ଉଣ୍ଡାତିମାର୍‌ଇ ଲୋକ୍‌ତର୍ ପିଲାଟ ଲାକ୍‌ତୁ ଖାଜି ଖାନି ରାତିନୀତି ଦାଣ୍ଡ ଅରେନ୍ ଜଇଲ୍‌ତୁମାନି ଖାନିଙ୍ଗ୍ ଡିସିସ୍ କିଦେଙ୍ଗ୍ ଦାବି କିତାର୍ ।

୧୦ ଆବେଟ୍ ପିଲାଟ ଖାରିଙ୍ଗ୍ ଝେନ୍‌ବାତାନ୍, “ମିର୍ ଇନିକା ବଦା କିଜିନିଦେର୍ ? ନାନ୍ ଇନିକା ମି ଉଣ୍ଡିଙ୍ଗ୍ ଜିହୁଦିରି ରାଜେଙ୍ଗ୍ ଡିସିନା ସିନା ନୋ ?”

୧୧ ଇରିଙ୍ଗ୍ ପିଲାଟ ନେସ୍‌ତାନ୍ ଜେ, ପେରି ଜାଜକର୍ ଜିସୁଙ୍କୁ ଗିଡ଼ିଦାନ୍ ଖାନିମାନ୍ ସେରେପ୍‌ତା ମାନାର୍ ।

୧୨ ମାତର୍ ପିଲାଟ ଏଣ୍ଡେସକି ଖାରି ଉଣ୍ଡିଙ୍ଗ୍ ଜିସୁଙ୍କୁ ଡିସ୍‌ଏଣ୍ଡା ବାରବ୍‌ବାଦିଙ୍ଗ୍ ଡିସିନାନ୍, ଆୟା ଉଣ୍ଡିଙ୍ଗ୍ ପେରି ଜାଜକର୍ ଝିନ୍ଦୁ ଲୋକାଙ୍ଗ୍ ସୁର୍ ଖାରିଗିସ୍ କିବିସକିତାର୍ ।

୧୩ ମାତର୍ ପିଲାଟ ଲୋକାଙ୍ଗ୍ ମାରିଡେସି ଝେନ୍‌ବାତାନ୍, “ଆମାଖାନିଙ୍ଗ୍ ମିର୍ ଯିହୁଦି ଲୋକ୍‌ତି ରାଜା ଇଜିନିଦେର୍, ଖାନିଙ୍ଗ୍ ନାନ୍ ଇନିକା କିନା ?”

୧୪ ଲୋକ୍‌ତର୍ ଆଉଲି ଆଜି ଇର୍ହାର୍, “ଖାନିଙ୍ଗ୍ କୁସଦୁ ଏକିସକିଦୁ !”

୧୫ ଆବେଟ୍ ପିଲାଟ ଖାରିଙ୍ଗ୍ ଝେନ୍‌ବାତାନ୍, “ଏନ୍ଦା, ଖାଣ୍ଡୁ ଇନି ଦୋଷ୍ କିତାମାନାନ୍ ?” ମାତର୍ ଆୟା ଲୋକ୍‌ତର୍ ମାରି ନାଣ୍ଡନେ ଆଉଲି ଆଜି ଇନ୍‌ଡ୍ରେଙ୍ଗ୍ ଆସ୍‌ତାର୍, “ଖାନିଙ୍ଗ୍ କୁସଦୁ ଏକିସକିଦୁ ।”

୧୬ ପିଲାଟ ଲୋକା ଝେଡ଼ିକା କିବିସ୍ କିଦେଙ୍ଗ୍ ବଦାକିତାନ୍‌ନୋ, ଖାରି ଉଣ୍ଡିଙ୍ଗ୍ ବାରବ୍‌ବାବେଙ୍ଗ୍ ଜଇଲ୍‌ତାନ୍ ମୁକୁଡ଼ା କିବିସ୍ କିତାନ୍,

ମାରି ଜିସୁଙ୍କୁ କୋରଡ଼ା ଡାକିସକିଜି କୁସକାର୍ତ୍ତୁ ଏକିସକିଦେଙ୍ଗ୍ ସେପେକିତାନ୍ ।

ସେନାର ଜିସୁଙ୍କୁ ସେମାର କିତାର

(ମାତିଡ ୨୭:୨୭-୩୧; ଜୋହନ ୧୯:୨-୩)

୧୭ ଆବେଟ୍ ସେନାର ଜିସୁଙ୍କୁ ପିଲାଟ୍ ଉଣ୍ଡି ମେଡ଼ଲୁଦି ଦୁଆର୍ତ୍ତୁ ଅତାରୋ ଝିନ୍ଦୁ ସେନା ଦଳଡିଙ୍ଗ୍ କୁକ୍ତା ଉଣ୍ଡାତାର ।

୧୭ ସେନାର ଜିସୁଙ୍କୁ ସେମାର କିଦେଙ୍ଗ୍ ଆକ୍ ରଙ୍ଗତି ଆଙ୍ଗ୍ ଆରିସକିତାର ମାରି ସାମ୍ବକା ଟୋପି କିତାରୋ ଝାନି ତାଲାଦୁ ଆରିସକିତାର;

୧୮ ଆୟାଝେନ୍‌କା ସେନାର ଜିସୁଙ୍କୁ ଏ ଜିହୁଦିରି ରାଜା, ଇଜି ମାଡିସ୍ କିତାର, “ମାରି ଝାନିଙ୍ଗ୍ ଝିନ୍ଦୁଦିନ୍ ଜିଜି ମାନ୍‌ଆ ଇଜି ଇର୍ହାର ।”

୧୯ ମାରି, ସେନାର ଉଣ୍ଡି ବାଡିଗାଦାନ୍ ଝାନି ତାଲାଦୁ ଡାକ୍ତାର ମାରି ଝାନି ମୁସକୁ ପୁସତାର, ଆବେଟ୍ ଝାର ସେମାର କିଜି ମେଣ୍ଡେଙ୍ଗ୍ ଗଟ୍‌କିଜି ଝାନିଙ୍ଗ୍ ମାଡିସ୍ କିଦେଙ୍ଗ୍ ଆସ୍‌ତାର ।

୨୦ ଝାର ଝାନିଙ୍ଗ୍ ସେମାର କିଡିଝେନ୍‌କା ଆୟା ଆକ୍ ରଙ୍ଗତି ଆଙ୍ଗ୍ କୁକ୍ତା ରୋ ଝାନି ନିଜେଦି ଆଙ୍ଗ୍ ଆରିସକିତାର । ମାରି, ଇୟା ଝେନ୍‌କା ଝାର ଜିସୁଙ୍କୁ କୁସଦୁ ଏକିସ୍ କିଦେଙ୍ଗ୍ ଇଜି ଆଡ୍‌ରେ ସପ୍‌ତା ଅତାର ।

ଜିସୁଙ୍କୁ କୁସକାର୍ତ୍ତୁ ଏକିସ୍‌ତାର

(ମାତିଡ ୨୭:୩୨-୪୪; ଲୁକ ୨୩:୨୭-୪୩; ଜୋହନ ୧୯:୧୭-୨୭)

୨୧ ☆ଆୟାଝାଲେ ଅରେନ୍ କୁରିଣିୟଦୁ ବାସାନି ସିମୋନ ନାରଦାଣ୍ଡ ଝାଜି ଆୟା ସାରି ସିଜି ସଲ୍‌ସି ମାର୍‌ଆନ୍ । ଝାଣ୍ଡି ଆଲେକ୍‌ଜାଣ୍ଡର୍ ମାରି ରୁପରି ବୁବାସି ମାର୍‌ଆନ୍ । ସେନାର ଝାନିଙ୍ଗ୍ ଜିସୁଦି କୁସକାର୍ ପିଣ୍ଡଦେଙ୍ଗ୍ ଜାସେ କିତାର ।

୨୨ ମାରି, ସେନାର ଜିସୁଙ୍କୁ ଗଲ୍‌ଗଥା ଗରନ୍‌ତୁ, ଅର୍ତ୍ତାଡ୍ “ତାଲାଦି କାପାଲ୍ ନାନି ଦର୍ଡି ବାଡିଦୁ ଅତାର ।”

୨୩ ମାରି, ସେନାର ଜିସୁଙ୍କୁ କାପୁଆନି ମାୟାମ୍ ମିସାତି ଅଙ୍ଗୁରରସ୍ ଉଣ୍ଡେଙ୍ଗ୍ ଜାସେକିତାର, ମାତର୍ ଆକା ଝାନ୍ ଉଣ୍ଡୁଅତାନ୍ ।

୨୪ ଖେନକା ଝାର ଜିସୁଙ୍କୁ କ୍ରସକାର୍ତ୍ତୁ ଏକିସକିତାର, ମାରି ଏନ୍
ଇନିକା ପଇନାର, ଆୟା ଝାନି ଆଙ୍କା ଦିଙ୍କ ବୋର୍ କିତାର ନିଜେଦି
ମାଣକୁ ବାଗ୍ କିଜି ଅତାର ।

୨୫ ସାଲ୍‌ଦି ନଅଟାଦୁ ଝାର ଜିସୁଙ୍କୁ କ୍ରସଦୁ ଏକିସକିତାର ।

୨୬ ଜିସୁଦି ବିରଦ୍‌ତୁ ଉଣ୍ଟି ମାଟା କ୍ରସକାର୍ତ୍ତୁ ମୁସୁକୁ ରାସ୍‌ତା
ମାରାଆଡ୍, “ଇକାନ୍ ଜିହୁଦିର୍ ରାଜା ।”

୨୭ ଝାର ଆୟା ନାଣ୍ଟିଙ୍କ ରିଏର୍ ଡଙ୍ଗାରିଙ୍କ ବା ଜିସୁଝାଲେ
କ୍ରସକାର୍ତ୍ତୁ ଏକିସ କିତାମାର୍‌ଆର୍, ଅରେନ୍ ଝାନିଙ୍କ ଜିସୁଦି ଡେବିରି
କିୟୁ ତରିଣ୍ଟୁ ମାରି ଅରେନ୍ ଝାନିଙ୍କ ଜିସୁଦି ଉଣି କିୟୁ ତରିଣ୍ଟୁ ।

୨୮ ଆବେର୍ ଦାର୍‌ମୁସାସ୍ତଦି ଇୟା ବାକ୍ୟ ସଡ୍‌ଆତାଡ୍, “ଝାଣ୍ଟୁ
ଡଙ୍ଗାରିଝାଲେ ଡଙ୍ଗାରିଏନ୍ ଇଜି ଲେକିସ୍‌ଆତାନ୍ ।”*

୨୯ ☆ଆୟା ସାରି ସିଜି ସନି ଲୋକ୍‌ଡର୍ ଝାରି ତାଲେକ୍ ଦୁକ୍‌ସି
ଜିସୁଙ୍କୁ ନିୟା କିଜି ଇର୍ହାର, “ବାଃ ! ଏରେ ମନ୍ଦିର୍ ରୁକ୍‌ନି କିୟା ମାରି
ମୁନେଟାନ୍ ମାରିଡେସି ତିଆର୍ କିନିକିୟା;

୩୦ ଇଲେଇ କ୍ରସଦାନ୍ ରେସ ନିଜେଦିଙ୍କ ରକିୟା କିଆ ।”

୩୧ ପେରି ଜାଜକରବା ଆୟାଝାଜା ସାସ୍ତ୍ରିଝାଲେ ଝାରି ଝାରି ଲଅ
ଜିସୁଙ୍କୁ ବାସେ କିଜି ଇନ୍‌ଡ୍ରେଙ୍କ ଆସ୍‌ତାର, “ଝାଣ୍ଟୁରୁ ଆଇ ଲୋକାଙ୍କ
ରକିୟା କିତାନ୍, ନିଜେଦିଙ୍କ ରକିୟା କିଦେଙ୍କ ଆର୍‌ଏଜିନାନ୍ ।”

୩୨ ନିନ୍ ଜଦି ସଡ୍‌ତାନ୍ ଇସ୍ରାଏଲ୍‌ତି ରାଜା କ୍ରିସ୍ଟ ଇୟାଦାପ୍ରେ
କ୍ରସଦାନ୍ ରେସ ରାଆ, ଆକା ସୁଡ୍‌ଜି ମାପ୍ ନିବାନ୍ ବିସ୍‌ବାସ୍ କିନାପ୍
। ଆମା ରିଏର୍ ଡଙ୍ଗାରି ଝାନିଝାଲେ କ୍ରସଦୁ ଏକ୍‌ତାମାର୍‌ଆର୍, ଆକାର୍
ବା ଆୟାଝାଜା ମାଟା ଇଜି ବାସେ କିତାର ।

ଜିସୁ ସାତାନ୍

(ମାତିଡ ୨୭:୪୫-୫୬; ଲୁକ ୨୩:୪୪-୪୯; ଜୋହନ ୧୯:୨୮-୩୦)

୩୩ ଆୟା ନାଣ୍ଟିଙ୍କ ବାର ଗନ୍‌ଟା ସମୟତୁ ପୂତିବି ଝିଜୁ ସିକାଟି ଆଜି
ମୁଣ୍ଟି ଗନ୍‌ଟା ସାନ୍ଦି ଡେବାତାଡ୍ ।

* ୧୫:୨୮ ଝିଜୁ ପାଡ଼ିଲ ରାସ୍‌ତି ମାନ୍ଦୁ ଏସ ରାସ୍‌ତିକା ସିଲେଡ୍ । ☆ ୧୫:୨୯ ମାର୍କ ୧୪:୫୮;
ଜୋହନ ୨:୧୯.

୩୪ ମୁଣ୍ଡି ଗନ୍ତା ସମୟରୁ ଜିସୁ ନାଣ୍ଡ ଆଉଲି ଆଜି କୁକସି ଇରଥାନ,
“ଏଲି, ଏଲି, ଲାମା ସାବକଥାନୀ ?” ଅର୍ତ୍ତାତ୍, “ଏ ନା ମାପୁରୁ, ଏ ନା
ମାପୁରୁ, ନିନ୍ଦୁ ନାଙ୍ଗ ଏନ୍ଦା ଡିସ୍ତ ?”

୩୫ ଜିସୁ ମାଟା ଜନିକା ଝେନ୍ଦି ଆୟା ଲାକ୍ତୁ ନିରଞ୍ଜ ମାର୍ଜ
ଏସ ଲୋକା ମାଣ୍ଡକୁ ଏନ୍ ଏନ୍ ଇର୍ହାର୍, “ସୁଡ଼ୁ, ଖାଣ୍ଡୁ ଏଲିୟଙ୍ଗ
କୁକସିନାନ୍ ।”

୩୬ ମାରି, ଅରେନ୍ ଉରୁକସି ସଲସି ଉଣ୍ଡି ତୁଲ୍ଲାଦୁ ସଇନି ରସ୍
ବର୍ତ୍ତ କିଜି ଆକା ଉଣ୍ଡି ବାତିଗାଦୁ ତରସି ଜିସୁଙ୍ଗୁ ଉଣ୍ଡେଙ୍ଗ
ସିଜି ଇରଥାନ, “ମାଣ୍ଡୁ ଏଲିୟ ଝେନିଙ୍ଗ କୁସଦାନ୍ ରେପ୍ତେଙ୍ଗ
ଝାଜିନାନ୍ନୋ ରେଏନ୍, ସୁଣାଟ୍ ।”

୩୭ ମାତର ଜିସୁ ନାଣ୍ଡ ଆଉଲି ଆଜି ଝାନି ଜିବନ୍ ସିତାନ୍ ।

୩୮ ମାରି, ମନ୍ଦିରରୁ ପବିତ୍ର ବାତିଦିଙ୍ଗ ଏରପିମାନି ଦୁଙ୍ଗନି ପାରଦା
ମୁସ୍କୁରାନ୍ ଆଡ଼ଗି ସାନ୍ଦି କିଜି ରୁଣ୍ଡି ମକେଙ୍ଗ ଆତାଡ଼ ।

୩୯ ସତସେନାପତି[†] କୁସଦି ଆଗଡ଼ି ନିରଥାନ ନୋ ଜିସୁ ଏଣ୍ଡେସ୍
ସାତାନ୍ ଆକା ସୁଡ଼ୁ ଇରଥାନ, “ସତେନେ, ଇକାନ୍ ମାପୁରୁଦି ମାରିନ୍
ମାରଥାନ ।”

୪୦ ☆ଏସ ଆଇମେକ୍ ଆକଶାନ୍ ସୁଡ଼ୁ ମାରହେ; ଝାନିକା ଲୋଇ
ମଗ୍ଦଲିନି ମରିୟମ୍, ଇସି ଜାକୁବ ମାରି ଜୋସିଦି ଆଇସି ମରିୟମ୍,
ମାରି ଶଲୋମୀ ମାରହେ;

୪୧ ଜିସୁ ଗାଲିଲିଦୁ ମାନିଝାଲେ ଝାକ୍ ଝାନିଝାଲେ ତେବାଜି ଝାନି
ସେବା କିଜି ମାରହେ; ଝାନିଝାଲେ ଜିରୁସାଲମ୍ ତୁ ଝାତି ମାରହି ଆଇ
ଏସ ଆଇମା ଆଇଲିକ୍ବା ଇୟାଞ୍ଜିଦୁ ସୁଡ଼ୁ ମାରହେ ।

ଜିସୁଙ୍ଗୁ ମୁସ୍ତାବ

(ମାତିଡ ୨୭:୫୭-୬୧; ଲୁକ ୨୩:୫୦-୫୬; ଜୋହନ ୧୯:୩୮-୪୨)

୪୨ ଆୟା ନାଣ୍ଡିଙ୍ଗ ମିଲ୍ମିଲ୍କା ଆଜି ଝାଜି ମାରଥାଡ଼, ମାରି ଇକା
ରମ୍ବିନାଣ୍ଡି ଆଗଡ଼ି ଦିନ୍ ମାରଥାଡ଼,

୪୩ ହାରାମାତିୟାଦି ଜୋସେପ୍ ଦରଡି ଅରେନ୍ ଜିହୁଦି ପେରି ଦଲ୍ଲତି
ଝେଙ୍ଗିତି ନେତା ମାରଥାନ, ଝାଣ୍ଡୁ ନିଜେ ବା ମାପୁରୁଦି ରାଜିଦିଙ୍ଗ

[†] ୧୫:୩୯ ଶହେ ଲୋକୁ ସେନାରି ମାଣ୍ଡକୁ ପେରିକାନ୍ ☆ ୧୫:୪୦ ଲୁକ ୮:୨,୩.

କାପକିଜି ମାର୍ଥାନ, ଖାଣ୍ଡୁ ଯାହାସ୍ତାନ ପିଲାତମାନୁ ସର୍ଥାନ ନୋ ଜିସୁଦି ସାତି ମେନ୍ଦଲ୍ ଲସ୍ତାନ ।

୪୪ ମାତର୍ ଜିସୁ ସାତାସର୍ଥାନ ନି, ଇକା ଝେନଜି ପିଲାତ କାବା ଆତାନ, ମାରି ସତସେନାପତିଙ୍ଗ ଲାକ୍ତୁ କୁକିସ୍ସି ଖାନିଙ୍ଗ୍ ଝେନବାତାନ, ଇନିକା ଜିସୁ ସାଜ ନାଣ୍ଡ ଝେଡ଼ା ଆତାତନି ନୋ ?

୪୫ ଆୟାଞ୍ଜି ପିଲାତ ସତସେନାପତି ମାଣ୍ଡକୁ ଝେର୍ଥାନନୋ ଆୟା ଜିସୁଦି ସାତି ମାଡ଼ାଦିଙ୍ଗ୍ ଜୋସେପତିଙ୍ଗ୍ ସିତାନ ।

୪୬ ଜୋସେପ କାଣ୍ଡେକ୍ ଇସ୍ରି ଖାତି କଟାନ ନୋ ଜିସୁଦି ମାଡ଼ାଦିଙ୍ଗ୍ କୁସଦାନ ରେପ୍ସି ତାସି ଆବେନୁ ମାଡ଼ାଦିଙ୍ଗ୍ ତେରପ୍ତାନ ମାରି ଗରନ୍ତି କାଲୁଦୁ କାରତି ମାର୍ତ୍ତ ଉଣ୍ଡି ଗୁଟାଦୁ ଖାନିଙ୍ଗ୍ ଇଟ୍ଟାନନୋ ଗୁଟାଦି ସେରଲାଦୁ ଉଣ୍ଡି ପେରି କାଲୁ କେରପ୍ତା ଡିସ୍ତାନ ।

୪୭ ଜିସୁଙ୍ଗ୍ ଏମେ ବାତିଦୁ ଇଟ୍ଟାର, ଆକା ମଗ୍ଦଲିନି ମରିୟମ୍ ମାରି ଜୋସିଦି ଆଇସି ମରାୟମ ସୁଡ଼ୁତେ ।

୧୭

ଜିସୁ ସାତିମାଣାନ ଡେସି ନିଙ୍ଗ୍ ତାନ

(ମାତିଉ ୨୮:୧-୮; ଲୁକ ୨୪:୧-୧୨; ଜୋହନ ୨୦:୧-୧୦)

୧ ରମ୍ବନି ନାଣ୍ଡିଙ୍ଗ୍ ଜିଣାତାଡ଼ଆକା ମଗ୍ଦଲିନି ମରିୟମ, ଜାକୁବରି ଆଇସି ମରିୟମ୍ ମାରି ଶଲୋମୀ ରକମ୍ ରକମ୍ତି ବାସ୍ନା ନିୟୁ କଟେ, ଏଣ୍ଡେସ୍ ଖାକ୍ ସଲ୍ସି ଖାନି ସାତି ମାଡ଼ାଦିଙ୍ଗ୍ ଉସ୍ତେଙ୍ଗ୍ ଆଟ୍ଟନେ ।

୨ ମାରି, ଆଦିଞ୍ଜାରୁ ନାଡ଼ାକାଦେ ଖାକୁ ଗୁଟାଦୁ ସର୍ହେ, ଆୟାଞ୍ଜାଲେ ଝେଡ଼ା ସତାମାର୍ଥାଡ଼ ।

୩ ସାର୍ତ୍ତୁ ଖାକୁ ଖାରଗିସାଜି ମାର୍ତ୍ତେ, “ଏନ୍ ମା ଉଣ୍ଡିଙ୍ଗ୍ ଗୁଟାଦି ସାରିଦୁ କେରପ୍ତି ମାନି କାଲୁ କୁଡ଼ନା ସିନାନ ?” ଇରିଙ୍ଗ୍ ଆକା ନାଣ୍ଡ ପେରିକା ମାର୍ଥାଡ଼ ।

୪ ଆୟାଞ୍ଜାଲେ ଖାକ୍ ସୁଡ଼ୁତେ, ଆୟା ଗୁଟାଦୁ କେରପ୍ତି ମାର୍ତ୍ତେ କାଲୁଦିଙ୍ଗ୍ କୁଡ଼ତା ମାନାର ।

୫ ଖାକ୍ ଗୁଟା ଲୋଇ ଡବ୍ରିତେନୋ ଅଡିନିଆଙ୍ଗ ଆରାତି ଅରେନ୍ ମୁରୁଲିଙ୍ଗ ଉଣେରି ପାଡ଼ାକା ବାସ୍ତି ମାରିକା ସୁଡ଼ୁତେନୋ ନାଣ୍ଡ ତିଲାତେ ସର୍ହେ ।

୬ ଆବେର୍ ଖାଣ୍ଡୁ ଖାନିକାଙ୍ଗ ଇର୍ଆନ୍, “ତିଲାମାର୍,” ମିର୍ କୁସଦୁ ସାତି ମାର୍ହି ନାଜରିତିୟ ଜିସୁଙ୍ଗୁ ପଇଜିନିଦେର୍; ଖାଣ୍ଡୁ ନିଙ୍ଗୁ ତାମାନାନ୍, ଖାନ୍ ଇବେ ସିଲେନ୍; ସୁଡ଼ୁ, ଇୟା ବାଡିଦୁ ଖାନ୍ ଜିସୁଙ୍ଗୁ ଇର୍ଟା ମାର୍ଆର୍ ।

୭ ଫାତର୍ ମିର୍ ସଲ୍ସି ଖାନି ସିସୁରିଙ୍ଗ ମାରି ପିତର୍ତିଙ୍ଗ ଇୟା କାରୁର୍ ଝେରୁଡ଼ୁ, ଖାନ୍ ମି ଆଗ୍ତି ଗାଲିଲିଦୁ ସଲ୍ସିନାନ୍; ଖାନ୍ ମିଙ୍ଗୁ ଏଣ୍ଡେସ ଇର୍ଆ ମାର୍ଆନ୍, ଆୟାଖାଜାନେ ମିର୍ ଖାନିଙ୍ଗ ଆବେ ସୁଣିଦେର୍ ।

୮ ଆବେର୍ ଆଇମେକ୍ ସତେନୋ ଗୁଟାଦାନ୍ ଉରୁକ୍ସି ସର୍ହେ, ଇରିଙ୍ଗ ଖାକୁ ତିଲାଜି ତିର୍ଗ୍ଜି ମାର୍ହେ ମାରି କାବାଆତେ ସର୍ହେ ମାର୍ହେ, ମାରି ଏଙ୍ଗ ଇନିକା ଇନ୍ତଡେ, ଏଣ୍ଡେସ ଖାକ୍ ତିଲାତେ ମାର୍ହେ ।

ଜିସୁ ନାଣ୍ଡ ଲୋକାଙ୍ଗ ତରାୟଆତାନ୍

(ମାଡିଉ ୨୮:୯-୧୦; ଜୋହନ ୨୦:୧୧-୧୮)

୯ ଆଦିଝାରତି ନାଣ୍ଡିଙ୍ଗ ନାଡ଼ାକାଦେ ଜିସୁ ସାତି ମାଣାନ୍ ମାରିଡେସି ନିଙ୍ଗୁଜି, ଆମାତାନି ମାଣାନ୍ ସାଡ଼ଗୋଟା ଦୁବେଙ୍ଗ ପେରିତା ମାର୍ଆନ୍, ଆୟା ମଗ୍ଦଲିନି ମରିୟମ୍ତିଙ୍ଗ ଝିଜେରିଙ୍ଗ ଆଗ୍ତି ତରାତାନ୍ ।

୧୦ ଖାଦ୍ ସର୍ହାଦୋ, ଏମେକେଙ୍ଗ ତାନି ସଙ୍ଗ ଆତେ ମାର୍ହେ, ସିସୁରିଙ୍ଗ କାରୁର୍ ସିତାଡ଼; ଖାନ୍ ଝିଜେରେ ଦୁଃଖ କିଜି ମାରି ଆଡ଼ବାଜି ମାର୍ଆର୍ ।

୧୧ ଜିସୁ ସାତି ମାଣାନ୍ ଜିତାମାନାନ୍ ମାରି ତାନିଙ୍ଗ ତରାତା ମାନାନ୍, ଆୟା ମାଟା ଝେନ୍ଜି ସିସୁର୍ ବିସ୍ବାସ୍ କିଏତାର୍ ।

ଜିସୁ ରିଏର୍ ସିସୁରିଙ୍ଗ ତରାତାନ୍

(ଲୁକ ୨୪:୧୩-୩୫)

୧୨ ଇୟାଞ୍ଜିକୁ ଗଟାତି ଝେନ୍‌କା ଖାରି ଲୋଇ ରିଏର୍ ଉଣ୍ଡି ନାରତୁ
ସନିଞ୍ଜାଲେ ଜିସୁ ସାର୍ଦ୍ଧୁ ଆଇ ମୁତର୍ ଆଜି ଖାରିଙ୍ଗ୍ ତରାୟାଆତାନ୍ ।

୧୩ ମାରି ଖାର ସର୍‌ଆର୍‌ରୋ ଆଇ ସିସୁରିଙ୍ଗ୍ ଇୟା ମାଟା ଇର୍ହାର୍,
ମାତର୍ ଖାରି ମାଟାଦିଙ୍ଗ୍ ବା ଖାର ମାନାଏତାର୍ ।

ଜିସୁ ଏଗାର୍ ଲୋକାଙ୍ଗ୍ ତରାତାନ୍

(ମାତିତ ୨୮:୧୭-୨୦; ଲୁକ ୨୪:୩୬-୪୯; ଜୋହନ ୨୦:୧୯-୨୩;
ପ୍ରେରିତ ୧:୬-୮)

୧୪ ସାରାସାରି ଝେନ୍‌କା ଏଗାର୍ ଲୋକୁ ସିସୁର୍ ଉଣ୍ଡେଙ୍ଗ୍ ବାସତି
ମାରଇ ଖାଲେ ଜିସୁ ଖାରିଙ୍ଗ୍ ତରାୟାଆତାନ୍, ଖାର୍ ଝେରତି ମାଟାଦିଙ୍ଗ୍
ଖାର ବିସ୍‌ବାସ୍ କିଏତାର୍ ମାରି ଖାର ତାମେ ଜିବନ୍ ଆରୁଞ୍ଜା କିତାର୍,
ଆୟା ଉଣ୍ଡିଙ୍ଗ୍ ଜିସୁ ଖାରିଙ୍ଗ୍ ଲାଗାତାନ୍ ।

୧୫ ☆ମାରି, ଜିସୁ ସିସୁରି ଲାକ୍‌ତୁ ଖାଜି ଇର୍ହାନ୍, “ମିର୍ ସାରା ଦୁନିଆଦୁ
ସଲ୍‌ସି ଝିଜୁ ଲୋକ୍‌ଜାତିଦୁ ସୁସମାଚାର୍ ପ୍ରଚାର୍ କିଦୁ ।

୧୬ ଏନ୍ ବିସ୍‌ବାସ୍ କିଜି ହୁବନ୍ ଅନାନ୍, ଖାଣ୍ଟ ରୁକିୟା ପଇନାନ୍;
ମାତର୍ ଏନ୍ ଅବିସ୍‌ବାସ୍ କିନାନ୍, ଖାନିଙ୍ଗ୍ ମାପୁରୁ ଦଣ୍ଡ ସିନାନ୍ ।

୧୭ ମାରି, ବିସ୍‌ବାସ୍‌ସି ଲୋକା ଇୟାଞ୍ଜିକୁ ସିନେଙ୍ଗ୍ ଆନେ, ଖାର ନା
ଦରତାନ୍ ଦୁବେଙ୍ଗ୍ ପେରନାର୍, ପୁନି ପୁନି ବାସାଦୁ ମାଟା ଇନାର୍,

୧୮ କିକାଙ୍ଗ୍ ସାରାସ୍‌କୁ ଆସ୍‌ନାର୍, ମାରି ଇନି ଝିସାମ୍‌ତି ମାୟାମ୍
ଉଟିଙ୍ଗ୍ ବା ଖାରି ଇନିକା ନାସ୍‌ଆଏଡ୍; ଖାର ନବ୍‌ଆତି ଲୋକା ମୁସ୍‌କୁ
କିୟୁ ଇର୍‌ତିଙ୍ଗ୍ ଖାର ନେଗେନ୍‌ଆନାର୍ ।”

ଜିସୁ ମୁସ୍‌କୁପୁର୍ ସରଆନ୍

(ଲୁକ ୨୪:୫୦-୫୩; ପ୍ରେରିତ ୧:୯-୧୧)

୧୯ ☆ସିସୁରିଙ୍ଗ୍ ଇୟାଞ୍ଜିକୁ ମାଟା ଇରଇ ଝେନ୍‌କା ପ୍ରବୁ ଜିସୁ
ମୁସ୍‌କୁପୁର୍ ସରଆନ୍‌ନୋ ମାପୁରୁଦି ଉଣି କିୟୁ ତରିଣ୍ଡ ବାସତାନ୍ ।

୨୦ ମାତର୍ ସିସୁର୍ ଆୟା ବାତିଦାଣ୍ଡ ଡେସିଞ୍ଜାଜି ସାରା ଦୁନିଆଦୁ
ଜିସୁଦି ସୁସମାଚାର୍ ପ୍ରଚାର୍ କିତାର୍, ମାରି ପ୍ରବୁ ଖାରିଞ୍ଜାଲେ ଅର୍‌ସେ

ମାନୁଜି ଆୟା ସିନେଶୁକୁ ଆୟା ବାକ୍ୟ ସତ୍ତ୍ୱେ ଜି ଶେଙ୍ଗୁ ସ୍ୱତାନ୍ ।
*

* **୧୭:୨୦** ଏସ ପାଢ଼ିଇ ରାସାତିମାନି ମାର୍ଚ୍ଚ ୧୭:୯-୨୦ ନିସ ରାସାତିମାନିକା ଡକ୍ସଡ୍ ।

ମାପୁରୁଦି ସବ୍ ବାକ୍ୟ

The New Testament in the Konda Porja Language of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja
Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନଃ ନିର୍ମାଣ, 2020

The New Testament in Konda Porja Language

The Word for the World International

This translation is made available to you under the terms of the Creative
Commons Attribution Share-Alike license 4.0.

You have permission to share and redistribute this Bible translation in
any format and to make reasonable revisions and adaptations of this
translation, provided that:

You include the above copyright and source information.

If you make any changes to the text, you must indicate that you did so in
a way that makes it clear that the original licensor is not necessarily
endorsing your changes.

If you redistribute this text, you must distribute your contributions
under the same license as the original.

Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

Note that in addition to the rules above, revising and adapting God's Word
involves a great responsibility to be true to God's Word. See Revelation
22:18-19.

2025-05-07

PDF generated using Haiola and XeLaTeX on 19 Dec 2025 from source files
dated 7 May 2025

506ae627-08e2-556a-b39e-5315f886d95a